

# WANTOK

NIUSPEPA BILONG OL PAPUA NIUGINI STRET

Ernst & Young audited/  
circulation 15,177

36 pes

Namba 879

Wik i stat long Fonde 9 Me, 1991.

40 toea

## INSAIT

• Palamen ripot  
stat long Tunde  
...pes 2

• Jastis Amet  
srukim kot bilong  
Diro gen...pes 3



• 4 pes nius  
bilong ol yut

• Soldia i go long  
pait i save wari tu  
long lusim  
famili...pes 4

• Toktok bilong  
Umboi timba i  
stap yet...pes 5

## Long RAGBI LIG NIUS



• Ol arapela senta i  
makim pinis fainal  
tim bilong SP Intasiti  
Kap resis

• Husat em ol  
membra bilong fainal  
Vipers skwat

• Amerika tokim  
Irak long baim  
kaikai bilong ol  
refuji...pes 8

• 3 pes bilong ol  
pas spesel

Vot bilong senisim mama lo i no kamap

# Gavman sot long namba

## SAM VULUM i raitim

PALAMEN i no inap tok orait long 4-pela bikipela senis bilong mama lo o konstitusen bilong kantri long asde (Trinde), bikos gavman i no gat inap namba bilong winim vot.

Ol memba bilong gavman i no stap long taim bilong kibung em Foren Afeas minista Sir Michael Somare, Lukas Waka, Melchior Pep, Henu Helsingut, Peter Gaige na Soso Tomu.

Gavman i bin gat 66 memba tasol i stap long kibung. Na long gavman bilong winim ol vot na oraitim ol dispela senis, em i mas gat 77 memba olgeta. I gat bilip olsem olgeta dispela memba bai kamap long kibung long Tunde neks wik.

Ol dispela bikipela senis long konstitusen em lo i lukautim laik bilong ol man long raun (liberty of a person), lo i karamapim ol lida (leadership code), senis bilong lukautim lo yet (protection of laws) na vot i no gat bilip (vote of no confidence).

Planti memba tru i bin sapatim tingting bilong senisim lo we i lukautim laik bilong ol man, meri na pikinini long raun. Prait Minista Rabbie Namaliu i tokaut olsem dispela senis i givim pawa na tok orait long ol kot long tambuim ol manmeri long raun nating. Dispela lo bai givim tu pawa long ol kot i ken rausim ol lain husat i sindaun long graun bilong ol arapela lain.

Lapun bilong palamen, Sir Pita Lus i toktok strong tru olsem dispela i mas kamap lo nau. Long wanem, planti manmeri i save raun nating long ol taun na kamapim planti trabel tumas.

Tasol namba tu lida bilong Oposisen, Sir Julius Chan i tok dispela senis i gutpela. Tasol, pastaim long em i kamap lo, gavman i mas stretim sindaun bilong ol manmeri long ples.

Sapos sindaun bilong ol long ples i orait, ol bai i no inap long raun na wokim trabel nabaut.

Narapela bikipela senis em planti memba i toktok long en em long vot i no gat bilip. Palamen i bin tok orait long las yia olsem vot i no gat bilip i no ken kamap inap 30 mun pastaim long nesanel ileksen na 12 mun bihain.

## Philomena Kabutoa i ranawe wantaim ol pikinini long Buka Liberesen Fran

### KONIO SENEKA i raitim

"SAN i kam antap long solwara na mi kisim olgeta pikinini wantaim sampela klos na wokabout i go insait long bus.

"Mipela bai wokabout inap 8-pela aua olgeta long rot.

"Pastaim long mipela i wokabout, mi bin tokim ol pikinini long no ken meknais o pairap o toktok nabaut. Mi tok save tu long ol pikinini long wanem as na mipela bai lusim ples long nambis na go long bikbus.

"Ol pikinini i no pret. Sik malaria i bin bagarapim stret long dispela de. Olsem na taim ai bilong mi i raun liklik, mi bai sanap na malolo. O mipela i save sanap taim wanpela pikinini i laik malolo."

Dispela em stori bilong meri bilong Ailan Komanda bilong BRA Linus Kabutoa, Philomena husat i kisim ol pikinini na ranawe lusim Tohatsi long nambis na i go long Koiso Namba 2 insait long ol Solos eria



•Meri bilong Allan Komanda bilong BRA Linus Kabutoa, Philomena i bin lukautim 5-pela pikinini em yet taim hevli bilong Bogenvil i stat i kam inap nau. Linus i stap hait yet long bus. Long poto, ol 5-pela pikinini, wanpela man na 4-pela meri i sindaun isi na wetim mama i kukim kaikai bilong ol long apinun. Poto: Konio Seneka.

bilong Buka ailan. Dispela hap long bipo i bin stap olsem wanpela biknem senta bilong ol rebel paitman.

Philomena i karim lik-

lik Angelica, husat i bin gat wanpela krismas tasol long dispela taim, holim wanpela pikinini man tasol Nigel long han na ol narapela

tripela meri, Esther, Lyneth na Noela i bihainim long baksait. Pastaim long dispela, Philomena i bin harim olsem ol lain bilong

Buka Liberesen Fran bai kam na kalabusim em wantaim ol pikinini. Bikos Linus i bin wok wantaim ol lain bilong BRA.

i go long pes 4

**TOYOTA**  
**HILUX**

PORT MORESBY 229400 • LAE 433655 • RABAU 921988 • MADANG 822188 • GOROKA 721844 • MT HAGEN 521888 • WEWAK 862755  
POPONDETTA 297266 • KAVIENG 942132 • KIETA 956083 • KIMBE 935155 • TABUBIL 589060 • VANIMO 871254 • PORGERA 508203



**NAMBAWAN**  
**TRU LONG**  
**PAPUA NIUGINI**

**ELA MOTORS**  
WIL BILONG  
OLGETA HAP

Palamen kibung long dispela wik wantaim SAM VULUM

Difens laik baim 4-pela nupela balus

SAMPELA hevi i bin kamap namel long Australia na Papua Niugini taim Nesenel Gavman i yusim 4-pela Iroquois helikopta long Bogenvil.

Minista bilong Difens, Benais Sabumei i tokaut olsem Australia i kros taim PNG i yusim ol helikopta long karim ol sekuriti fos long Bogenvil. Dispela hevi i stret pinis.

Tasol Minista Sabumei i tok long dispela nau, Papua Niugini i luksave nau long wok bung bilong em wantaim Australia na ol narapela kantri tu.

Em i tok Australia i givim ol dispela helikopta fri na i givim tu mani bilong lukautim ol helikopta. Mani ya inap long Kl milien bilong lukautim ol helikopta long tripela yia olgeta.

Minista i tok ol helikopta i gutpela tru long yusim long kantri, tasol em i tok Papua Niugini i luksave pinis long no ken kisim nating ol kain samting olsem long bihain taim.

Em i tokaut tu olsem Difens Dipatmen i lukluk long nau baim 4-pela ami balus long Spain. Dispela balus bai kisim ples bilong olgeta DC3 balus bilong ami nau i bagarap pinis.

Mista Sabumei i tok ol i toktok nau long ol gutpela pe bilong ol dispela balus na sapos Papua Niugini i ken kisim nau olsem dinau na baim bihain.

Minista i tok long raun bilong em i go long Malesia, em i bin tok tok wantaim gavman bilong Malesia tu long kisim sampela helpim long wokim ol haus bilong ol ami long kantri.

Air Niugini i stap long dinau

AIR Niugini i bin lusim K3.5 milien long las yia na i gat bilip olsem em bai lusim K6 milien long pinis bilong dispela yia.

Memba bilong Wapenamanda, Masket langalio i tokaut long dispela long taim bilong askim bilong palamen long Tunde.

Mista langalio i tok dispela i kamap long wanem i no gat gutpela ol wokman bilong mekim na lukautim wok bilong Air Niugini.

Em i askim Praim Minista Rabbie Namaliu, sapos em i save olsem nesenel gavman i ranim rong taim em i tok orait long baim namba tu Air Bus balus bilong Air Niugini.

Dispela long wanem Air Niugini yet i luksave nau olsem em bai i no inap long lukautim na ranim dispela balus. Na dispela i kamap kliat taim Air Niugini i givim balus ya long wanpela kampani long Bulgaria long Yurop bilong yusim na baim mani i kam long Air Niugini.

Yangalio i tok Air Niugini i bin baim dispela balus long Kl.3 milien na taim Air Niugini i painim olsem

em i no inap long yusim balus nau, balus ya i bin slip nating long ples balus long Singap. Na long dispela taim Air Niugini i bin baim K3,000 long wanpela wik olsem pe bilong balus.

Long wankain taim tu em i tok long namba wan taim tru Air Niugini i bin gat K3 milien dinau wantaim Papua Niugini Benking Kopresen (PNGBC).

Em i tok em i harim sampela tok win pinis olsem gavman i tingting long salim Air Niugini long wanpela praivet kampani. Tasol em i askim bilong wanem gavman i laik salim sapos em i save olsem Air Niugini i no wok gut.

Mista langalio i kliat gut long wok bilong Air Niugini long wanem em i bin wok olsem jenerel menses pastaim long em i kamap memba bilong palamen.

Minista bilong Sivil Aviesen, Bernard Vogae i no stap long bekim ol askim bilong memba. Praim Minista Rabbie Namaliu tu i no save long ol ansa. Na askim memba long putim ol askim bilong em long notis pepa bai ol i ken bekim bihain.

Diwai bagarapim tru hatwok bilong manki Goroka



• Poto i solim diwai i slip antap long ka bilong Jim. Ol lain i sanap wantaim Jim (makim han long ka na diwai) em tambu meri bilong em Rose, yangpela Adovena long fran na liklik Banso i hangamap long han bilong papa. Poto: Francis Uliau.

BIKEPELA ren i bin pundaun long las wiken. Na long Morata Namba 2 long Mosbi, Jim Buri bilong Lufa long Goroka i bin belhevi nogut tru taim diwai arere long haus bilong ol wantok i pundaun na krungutim ka bilong em.

Strongpela win i bin kam na kisim diwai i sanap arere tasol long ples we em i putim ka bilong em. Jim wantaim famili bilong em i wok long sindaun long nupela haus bilong ol antap liklik long maunten i stap taim bikpela win i kam kisim diwai na bruk i go slip antap stret long ka.

Jim i bin baim dispela ka bilong em long 1987

long taim bilong wanpela oksen sels. Dispela diwai i bin pundaun na bagarapim tasol ka bilong hikman ya. Na haus i sanap klostu i no kisim bagarap. Haus i orait tasol.

Wanpela gutpela samting tru em olsem Jim i bin baim insurens bilong dispela ka. Em i bin baim insurens bilong ka wantaim Motor Vehichles Insurance (PNG) Trust (MVT) aninit long Third Party insurens long 1987 yet.

Olsem na sapos i gat bikpela bagarap o samting, Insurens bai helpim Jim long ol bagarap i kamap long ka bilong em.

No gat bikpela toktok i kamap long namba wan de

PLANTI manmeri i ting olsem palamen bai paia taim em i bung gen long Tunde bihain long i no gat kibung inap long 7-pela mun olgeta.

Wanpela bikpela samting em ol manmeri i ting bai kamap gen em long vot i no gat bilip. Ol narapela bikpela samting em long toktok bilong Nesenel Gad, hevi long Bogenvil, toktok bilong namba tu Praim Minista Ted Diro jusait i sanap nau long kot bilong brukim Lidasip Kod, kefiu, na ol narapela bikpela toktok.

Vot i no gat bilip i namba wan tingting bilong planti

manmeri long wanem, dispela tasol i mekim na Palamen i no kibung gut long las yia. Gavman sait i pret nogut Oposisen i holim vot i no gat bilip long en na pasim palamen inap long dispela yia.

Oposisen i bel hevi long dispela na bringim i go Suprim Kot bilong skelim aninit long seksen 204 bilong Konstitusen. Kot bai traim long painimaut sapos Gavman i gat pawa long pasim palamen long longpela taim tru o nogot.

Suprim Kot i painim olsem gavman i no gat pawa na tok olsem palamen i mas bung

gen hariap. Long dispela tokaut bilong kot tasol na palamen i bung gen. Sapos no gat bai i no gat kibung inap long mun Jun.

Bikos long dispela kain tingting bilong ol pipel, planti manmeri tru i bin kamap long palamen long Tunde bilong lukim wanem samting bai kamap. Olgeta sia long pablik galeri i pulap long ol manmeri.

Tasol i no gat wanpela samting i kamap. Ol samting i kamap long taim bilong askim em ol liklik askim ol

memba i autim long ol hevi bilong ol pipel long ilektoret bilong ol.

Tupela bikpela ripot tasol em bilong Praim Minista Rabbie Namaliu na minista bilong Plis Mathias Ijape. Tupela wantaim i givim ripot long hevi bilong lo na oda natiam tambu.

Tasol husat i save. I gat tupela moa wik palamen long bung long dispela namba wan kibung bilong dispela yia. Nogut Oposisen i traim gen long rausim gavman. I gat ol tok win i stap pinis.



HAGEN: Ol mejjstret long Hagen i no wanbel long ol plisman bikos ol i paitim nating wanpela mejjstret long Sande, 5 Me 1991.

Ripot i tok ol plisman i painimaut nau long husat ol wanwok bilong ol i bin mekim dispela pasin. Mejjstret husat i bin kisim bagarap long dispela taim em Jeffrey Siki. Siki i tok ol plisman i bin askim em long kam ausait long ka bilong em.

Taim em i no bihainim, wanpela plisman i pulim em long snot na paitim em. Bihain ol arapela i joinin na bungim mejjstret. Siki i tok taim em i tokim ol olsem em i no raskol, ol i paitim em moa vet.

HAGEN: Ripot i tok wanpela lapun meri Australia i bin dai taim wanpela ka i bamim liklik bas em i stap insait long en wantaim man bilong em.

Ol man i lukim dispela birua i tok nem bilong tupela marit ya em Pat na Phil. Ripot i tok ka biiong Rri Truckers i bin bamim sait bilong bas taim em i laik tanim i go long Tarangau Draiv.

Meri i dai long rot na man bilong em i stap long haus sik.

Ol plisman i holim pasim draiva bilong ka i stap long stesin bilong sasim em.

MENDI: Plis stesin Komanda Mark Yangen i kamap long kot long sas bilong yusim gan long pablik ples. Ripot i tok Yangen i bin yusim gan bilong em long brukim taya bilong tupela ka long 9 Mas 1991.

Dispela pasin i bin kamap klostu long haus sik. Ol plisman i sasim em pinis long dispela pasin.

MOSBI: Ol plisman i bin holim pasim tupela wanpela man long Tunde, 7 Me 1991. Bihain ol i bin kisim tupela i go long Boroko plis stesin na sasim ol long smokim spak brus long rot. Tu ol plisman i painim olsem tupela i haitim sampela spak brus long poket. Tupela i bin kamap long kot long Trinde long smokim spak brus.

KAVIENG: Plis i askim ol meri long wokabout long grup long olgeta taim. Ripot i tok planti man husat i pinis kalabus i raun i stap long taun na kamapim planti birua pasin long ol meri.

Provinsal Plis Komanda Siev Inspekta Titus tok Pamben i tok olsem bikos ol raskol i bin bagarapim wanpela yangpela meri long Rawal setelmen long Sarere nait.

Pamben i tok 5-pela man i bin pretim dispela meri bilong Nusa Ailan long 7 klok apinun na kisim em i go arere long rot na bagarapim em.

Bihain ol plisman i holim wanpela man bilong Mussau na sasim em long dispela pasin. Ripot i tok ol arapela 4-pela i stap yet long bus na Pamben i bilip olsem ol plisman bai holim ol klostu.

LAE: Ripot i tok ol plisman i bin kisim 18 ripot bilong ol birua long Lae siti insait long 6-pela de bilong mun Me. Kostal Rijonal Komanda Cosmos Pulai i tok ol plisman i holim pinis 7-pela man long wokim sampela bilong ol dispela birua pasin.

Ripot i tok ol raskol i bin kilim tripela man. Wanpela bilong Wau na tupela bilong Lae yet. Tu 8-pela stil pasin, 5-pela haus ol raskol i bin brukim na wanpela pasin nogut long meri i bin kamap long wankain taim tasol.

Ol plisman i painimaut long ol dispela samting.

WAU: Ripot i tok Pulai i bin salim Provinsal Plis Komanda Peter Nasset long mekim sampela wok painimaut long Wau. Nasset bai painimaut long wanpela ripot olsem ol plisman i bin bagarapim sindaun bilong ol pipel bilong ples.

Man husat i go pas long kisim maus bilong ol pipel i tok ol plisman i bin bagarapim stret ples bilong em. Na ol plisman i holim pasim em bikos ol i tok em i bin lukautim ol raskol long haus na ples.

WEWAK: Ripot i tok ol plisman i holim pasim pinis wanpela man ol i bilip olsem em i bin bagarapim wanpela liklik meri husat i gat 14 krismas tasol.

# Diro bai kot gen long 13 Me

## Kitogara na NCDC i kros yet long hap graun long Koki

### SAM VULUM i rattim

LIDASIP Traibunel i harim kot bilong namba tu Praim Minista Ted Diro bai kamap long 13 Me na i no 27 Me olsem bipo.

Dispela long wanem wanpela askim nau i kamap sapos Traibunel i gat pawa long harim kot bilong Diro o nogat.

Siaman bilong Traibunel, Jastis Arnold Amet i tok ol sas bilong Diro i kamap long ol wok em i holim bipo na i no wok bilong em nau. Em i askim ol loya bihain long sindaun bilong Traibunel long Mande long tokaut long 13 Me sapos Traibunel i gat pawa o nogat.

Dispela taim bilong sindaun i senis bihain long askim bilong Pablik Prosekyuta, Kina Bona. Bona i laik bai Traibunel i mas sindaun gen hariap. Long wanem sapos em i tru olsem Traibunel i no gat pawa, bai dispela i go long Suprim Kot long skelim pastaim long 27 Me.

Bona i tok em i askim Jastis Amet long Traibunel bai sindaun gen long Fraide dispela wik, tasol dispela i no inap long kamap bikos loya bilong Diro, Loani Henao i go long Lae na bai ol i mas wetim em.

Em i tok sapos dispela samting i go long Suprim Kot, kot bai i no inap long harim sas bilong Diro, dispela em i wok bilong Traibunel. Suprim Kot



• Ted Diro

bai painimaut tasol sapos Traibunel i gat pawa long harim ol sas bilong Diro taim em i stap Fores minista o nogat.

Prosekyuta i tokaut tu olsem opis bilong em i no gat pawa long givim oda long ol witnes bilong kamap long Traibunel. Ol i gat pawa sapos Diro i kamap long



• Arnold Amet

Nesanel Kot o ol narapela kot. Tasol Traibunel em i bodi ausait long kot sistem.

Olsem na sapos ol i odaim ol witnes, ol i mas askim Traibunel long stretim rot bilong

ol. Ol bai givim tasol nem na ples we ol witnes i stap long en long Traibunel.

PAIT namel long wanpela kampani, Kitogara Holdings na Nesanel Kapitel Distrik Komisn (NCDC) long graun klostu long Koki maket i kamap pinis long wanpela kot bilong graun.

Tupela sait wantaim i laikim graun na ol i pait longpela taim tru, stat yet long 1984. Pait bilong tupela i kamap long kot planti taim. Kot i tok orait long wanpela long yusim graun na bihain narapela i brukim tingting kot i givim.

Ol i pait yet na long Tunde, tupela lain ya i kamap long wanpela spesel kot bilong graun. Tripela wokman bilong Lens na Pisikel Plening Dipatmen i go pas long en. Kot i laik painimaut stret nau husat bai kism graun.

Long dispela kot papa bilong Kitogara Holdings, Frank Griffin i tokaut olsem em i laikim dispela graun long kamapim bikipela bisnis. Dispela bisnis bai helpim ol yangpela husat i lusim skul nastap nating.

Tasol Jenerel Menesa bilong NCDC, Philip George i tok dispela i no tru. Em i tok ol i mekim olgeta samting i no bilong helpim komisn. Ol i laik kamapim developmen long helpim olgeta manmeri long Koki na tu bilong Mosbi na kantri.

### Gavman makim K11,000 bilong SP Gems rot

NESENEL Gavman i putim nau mani bilong stretim ol rot long Lae na Mosbi bilong redi long bikipela Saut Pasifik Gem em bai kamap long mun Septemba.

Minista bilong Woks, Anthony Temo i tokaut olsem Dipatmen i makim pinis K500,000 bilong stretim ol rot long Lae. Long dispela mani, dipatmen i givim pinis K200,000.

Long Mosbi dipatmen i givim pinis K100,000 and K500,000 i stap. Minista i bin tokaut long dispela taim em i bekim ol askim bilong memba bilong Kabwum, Tom Horik.

Memba bilong Lufa, Jerry Kovori i bin askim tu sapos gavman i putim sampela mani pinis long Kainantu/Lufa rot. Na tu em i laikim sapos minista i ken mekim samting long ol man i save wokim ol rot ol yet na bihain sasim takis long ol narapela husat i raun long en.

Temo i tok em i no klia tumas sapos dispela rot i kam aninit long lukaut bilong dipatmen bilong em o Dipatmen bilong Isten Hailans.



**Bas i kapsait:** Bas 6 bilong wanpela man Is Sepik em ol wantok bilong em yet i stilim long Sarere 4 Me, long Gordons. Ol i draivim i go na kapsaitim long Sir John Guise Draiv long Waigani. Dispela trabel i kamap long samting olsem 1 klok apinun (1.00pm). Poto Francis Uliau.

### Lapun Katolik pater painim birua long Wewak

BILIP na bikipela laik bilong em long ol pipel bilong Turubu long Is Sepik provins i supim Pater Henrick Sollner long go bek na wokim Misa las Sande.

Pater Henrick Sollner i gat 69 krismas nau na i bilong kantri Jemani.

Pater Sollner i bin painim bikipela birua tru long skin bilong em bihain long tupela man i sutim em long naip long las wik Mande. Dispela birua i bin kamap long samting olsem 8 klok long nait.

Pater Sollner i no nupela man long wok wantaim ol Katolik pipel bilong Is Sepik provins. Em i bin stap longpela taim tru wantaim ol pipel bilong Kunjinkini na Wosera long Maprik.

Vika Jenerel bilong Katolik Daiosis long Wewak, Pater Caspar Talmai i stori olsem long dispela nait yet pastaim long birua, Pater Sollner i bin bungim na toktok wantaim ol pipel bilong Turubu. Dispela em long 7 klok.

Orait bihain long toktok, ol pipel i lusim pater na em i laik go waswas long haus pater. Bihain long

waswas, em i pasim tawel na laik go insait long haus. Taim em i kamap long dua, em i lukim tupela man i bilas long kain kain pen long pes na kam long em. Pater i bikmaus tasol i tulet.

Wanpela bilong tupela i kism naip na katim pater klostu long ai bilong em. Bihain em i rausim gen naip na katim pater klostu long nus bilong em. Namba tri taim, dispela man i pulim naip na sutim baksait bilong pater.

Long dispela taim naip i bruk na stap insait long skin bilong Pater Sollner. Na gutpela tu olsem wanpela famili i stap klostu tu i harim pater i singaut na kam sekap. Tasol dispela tupela man i ranawe pinis.

Ol pipel i bin traime bringim pater long bikipela haus sik long Boram tasol bikipela wara i bin tait na solwara i bruk bikipela tru. Olsem na ol i kism pater i go bek long Moem Bareks na ol dokta bilong ami i helpim em.

i go moa long pes 16

Wanpela ripot bilong Lens i tok olsem dipatmen i tok orait pinis long dispela hap graun long Kitogara Holdings, taim kampani i aplai long en. Kampani i baim K4,447.88 long dispela graun.

Tasol bihain NCDC i no amamas long tok orait bilong dipatmen na i go long kot. Dispela nau i statim olgeta hevi i kam inap nau. Las tingting bilong kot em NCDC Pisikel Plening Bod i mas lukluk gut gen long graun na makim.

Plening Bod nau i gat tupela plen i stap wantaim em. Em bilong Kitogara Holdings na NCDC. Bod i tokaut bai dispela graun i mas go tupela hap Wanpela bilong maket na narapela bilong wok bisnis. Na long bisnis i mas kamap long notis na ol kampani i aplai long en.

Tasol dispela bai i no inap long kamap yet inap kot bilong graun i tokaut long tingting bilong en. Tingting bilong kot bai go long minista, Sir Hugo Berghauer long givim las tok orait bilong em.

**Envelopes**  
All sizes

STILL 25% OFF PRICES

**ALU SIGNS** PTY LTD  
PO BOX 7081, BOROKO PH: 25 4800  
STORE: NEAR BOROKO POLICE STATION

**FRI BAIBEL KOS**  
**YU KEN KISIM SKUL**  
**LONG SALIM PAS**

Salim nem na edres long: WORLD BIBLE SCHOOL, Dept. VD21, P.O. Box 9346, Austin, TX 78766 USA

**TORO**

**PEKPEK I KILIM TORO GUT TRU NA EM SIKSTI I GO INSAIT LONG BUS...**

**EM PEKPEK I STAP NA EM HARIM OL I PILAIM FENARET SINGSING BILONG EM...**

**EM I HARIAP LONG GO DANIS NA EM KISIM LIP I GAT KARAKUM I PULAP LONG EN NA EM RABIM AS...**

**NAU EM KISIM WANPELA MERI NA TUPELA DANIS... INO LONG TAIM NA OL KARAKUM MEKIM SAVE DAUNBILO...**

**OL MAN I TING EM NUPELA STAIL DANIS... AAAEEEEEE WARA WE? EEEE**

**TASOL NOGAT, EM OL KARAKUM I KAIKAIM AS BILONG EM I STAP...**

**TORO GO LONG WANPELA PATI LONG PLES... BEN I PILAI NA OL MANMERI DANIS NABAUT... YU SAVE, DAST I KIRAP, YA!...**

**(CREW!) KLOSTU MI RAUSIM LONG PLES DANIS!**

**SOREO! EM FENIA SINGSING BILONG MI, YA! MI MAS GO...**

**YU KAM HARIAP GANNI BAGARR?**

**EM TORO, YA! NUPELA KAM STAP DANIS, W!**

**DANIS BILONG TORO I NARAKAIN STRET...**

# WANTOK

NIUSPEPA BILONG OL PAPA NIUGINI STRET

## Sampela memba i no kamap

TUPELA de bihain long palamen i bung, ol bikipela toktok i kamap ples klia nau. Namaliu gavman i laik kamapim 4-pela bikipela senis long mama lo bilong kantri.

Sampela gutpela tingting i kamap long ol dispela senis. Namba wan em long lo i karamapim ol lida. Dispela lo bai sut long mekimsave tu long ol provinsal memba husat i laik bikhet na yusim dispela pawa bilong ol long winim samt-ing.

Planti gutpela piksa i bin kamap pinis i soim mipela olsem planti lida i no save tingim ol pipel tumas. Bikipela tingting bilong ol i stap long pinisim laik bilong ol yet, na i no bilong ol pipel. Wampela bilong ol dispela bikipela piksa nau i stap long namba tu praim minista Ted Diro. Diro i sanap nau long ai bilong Lidasip Traibunel bikos em i gat sas long brukim lo i karamapim ol lida.

Palamen i no bin kibung longpela taim tru nau. Na planti hevi na wari bilong ol pipel i no kamap long plua bilong palamen. Tasol wanem samtng i kamap long tupela namba wan de, sampela memba na minista i no stap. Ol pipel bilong ol dispela lain bai tok wanem? Ating ol dispela lida i no stap bilong makim ol pipel. Nogat. Ol i kisim namba na go insait long palamen bilong helpim ol yet tasol.

Dispela i no gutpela. Ol lida i mas sambai oltaim long ol dispela kain bikipela kibung. Bikos nau em i taim bilong soim pipel olsem yupela man husat i ken opim maus long nem bilong ol pipel. Na i no wampela kindam bilong kalap kalap tasol

# Planti soldia i save wari long lusim famili

LONG wampela soldia husat i wok long operesen taim Bogenvil hevi i stat, bikipela hevi i ken kamap long famili bilong em. Kepten Sam Haoda em wampela soldia husat i painim kain hevi.


Em i kepten bilong wampela ami sip bilong PNG Difens Fos, HMPNGS Salamaua. Famili bilong em i bin lusim em tru insait long bikipela operesen long ailan.

Kepten Haoda i gat 16 wokman i save wok aninit long lukaut bilong em. Em i tok taim PNGDF i stat mekim wok long Bogenvil long 1989, em i bin lusim famili bilong em long tripela yia olgeta. Dispela taim em i save gat tripela wik malolo tasol long olgeta yia.

"Laip bai i hat tru. Taim yu lusim famili, bai yu i no inap long wok gut. Bikos tingting bilong yu bai i paul."

Kepten Haoda i bilong Yule Ailan, Sentrel provins. Em i marit na i gat tripela pikinini, tupela meri na wampela pikinini man. Pikinini man em mama i bin karim taim em i stap wok long Bogenvil.

"Mi save long tupela pikinini meri tasol, na



pikinini man nogat. Bikos mi no stap klostu liklik wantaim pikinini man. Dispela em long taim mama i karim em i kam inap nau. Las yia pikinini man i lukim mi na i pret. Dispela em long taim mi go bek long tripela wik malolo.

Kepten Haoda i no save tingim famili bilong em tasol. Em i save tingim tu laip bilong ol wokman bilong em antap long sip.

"Mi gat 16 wokman long sip. Taim mi lukim olsem ol i gat wari long famili, mipela i save givim ol sampela kain trening. Dispela em long mekim ol i lus tingting, na i no ken wari tumas."

Kepten Haoda i bin wok long PNGDF na lukautim solwara bilong

bilong ol em i bilong givim sapat long ol Air Trensport Skwadron long solwara bilong PNG.

Lukluk long hevi bilong Bogenvil Ailan, em i tok ol i sot nau long wokman.

HMPNGS i bin mekim bikipela wok long karim ol soldia wantaim bikipela masin long wampela eria i go long

narapela. Dispela sip tasol i bin kisim ol soldia i go long Buka long Septemba, 1990. Na tu long noten eria bilong Bogenvil long April 13.

HMPNGS i ken karim 200 soldia, na i ken ran long solwara long 4-pela aua olgeta. Tasol sapos em i laik ran long wampela ful de na nait wantaim, em i mas karim 100 soldia tasol.



Kepten Sam Haoda i sanap holim bikipela gan antap long sip HMPNGS. Tasol long olgeta taim, tingting bilong em i save pas long famili na laip bilong ol man antap long sip ya.

## Philomena Kabutoa ranawe wantaim ol pikinini long Buka Liberesen Fran

i kam long pes 1

Olsem na long dispela, Philomena i kisim ol pikinini na ranawe i go long hait wantaim ol lain famili bilong em.

Long las wik, ol ripota i bin go long Bogenvil Ailan. Na ripota bilong Wantok i bin bungim na toktok wantaim Philomena Kabutoa long Koiso viles.

Em i luk vanqpela yet na i no gat planti mit tumas long skin bilong em. Em i sindaun

antap long wampela bed bilong haus em ol i wokim long diwai na pasim long rop bilong bus yet. Philomena i bin wok bipo olsem wampela tisa. Na em i no sem long autim ol toktok na tingting long em long wanem samt-ing i bin kamap.

Man bilong em tu i stap hait yet long bikbus wantaim ol sampela strongpela memba bilong BRA. Dispela ol lain i no amamas long wanem

samtng i kamap nau.

Mipela i sindaun stori i go na Philomena i tingim gen ol hevi na pen em i bin painim na karim bilong lukautim ol 5-pela pikinini bilong tupela Linus. Olgeta 5-pela pikinini i no go long skul yet. Philomena i wampela bilong ol dispela pablik sevan husat i givim sevis long taim bilong hevi na i no kisim pe bilong em yet.

"Laip i no bin isi. Tasol mipela i strong na stap. Mi

bin painim bikipela hevi tru long lukautim 5-pela pikinini taim bikipela pait na trabel i wok long go het."

Philomena i no save long wanem as tru na Linus i bin kisim sotgan na bihainim ol lain bilong BRA. Na watpo em i kamap olsem wampela bikman long ami bilong BRA.

Dispela meri i tok wampela rot bilong em tasol long salim na bekim toktok wantaim Linus em long ol hap pas tupela i save raitim.

## Angco baim yet kakao long Buka

YAKAM KELO i raitim

ANGCO kampani long Rabaul i kirapim gen wok bilong baim kakao long Buka ailan. Angco i salim sip i go long baim kakao long Buin na Kieta long mun Mas inap nau.

Wampela mausman bilong kampani long Rabaul, Ian Ward i tok ol i kirapim gen wok bilong baim gen kakao. I gat bikipela askim i kam long ol pipel bilong Buka long moa sip i mas go na baim kakao bilong ol. Bihainim dispela singaut, Ian Ward i tok Angco i traim long stretim rot bilong salim wampela sip moa bilong go baim kakao long ol pipel bilong Buka. Em i tok sapos ol samtng i orait bai

wampela bikman bilong kampani i go wantaim sip long baim kakao.

Long mun Mas i kam, Angco kampani i baim samtng olsem 200 tan o hevi bilong kakao long Kieta na Buin. Long dispela taim, kampani i bin baim kakao tripela taim tasol. Wampela taim long Buin na tupela taim long Kieta.

Ian Ward i tok bipo long gutpela taim kampani, i save baim olsem 16,000 ton o hevi kakao long Buka ailan. Em i tok moa kakao i redi long Buka olsem na ol bai go het long baim.

I gat bilip olsem MV Huris bai kambek wantaim moa beg kakao taim em i lusim Buka. MV Morima i bin kam pinis wantaim 700 beg

bilong kakao bihain long em i karim ol medikel saplai i go.

Long dispela taim yet, ol i wok long baim na salim kakao long nambis tasol. Bihain long hevi bilong Bogenvil, ol samtng i bagarap nabaut olsem na maket i stap tasol long nambis. Sampela paitman bilong BRA tu i bin helpim long karim na rausim ol kago long sip.

Nesanel gavman i wok long salim moa helpim i go bek long ol pipel bilong Buka. Wampela sip i go long Torokina na ol arapela ples long Wes Kos. Narapela i bin karim ol nes na sista i go long helpim ol pipel bilong Buka.

# WANTOK

NIUSPEPA BILONG OL PAPA NIUGINI STRET

P.O. Box 1982 BOROKO  
Telepon Namba: 25 2500  
Feks Namba: 25 2579

## PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

BIABIA LUSIM KA BILONG EM  
AUTSAIT LONG GET NA GO LONG  
HAUS...



EM RON I GO ANTAP NA LAIK  
STATIM KA, TASOL OL POLIS I  
SAMBAL PINIS...



EM KAIKAI PINIS NA SINDAUN  
MALOLO I STAP NA LUS TINGTING  
OLGETA LONG KA... 8-KILOK PINIS NA  
EM TINGIM...



EM TOKIM OL STRET TASOL OL  
POLIS I NO HARIM TOK BILONG EM...





■ LAPUN man Sepik i sanap arere long Pas-sam rot na wetim ka bilong go long Wewak. I no longtaim, wanpela wait tisa bilong Passam nesenel haikul i kam long ka bilong em na lapun i pasim. Waitman i go stop na lapun i singaut, "I went to town and come back." Waitman kros na bekim, "And why did you stop me?" Em lusim brek na kirapim das i go. Na lapun i sanap maus op na longlong i stap.

Francis Nimbi, Hagen, W.H.P.  
 □ AMASOTI i luk olsem wanpela hapkas wait na blak manki. Na em i man bilong pulim ol meri. Wanpela taim em i putim ai long maritmeri na man bilong dispela meri i TKO long Amasoti na kisim em i go long kot. Amasoti i save olsem em i rong pinis na bai kisim taim. Kot i painim olsem em i rong na mejistret i askim Amasoti, "Pastaim long mi givim toktok bilong mi, yu yet i gat sampela las toktok bilong mekim o nogat?" Na Amasoti i bekim olsem em i gat toktok. Boi kirap na tok, "Mi gat tupela kain blut i raun insait long mi. Blak em i as ples na em i save stap isi. Wait blut i lusim ples olsem na em i save bik het na traim long bringim mi long trabel. Olsem na nau mi sanap long kot bokis." Mejistret i harim olsem na kirap tok, "Mi no save harim kain toktok olsem bipo. Dispela em i namba wan taim stret mi harim. Kot i marimari long yu na rausim sas bilong yu. Yu ken go fri." Amasoti i harim olsem na amamas nogut tru. Em kam ausait tasol, lap nogut tru na tok, "Mi no hapkas. Mi trikim kot tasol ya. Mi wanpela albino. Mi trikim ol long kala bilong skin bilong mi tasol. That's mi, enitaim."  
 Profesa Palai, Lapwing Drive, Gordons.

■ MAN Sepik na Simbu raun long wara bilong painim pis. Man Sepik i putim glas na glasim pis long wara. Na Simbu karim rop pis na bihainim Sepik arere long wara. Simbu lukim Sepik i glasim pis i go na em aigris olgeta. Em kirap na singaut long Sepik, "Wara, kam kisim win na mi ken senisim yu." Sepik lusim wara kam antap na Simbu putim glas long ai bilong em. Boi sanap antap tasol na hetwin i go daun long wara. Sepik i sanap antap na lukim ol das i kirap aninit long wara. Boi lukim olsem na em tekov bikos em save long wanem samting i kamap. Na long apinun, Simbu i kamap long haus tasol nus na pes bilong em i ret na solap nogut tru.  
 Albert Sulu, Rabaul.

## Toktok bilong Umboi timba i no pinis yet

OL papa graun bilong Umboi timba long Siassi, Morobe provins i no amamas long Umboi Timber Investments kampani i lukautim mani na wok bilong ol inap long tripela yia nau.


Nem bilong grup em ol papa graun i fomim em Sogot Grup. Na ol memba bilong dispela grup em 4-pela papa graun bilong ples Gomlongori na Sampenan. Ol i bin holim wanpela kibung bilong ol tupela wik i go pinis na toktok long menesmen bilong kampani nau i stap long en.

Wanpela mausman bilong ol papa graun, Richard Maribu i tok olsem insait long kibung, ol papa graun bai bringim dispela hevi i go long nesenel kot. Ol bai askim kot long stapim ol akaun bilong Umboi Tim-

ber Investments.

Na ol mausman bilong ol papa graun i bin holim tu wanpela kibung bilong ol long Lae wantaim ol bos bilong ol provinsal dipatmen. Ol mausman i holim ol dispela kibung bilong painim rot bilong ol long sekap long ol timba raits pemit.

Richard Maribu i bin bekim tu wanpela toktok i kamap long niuspepa long 24 Epril. Dispela ripot i bin toktok long Putput Logging bai lukautim wok bilong Umboi timba. Em i tok, "Long lukluk bilong mipela ol papa graun, dispela i no inap kamap. Bikpela tingting bilong mipela i stap long ol graun, bus, wara, diwai na abus. Mipela i no wari tumas long ol sevis na mani."



Nupela Rot: Bikpela kago ka i pas long rot na ol arapela ka i mekim nupela rot long gaden flaua long 4 Mail trefik lait.

## Westen Hailans i no bagarap long lo na oda

OL lida bilong Westen Hailans i tok provins i no bagarap long hevi bilong lo na oda.

Primia Lucas Roika i tok gavman bilong em i save wok wantaim plis dipatmen na ol arapela sekyuriti grup long lukautim provins. Gavman i helpim long givim mani, ka na ol arapela samting long daunim hevi bilong lo na oda.

Primia Roika i tok gavman i stap na wok bisnis wantaim ol arapela wok long provins i stap.

Em i tok ol dispela lain husat i bin tokaut long televisen progrem bilong Australia olsem Hagen i bagarap i no givim helpim long provins o kantri yet. Ol i laik daunim tasol gutpela tingting na plen bilong gavman long wok bilong provins.

Primia i tok hevi bilong pait long Westen Hailans i bihainim pasin long taim bilong tumbuna yet.

## Wes Nu Briten riliv komiti givim namba tu bikpela helpim

WES Nu Briten Riliv komiti i bin givim bikpela helpim gen long ol pipel long provins.

Siaman bilong komiti, Greg Seeto i bin givim K25,000 bilong salim wanpela wokman bilong provins, Manoi Kisakui husat i gat bikpela sik long kisim marasin long Australia. Kisakui i save wok olsem asisten seketeri bilong Komes long Dipatmen bilong Wes Nu Briten.

Em i sik nogut tru na nau i stap long Mosbi haus sik. Dispela mani i bilong baim rot bilong em long kisim marasin long go bikpela haus sik long Australia.

Namba wan helpim komiti i givim long 1986. Komiti i givim K25,000 i go long Red Cross long mekim wok bilong en. Dispela taim komiti i bin stpa long han bilong siaman Samson ToPatiliu husat i dai pinis.

Ol nupela eksekutiv bilong komiti em Greg Seeto olsem siaman, em Mathias Ire, tresera lan Seeto na ol memba em Daniel Ando, Rod Seeto na Kisakui yet.

Komiti i bin stat long 1985 bilong bungim mani bilong Intanesenel Yut Yia. Bihain long dispela em i pun-daun, tasol long dispela yia ol i statim gen.

## Graun em as bilong ol kros long Dagua nau

TOKTOK bilong stretim bikpela pait namel long ol pipel bilong Magopin, Simpiken na Maguer long Is Sepik provins i no pinis yet.

Sampela opisa bilong Is Sepik Rihebilitesen komiti bai lusim Wewak tude, Fonde 9 Me, bilong go bungim na toktok wantaim ol mausman bilong dispela tupela grup.

Dispela bikpela hevi i bin stat taim ol lain bilong Simpiken na Maguer i kilim Philip Wanu bilong ples Magopin. Philip i save wok olsem wanpela kuskus bilong ol kiap na i bin kam malolo long ples taim dispela biru a i bungim em.

Bikpela toktok nau i pas long hevi bilong graun. Na olgeta i toktok tu long baim kompensesen bilong bekim indai na ol bagarap i bin kamap.

Bihain tasol long Philip i bin dai, ol wantok na famili bilong em i go na kukim 16 haus bilong ol biru a. Olgeta pipel bilong dispela ples i ranawe i go insait long bikbus na i stap hait yet.

Ol toktok bilong bekim indai nau i sut long ol dispela samting. Ol lain bilong Magopin i laikim olsem ol biru a i mas:

1. Baim K100,000 kompensesen long bekim indai bilong Philip.
2. Na narapela K25,000 long Jacob, man husat i bin kisim bagarap long bikpela pait ya na i stap nau long haus sik.
3. Givim dispela ka em i bin karim ol sapota bilong arapela sait i kam long pait na kilim Philip na bagarapim Jacob i go long han bilong ol Magopin pipel.
4. Ol lain husat em haus bilong ol i paia i mas stap yet long bik bus na i no ken kam long ples, na
5. Dispela hap graun em ol i kros long en i mas stap nating inap kot i harim toktok na givim tingting bilong en.

Na ol lain bilong Francis Magutuo na Joseph Wapidu i laikim olsem ol Magopin i mas:

1. Baim K138,168 kompensesen long ol bagarap em i bin kamap long graun na haus na arapela samting bilong ol.
2. Dispela singaut na mak bilong kompensesen mani i stap long han bilong kot long stretim, na
3. Ol i laik stretim het bilong man i dai long pasin bilong ples o pasin kastom (Dispela las tingting i strong tru long tupela sait wantaim).

# Papua Niugini Nesenel Ileksen, Me-Jun, 1992

Nem bilong ol olupela na nupela kendidet bai kamap bilong resis long ol sia long olgeta ilektoret. Dispela em i bikpela samting olsem na olgeta man na meri bilong Papua Niugini i mas save gut tru long olgeta samting bilong mekim long taim bilong ileksen.

Sapos yu laikim helpim, go lukim ol Distrik Menesa, na ol Distrik Opisa-In-Sas (DOIC).

Askim ol long wok bilong ileksen em yu no klia long en.

**Tingim gut, ol gutpela lida i kamap long stretpela vot**

## TASOL HUSAT I KEN VOT?

Ol Papua Niugini man na meri husat i givim nem tasol long 1992 ilektoretol rol bai tromoi vot. Na dispela i min olsem olgeta sitisen husat em krismas bilong ol i winim 18 yia na i bin stap insait long wanpela ilektoret moa

long 6-pela mun na mama i bin karim em pastaim long 27 Jun, 1974 bai tromoi vot.

Sapos yu winim olgeta dispela toktok na i no givim nem yet, pulimapim wanpela fom long Provinsal Ilektoretol Opis, Distrik Menesa o Opisa-In-Sas long hap bilong yu.


**Tingim ... lo i tok olsem olgeta Papua Niugini man na meri i mas givim nem bilong vot.**

## OL NUPELA LAIN BILONG VOT

Sapos mama i bin karim yu pastaim o long 27 Jun, 1974, yu mas givim nem bilong vot. Yu i no inap vot long neks yia sapos nem bilong yu i no stap long ileksen rol.

Go long Provinsal Ilektoretol Opis i stap klostu long hap bilong yu na pulimapim wanpela fom bilong vot nau!

**Tingim gut, givim nem nau! Olsem bai yu gen vot long 1992 ileksen.**



Authorised by Reuben Karulo, Electoral Commissioner Papua New Guinea

## TU MINIT TINGTING

FRANK MIHALIC i raitim

## WIN I SOIM GOD

*"Yumi save kisim laip long em." (Aposel 17:28)*

OLGETA manmeri na enimal na binatang na tri na lip sayor long dispela graun i hangamap long win. Sapos i no gat win, ol i no inap i stap. Olgeta dispela samting i hangamap tu long God. Sapos em i no stap, ol tu i no inap i stap.

Long planti kain we, win nabaut long yumi em i wanpela piksa bilong God. I tru, win i no gat kala o sais o smel. Yumi no inap lukim em. Tasol em i stap. God i wankain tu: em i no gat kala o smel samting; na tu yumi no inap lukim em. Tasol em i stap.

Yumi inap save win i stap, long wanem, yumi ina lukim wok bilong em. Yumi lukim win i sakim ol klaut i go i kam. Em i meknais long ol lip long tri. Em i

subim ol bot na kanu i gat sel. Em inap flaim ol hap pepa nabaut. Em i save mekim kol skin bilong yumi.

God tu i soim em yet long kain kain wok em i mekim nabaut long yumi long olgeta de. God i mekim san na tulait i kamap olgeta de. Em wanpela i save givim laip long olgeta samting i gat laip. Em i larim ol lip i wokim kaikai. Em wanpela tasol i wokim ol maunten na solwara na klaut na guria na ren.

Orait, nau yu laik askim: God ya em i husat? Em i wanem samting? Ol kain kain relisen i gat kain kain tingting long God em i husat. Yumi Kristen i save kisim aidia bilong God long Baibel bilong yumi. Stat long namba wan stori bilong buk Jen-

esis long Baibel, yumi lukim God em i gat bikpela pawa na strong. Em i bin wokim olgeta samting long heven na long graun. Em i bin wokim yumi olgeta manmeri tu.

Long tingting bilong yumi Kristen, God em i no gat bodi. Yumi man i no inap piksaim samting i no gat bodi. Tasol nau yu lukim: tingting bilong yumi i no gat bodi. Na em i stap. Na bihain yumi dai, sol o spirit bilong yumi bai stap yet. na yumi no inap lukim spirit. Orait, God em i wanpela spirit olsem.

Na bikos em i spirit, i no gat wanpela spes o ples inap long pasim o kalabusim em. Olsem na em inap stap long olgeta hap bilong graun. Na bikos em i spirit, em i no inap long dai. Olsem

na em i save stap oltaim oltaim. Na bikos em i bin wokim olgeta samting nabaut long yumi, em i mas gat bikpela save. Em i bikpela bikpela Bikman tru.

Nau mi laik stori. Wanpela man i bin askim bikpela saveman Albert Einstein long mekim klia long em dispela bikpela lo i bosim ran bilong ol sta long skai. Einstein i tok, "Bai mi wokim wanpela eksampel bilong soim yu. Mi bin bungim wanpela aipasman na mi bin tokim em olsem, mi laikim wanpela kap susu. Em i askim, 'Susu em i wanem samting?' Mi bekim tok: 'Susu em i olsem waitpela wara.' Aipasman i bekim tok, 'Mi save long wara; tasol waitpela em wanem samting?' Mi tok, 'Waitpela em i kala bilong

gras bilong pato." Nau em i askim, "Pato em i wanem samting?" Mi tokim em, "Em wanpela pisin i gat nek i krungut." i Krungut, em i wanem samting? aipasman i askim, Orait, nau mi kisim han bilong em na mi krungutim na stretim bek. Nau em i tok, 'O, nau mi save, susu em i wanem samting.'

Nau man i wok long harim dispela stori bilong Einstein i airaun long harim tasol, na Einsten i tokim em olsem, "Yu lukim! Em i no isi long skulim aipasman. Orait, nau yu laik bai mi kliam yet dispela lo i bosim ol sta?" Man ya i tok, "Maski, em i antap tumas long mi."

Sapos yumi laik save tru long God, em i wankain. Yumi no inap. Mobeta yumi ol aipasman i amamas tasol long em.

## Ol Luteran kodineta kisim moa save long Sande skul

WANPELA kos bilong skulim ol Luteran kodineta long wok bilong Sande skul i bin kamap long Bundun Konpres Senta ausait tasol long Lae.

Meri husat i go pas long dispela kos, Gretcher Mueller i tok dispela em i namba wan taim bilong ol long trenim ol distrik lida long kain kain rot, pasin na stail bilong tisim Sande skul. Na bihain ol inap kirapim kain kos na mekim ol wok insait long distrik na seket bilong ol yet.

Gretcher i tok planti taim bipo, ol woka bilong het opis bilong ELC-PNG long Lae i save go long ol ples na mekim ol dispela wok. Tasol ol i save ol kain kain hevi bilong rot, mani na tu ol woka i save kisim taim long ol arapela hevi nabaut.

"Olsem na i mobeta long mipela i trenim ol pipel bilong ol dispela ples yet long mekim dispela wok. Na tu ol i ken trenim ol arapela long mekim kain wok olsem," em i tok.

Namba wan de bilong kos i bin sut long toktok

"Sande skul na wok bilong mi". Na long namba tu wok, skul i bihainim tingting bilong "Wok bilong Sande skul supavaisa".

Kodineta Mueller i bin redim tu wanpela buk bilong skruim save bilong ol Sande skul supavaisa long mekim wok bilong ol. Save em ol distrik Sande skul lida ya i kisim bai helpim ol tu long yusim dispela buk taim ol i givim skul o laik redim ol program.

Dispela buk i tokaut tu long strong bilong Tok bilong God i sut long ol Sande skul pikinini. Na wanem samting ol i mas save bilong helpim long stiaim wokabaut na pasin bilong ol.

Moa long 16 yut lida bilong ol distrik insait long Sios i bin kamap long dispela kos. Mueller wantaim Kedy Kawage i bin go pas long ranim dispela kos na i stap inap long tupela wik olgeta.

## Kos bilong stretim kros na pait helpim tru Is Sepik Rihebilitesen komiti

FAUNDESEN bilong Lo, Oda na Jastis na Edukesen Dipatmen i bin ranim wanpela kos bilong "Conflict Resolution" stat long 29 Epril i go inap long 3 Me, 1991.

Dispela kos i bin kamap long Insevis koles long Mosbi. Na samting olsem 80 mausman na meri bilong olgeta rihebilitesen oganaisesen, ol praivet grup na gavman oganaisesen i bin kamap long dispela kos.

Dispela kos i sut long as tingting bilong stretim pasin bilong kros, pait na bel hevi nabaut.

Kos i helpim long givim save bilong stretim ol hevi bilong wanpela liklik skul pikinini i go inap long ol bikpela hevi olsem bilong Bogenvil Ailan. Seketeri bilong Edukesen Dipatmen long Mosbi, Jerry Tetaga i bin opim dispela kos na minista Utula Samana i pasim.

Dairekta bilong Conflict Resolution Network long Australia, Hellena Cornalius i bin ranim dispela kos wantaim helpim bilong ol lain long edukesen dipatmen.

Wanpela man husat i bin stap insait long dispela kos em Andrew Salatu bilong Is Sepik Rihebilitesen komiti. Na em i bin amamas tru long kamap long kos.

Andrew i tok, "Mi laik makim maus bilong Is Sepik Rihebilitesen na givim bikpela tok tenkyu i go long Faundesen bilong Lo, Oda na Jastis long luksave long mipela na stretim rot bilong wanpela opisa bilong Wewak, em mi yet, long go na stap insait long kos."

Andrew i tok tu olsem em i bin lainim planti nupela samting em i no save long en bipo.

Is Sepik Rihebilitesen komiti i bin stat tupela yia i go pinis na i stap mekim planti gutpela wok long provins. Ol memba bilong komiti i kam long ol sios, ol komyuniti, kot na kaunsil grup, ol gavman dipatmen na ol arapela wan wan grup na oganaisesen. Bikpela wok bilong dispela komiti em long sindaun wantaim ol pipel long taim bilong kros na pait na traime long stretim long gutpela rot.

## Ol meri Westen Hailans laikim gavman sekap long operesen bilong ol plisman

WESTEN Hailans Kaunsil ov Wimen i askim nesanel gavman long lukluk long pasin ol plisman i save mekim long taim bilong ol spesel operesen.

Ol meri i pret bikos planti sekap ol plisman i mekim long ol ples nabaut ausait long taun i bagarapim pinis sindaun bilong komyuniti.

Presiden Paula Mek wantaim ol eksekutiv bilong em i tok sapos dispela operesen i pinis plis dipatmen i no ken givim oda long ol plisman i sekap gen long ol ples.

Paula i tok sapos ol plisman i holim

ol kain operesen olsem ol i mas sekap long husat famili pikinini bilong em i bagarapim sindaun bilong komyuniti. Planti bel hevi i save kamap namel long ol famili na bagarapim sindaun bilong ol yet insait long komyuniti.

Ol man husat i bagarapim sindaun bilong komyuniti i no wari long ol plisman bai bagarapim ples o ol arapela famili. Bikos ol i bin kamapim kain pasin olsem. Em i tok ol plisman i mas go stret long famili bilong ol kain lain olsem na kisim lo.

## Virtoga famili amamas long nupela pawa



• Virtoga famili i sanap long haus bilong ol em i kisim nupela Elcom pawa nau.

BOGE Virtoga wantaim famili bilong em i bilong ples Gidobada long Sentrel provins. Ol i namba wan famili bilong kisim nupela Elcom sevis.

Elcom i mekim nupela isi rot nau bilong kisim lait na pawa long ol ples kanaka. Nupela pawa ya em Minimen Saplai Kit (MSK). Ol haus we i stap longwe long pawa saplai o lain i ken yusim dispela nupela pawa long radio, televisen, bokis ais, stov na ol arapela liklik samting bilong yusim pawa.

Famili bilong Boge i amamas tru

long dispela nupela sevis. Bipo Boge ol i stap long Mosbi siti. Em i salim olgeta samting bilong yusim pawa taim ol i go long ples. Tasol nau em bai baim gen ol dispela samting.

Ol i ken yusim dispela pawa nau long welding masin, jenereta na ol arapela bikpela wok.

Kos bilong dispela pawa bai i stap olsem K5 long olgeta wik. Ol manmeri i yusim dispela pawa bai i baim K7.50 long olgeta mun. Dispela i antap long sas bilong pawa ol manmeri long taun i save baim.

## Ol studen skul long wok bilong sios

LONG las yia, 63 gret 10 Luteran studen bilong 4-pela haiskul insait long Simbu i bin holim wanpela ritrit long Muaina haiskul.

Dispela ritrit i bin kamap long mun Septemba bihainim het tok "Husat em i sios". Ol studen i bin holim tu ol prea, baibel stadi na ol pilai.

Insait long taim bilong ritrit, Pasto Martin Okrupa i bin strongim ol studen long pasin bilong sanap long lek bilong ol yet. Em i tok sios em i no haus tasol. "Sios em i yu na mi."

Pasto Erick Punde i bin skulim ol studen long bilip na pasin bilong Luteran Sios. Dispela i bihainim tingting bilong "Krais tasol, Marimari tasol, Bilip tasol, Baibel tasol."

Kodineta bilong ol dispela kain kos, Joachim Wild i bin strongim tru ol samting em ol studen i lainim long taim bilong ritrit taim em i raitim na redim

eksem pepa bilong ol. Em i tok, "Yumi olsem kristen, yumi mas mekim gutpela wok na givim biknem long God."

Long ol pilai i bin kamap, tupela tim bilong Gumine haiskul i winim basketbal na volibal na kisim tupela ritrit tropi.

Simbu Holsel, Collins & Leahy na Tru Trading i bin lukautim ol kaikai bilong ritrit.

Long dispela taim yet, Jiwaka Distrik i bin holim wanpela musik kos long Kulka, klostu long Banz long Westen Hailans provins.

Tripela yut lida bilong Mumeng long Morobe provins tu i bin stap namel long 16 arapela yut lida bilong Simbu na Westen Hailans provins.




Ol i bin lainim long pasin bilong wokim gutpela musik, lainim nupela singsing na kwaia

Niugini Luteran

# HONDA

## Johnson

Our outboards will propel you into greater fun and excitement, or all the way to bigger profits. With reliable power behind you, Johnson outboards will keep you ahead of the competition.




### HONDA

With A 4 Stroke OHV engine, the Honda gives you lots of fun power that will get you in and out of places others don't


### HONDA

The lightweight engine that will give you all the power when and where you need it.



### HONDA

Another lightweight Honda GX140 OHV 4 Stroke engine that's more compact than comparable pumps offered by other makers



### HONDA

The Fuelsaver light engine with a 4 Stroke that you can rely on. The OHV engine in Honda's Vertical Shaft Engine series.

### HONDA

For the Man On The Spot. The portable generator range gives you lots of power for any task. Big or Small, we will have a generator to suit.

Come On In And Match Engines With Us FROM AGRICULTURE TO INDUSTRIAL OR EVEN AROUND THE HOME, HONDA WILL HAVE AN ENGINE TO SUIT.

*Thank Goodness for* **HONDA!**

available from:

**TOBA**  
MOTORS

Port Moresby Lae  
217874 422611

*Steamships*

**HARDWARE & MACHINERY**

Port Moresby Lae Rabaul Goroka MtHagen Madang  
256755 424100 921450 722308 521754 823117

## Bihain long Galp Woa

# UN i tokim Amerika laikim Irak long baim kaikai bilong ol refuji

### UN i tokim Amerika long lusim ol refuji kem

KOMANDA bilong Yunaitet Nesen i askim ami bilong Amerika long lusim Irak-Kuwait.

Long dispela taim tu bai Irak i mas rausim ami bilong em long nambis bilong Um Qasr.

Samting olsem 48,000 soldia bilong Amerika i stap nau long sauten Irak na 4,000 i stap klostu long boda bilong Safwan, bilong helpim ol refuji husat i no gat haus na kaikai. Amerika i gat 800 soldia tu i stap long narapela refuji kem long sauten Irak.

Yunaitet Nesen sekyuriti i askim ami bilong Amerika long lusim Irak tasol komanda bilong Amerika ami i strong. Ol i tok bai Amerika ami i lusim Irak taim olgeta samting i orait long ol manmeri bilong refuji kem.

Long las wik, Saudi Arabia i bin oraitim ol refuji long i ken stap long wanpela kem bilong ol long Rahfa taun.

Yunaitet Nesen i askim ami bilong Amerika long lusim Irak bihain long 10-pela de. Mesa Jenerel Gunter Greindl, komanda bilong Yunaitet Nesen ami i tok ami i mas lusim Irak long 6 Me.

AMERIKA i painim gen nupela rot bilong mekim Saddam Hussein i bekim ol dinau bilong woa. Nau em i askim Saddam long baim olgeta samting em ol arapela kantri long wol i givim bilong helpim ol refuji husat i ranawe long ol hevi i kamap bihain long woa bilong Kuwait.

Wanpela ripot i go long seneta bilong Amerika i tok olsem ol pipel bilong Kurdistan na ol arapela pipel bilong Irak husat i ranawe lusim kantri bai stap wantaim pret long ol soldia na plisman bilong Saddam. Dispela em sapos Hussein i stap yet long pawa.

Man husat i raitim dispela ripot i laikim olsem i mas gat mak we inap long 80 kilomita longwe long isten na noten boda bilong Irak. Dispela mak i bilong banisim ol soldia na plisman bilong Saddam.

Ol refuji husat i bin ranawe lusim Irak na go long boda namel long Irak wantaim Iran na Teki i stat pinis long muv i go long 120 kilomita na 60 kilomita mak em ol lain bilong Amerika i putim. Irak yet i no gat toktok long dispela mak. Tasol dispela namba i liklik yet long 2 milien pipel husat i bin ranawe lusim Irak bihain long woa. Iran i bin tokaut long wanpela ripot las wik Fonde olsem 20,000 refuji i wok long go bek long Iran.

Nius ejensi bilong Iran, IRNA i givim ripot tu olsem 3,500 refuji i lusim pinis kem bilong ol refuji long Bakhtaran bilong go long ol siti bilong Irak long Sulaymaniya, Kirkuk, Darbandikhan na Kala long las wik Fonde na Fraide.

Narapela 1,500 pipel i bin lusim provins bilong ol Kurdistan long Iran, Marivan. Pastaim long dispela, 15,000 refuji i bin kalapim gen mak na go long Baneh.

Tupela taun wantaim i stap 60 kilomita longwe long Sulaymaniya.

Long narapela samting gen em bai kamap long Saddam Hussein, Intanesenel Atomik Eneji Ejensi long Viena i tokaut long salim sampela saveman bilong en i go long Irak na rausim olgeta nuklia pawa, bom na ol arapela bikipela nuklia faktori long hap.

Indastri minista bilong Irak, Jenerel Amer Hammoudi Al-Saadi i autim wanpela ripot long Baghdad na tok olsem wok bilong stretim ol jenereta i go het nau. Na long namel bilong dispela mun, planti hap bilong kantri bai kisim lektrik pawa.

Mausmeri bilong Stet Dipatmen bilong Amerika, Margaret Tutwiler i bin tokaut tu long las wik olsem "tingting bilong mipela em Irak i mas givim han long baim ol samting em ol arapela kantri i givim long helpim ol refuji. Dispela ol lain pipel i painim hevi bikos Irak yet i bringim long ol".

Em i tok dispela samting i no kamap tru yet. Bikos long nau yet, toktok bilong dispela nupela rot bilong mekim Saddam Hussein i baim ol bagarap i stap yet long plua bilong Yunaitet Nesens.

Mani em Irak inap kisim long wel bilong em tu i gat banis pinis. Bikipela hap bilong mani em Irak i kisim long salim wel bai go long baim ol bagarap em Saddam Hussein i bin kamapim long woa. Tasol ol no tokaut yet long hamas mani bai Irak i givim long olgeta wel em i salim.

Ol lain opisa bilong Amerika i laikim dispela long stap long namel mak tasol ol arapela i toktok tasol long 10 o 40 pesen mak.

Amerika na ol arapela poro kantri bilong em i wok long stapim yet tok orait bilong Yunaitet Nesens bilong Irak long salim wel long wol maket na givim dispela ol mani i go bilong stretim ol bagarap. Baghdad i tok em i laikim dispela ol mani bilong baim ol kaikai.

Long stretim gen Kuwait tasol bai kos samting olsem K130 bilien. Mani bilong helpim tasol ol refuji bai stap long mak bilong K700 bilien long pinis bilong mun Oktoba.

Foren Rilesens Komiti memba Peter Galbraith i tokaut olsem pastaim long ol pipel bilong Kurdistan i ken lusim ol refuji kem, ol i mas kisim gutpela nius olsem ol plisman na soldia bilong Saddam i no inap kilim o bagarapim ol. Galbraith i bin ranawe wantaim ol Kurdisdan rebel long mun Mas i go long Siria taim ami



Saddam givim kaikai... Dispela yangpela boi bilong ol lain Kurdisdan pipel i putim hap sis long maus bilong em i kam long ol arapela kantri. Tasol Amerika i laikim Saddam long baim olgeta kaikai na samting em ol arapela kantri i givim long ol refuji.

bilong Saddam i tekova long hap ol rebel paitman i stap long en.

Galbraith i laikim olsem i mas gat hap mak namel long boda bilong Irak

wantaim Iran na Teki bilong ol refuji long stap. Dispela mak bai stap long bikipela tambu long ol soldia na plisman bilong Saddam Hussein.

## Ol Teki na Ingran soldia i laik pait

KLOSTU tru ol soldia bilong Ingran na Amerika i laik kirapim pait wantaim ol soldia bilong kantri Teki long las wik.

Dispela birua i laik kamap bikos i gat sampela paul wok i kamap long ol kaikai na samting bilong ol refuji bilong Kurdistan.

Long taim dispela birua i laik stat, ol soldia bilong Amerika na Ingran i redim tasol sotgan bilong ol bilong brukim pait wantaim ol lain bilong Teki, wanpela mausman bilong Ingran ami i bin tokaut long ripot olsem.

"Ol lain bilong mipela i redim ol sotgan na samting bilong ol long pait. Sapos pait i bin bruk, ol bai inap soim olsem ol i redi na wet tasol i stap," Saiden Nigel Grant i tok.

"Em i kain hap trik bilong yusim na winim ol birua bilong yu. Dispela trik i stap long tasim triga bilong sotgan. Samting i bin kamap long dispela taim i no bin gutpela liklik."

Namba tu wankain samting olsem i bin kamap long Yesilova long las Trinde. Na dispela i supim Teki long rausim wanpela ami grup bilong Ingran.

Saiden Grant i tok gavana bilong dispela hap, Erdogan Ulker i bin laik traim go insait long wanpela sel haus em wanpela soldia bilong Ingran i sanap. Tasol soldia ya i rausim em long dua.



Ol soldia bilong Yunaitet Nesens i tromoi han na salut pasdtaim long ol wokabaut mekim patrol bilong ol long boda mak bilong Irak na Kuwait.



### Ol bos giaman tumas

**Dia Edita,**  
Mi no save wanbel long ol bosman bilong Riforestesen Dipatmen. Bikos ol i save giamanim ol wokman long apim pe.

Planti marit man i nogat inap mani long lukautim famili bilong ol. Prais bilong ol kaikai na klos i goap, na planti famili i painim hat tru long sevim mani na baim kaikai.

Sampela taim ol wokman i save dai long taim bilong wok. Tasol kampani i no save baim kompensesen long famili bilong dispela man.

Dispela pasin i kamap planti taim i go pinis. Na mipela ol wokman bilong dispela dipatmen i laik autim dispela wari i go aut long ol arapela brata na susa long lukim.

Em tasol liklik wari bilong mi.

**Aluma Tipakin  
KIMBE**

### Gavman noken promotim smok

**Dia Edita,**  
Olsem wanem na gavman i save stapim ol manmeri long smok long pablik ples?

Gavman i no laik long promotim sampela kain kaikai olsem rais, kakaruk, tinpis o milo. Bikos ol dispela kaikai i ken lukautim bodi bilong yumi.

Mi laik tokaut long gavman olsem maski long mekim lo nating nating. Bikos yupela yet i save brukim ol dispela lo.

Smok em i no gutpela long helt bilong ol man, na olsem wanem na yupela i save putim kamap long niuspepa long promotim bikpela gem olsem ragbi lig?

**Damlen. S. Wallace.  
MOSBI**

### Prais bilong kaikai goap moa

**Dia Edita,**  
Mi wanpela manki bilong Pangia insait long Sauten Hailans provins, tasol nau mi stap long Lae Morobe provins. Mi laik sapotim pas bilong brata Robin Wingu em i bin kamap long *Wantok Niuspepa* long Fonde 4 Epril, 1991.

Brata Robin i tok prais bilong ol kaikai na klos i go antap moa long pe bilong ol wokman long taun.

Dispela hevi i kamap bikos gavman i no mekim gut wok long sekim prais bilong ol samting long stua.

Mi sapotim tru pas bilong brata ya, bikos prais bilong 777 tinpis i go antap long K1.20, na bilong rais i goap i go antap long 90t.

Na tu prais bilong, kes krop olsem kopi, kopra na kakao i go daun tru.

Dispela ol samting i kamapim bikpela hevi stret long planti famili long taun.

Planti birua pasin i kamap tu, na planti manki i kamap raskol. Bikos ol mama na papa i no inap long baim kaikai bilong ol.

Dispela em i wanpela bikpela hevi gavman i no save lukluk long en.

Em tasol liklik sapot bilong mi.

**Kolex Yako  
LAE**

### Ol Tolai save bikhet

**Dia Edita,**  
Mi wanpela manki Vanimo long Wes Sepik provins. Mi laik bekim pas bilong brata, James Pone em i bin kamap long *Wantok Niuspepa* Namba 874.

Brata Pone i tok ol Sepik i save pilaim redio kaset bikpela na stapim ol arapela famili long slip gut long nait. Na tu em i tok ol Sepik i no save lukim redio long laip bilong ol bipo.

Pone yu mas tingting pastaim na toktok. Bikos ol wantok bilong yu long Tolai tu i save mekim wankain pasin. Ol i save pilaim redio bikpela tru na singsing olsem ol i stap long ples bilong ol yet. Na tu ol i no save tingting long ol arapela man i stap klostu.

Yu mas save olsem olgeta man long dispela graun i save mekim kain pasin olsem. Na maski long bagarapim nem bilong ol arapela man.

Mobeta yu askim olgeta Tolai long stapim kain pasin olsem, bipo yu rait na toktok long ol arapela lain insait long dispela kantri.

Em tasol liklik bekim bilong mi.

**F. Kipsy Kai.  
SANDAUN**

### Maski painim ami boi

**Dia Edita,**  
Mi wanpela manki Drekiakia insait long Is Sepik provins, tasol nau mi stap long Vanimo insait long Wes Sepik provins.

Mi gat liklik belhevi. Olsem na mi laik autim long *Wantok Niuspepa* na olgeta meri bilong Vanimo i ken lukim.

Mi laikim ol meri mas i stap isi wantaim ol mama na papa. Yupela no ken raun long taun na painim ol soldia long maritim.

Mi bin lukim dispela pasin planti taim. Traim stap isi wantaim ol mama na papa long ples na maski long mekim pasin pamuk raun long taun.

Planti meri i gat bel nating. Na ol mama na papa i save hatwok tru long lukautim ol pikinini.

Em tasol liklik belhevi bilong mi.

**Max Masikon  
VANIMO**

### Kolim stret nem bilong man na ples

**Dia Edita,**  
Mi wanpela manki bilong Bena insait long Goroka, Isten Hailans provins, tasol nau mi stap long Goldie Trening Bareks ausait long Mosbi.

Mi laik autim liklik bel hevi bilong mi i go long ol brata na susa husat i save rait long *Wantok Niuspepa* na mekim kain kain toktok nogut long ol Hailans.

Plis traime na kolim nem bilong man long wanem provins insait long hailans rijon i bagarapim sindaun bilong yu. Planit manmeri bilong hailans i gutpela. Na wan wan tasol i save bagarapim nem bilong mipela.

Mi tokim yupela stret, mipela ol gutpela manmeri i save sem nating taim yupela kolim biknem hailans insait long niuspepa.

Plis yu husat brata o susa i rait long mekim kain toktok i mas painimaut gut man husat i bagarapim sindaun bilong yu. Na kolim stret nem bilong ples bilong em.

Maski long kolim biknem Hailans. Bikos planti hailans em ol gutpela manmeri na i save sem nating tru.

**Gibson Yane  
MOSBI**

**HAMAMASIM  
EM  
WANTAIM  
FON KOL....**



**LONG DEI  
BILONG  
MAMA!**

**Kisim telefon na toktok long mama  
sapos yu no stap klostu. Em bai  
hamamas long harim nek bilong yu.**



**POST & TELECOMMUNICATION CORPORATION**  
Keeping you in touch by phone



# Yut Nius long Papua Niugini

Ol yut long kantri bai kisim helpim long...

## Nupela yut progrem

NESENEL Yut Muvmen Progrem i kamapim pinis nupela yut progrem bilong helpim ol yut insait long kantri.

Dispela nupela progrem em ol i kolim Nesanel Yut Sevis(NYS). Na i bin kamap long Janueri, 1991.

Aninit long nupela progrem ya, ol yut bai i mekim ol wok i kam aninit long ekonomik progrem we ol bai kisim gutpela helpim long longpela taim bihain.

Nesanel Yut Muvmen Progrem i bin kamap long 1980. Na i karamapim moa long 40,000 yut bilong 3,000 resista yut grup insait long kantri.

Tasol long 1985, ol yut i painimaut olsem dispela progrem i no wok gut bikos long sampela senis. Olsem na ol i pilim olsem ekonomik progrem bai i givim gutpela helpim tru long ol.

Ol i laik mekim tru wok long divelopim kantri. Olsem na nupela progrem ya i kamap.

Nupela Nesanel Yut Sevis progrem bai i helpim ol yut long:

- Kirapim ol liklik bisnis na wok nambaut we ol yet i ken wok na kisim mani (enterprise scheme);
- Wok bung long pait egensim lo na oda hevi insait long wan wan komyuniti ol i stap long en. Na tu long lukautim ol manmeri na samting bilong komyuniti (Lo na komyuniti sevis);
- Kisim vokesinel trening long 4-pela rijinel institusen o skul wantaim wanpela nesanel trening institusen em bai i kamap (Trening) na;
- Netwok na komyunikesen.

Enterprise skim bai i karamapim ol wok we ol yet i ken kamapim liklik bisnis wok bilong ol yet long wok agrikalsa na arapela wok nambaut.

Lo na Komyuniti Sevis i karamapim wok we ol yut bai i wok long daunim hevi bilong lo na oda insait long wan wan komyuniti. Ol yut bai i wok bung long pait egensim raskol pasin insait long komyuniti ol i stap long en. Planti yut bai i helpim ol sekyuriti kampani na plis fos long wok bilong lukautim lo na oda.

Long wok bilong Komyuniti sevis, bai ol yut i helpim long lukautim samting long komyuniti olsem plaua. Na tu long lukautim ol lapun manmeri insait long komyuniti.

Long eria bilong trening, 4-pela rijinel institusen o skul bai i kamap wantaim wanpela nesanel trening institusen. Ol yut bai i kisim vokesinel trening long ol dispela skul.

Ol yut bai i lainim tu ol toktok bilong God papa long kamap gutpela manmeri bilong kantri. Ol manmeri husat i greduet long dispela eria bai i go aut long skulim ol arapela yangpela manmeri.

Bikpela as o eria dispela nupela progrem bai i lukluk long en em long netwok na komyunikesen.

Ol yut bai i lainim long yusim pepa wantaim redio. Dispela em long toksave long ol yet, na luksave long wanem wok ol i mekim.

Aninit long dispela progrem, ol yut husat i kisim trening bai i lainim tu ol yut bilong arapela provins o kantri long wanem trening ol i kisim.

Ol yut long ol bikpela senta (Eben Yut eria) olsem Mosbi, Lae, Hagen, Rabaul na ol senta husat i divelop nau olsem Misima, Tabubil, Pogera, Kimbe, Higaturu na Bialla bai i stap insait long dispela senis progrem.

Kiunga boi skaut kisim yunifom



• Ol skaut memba bilong Kiunga haiskul i bilas long nupela yunifom bilong ol na soim liklik stall bilong ol long ol lain husat i kamap bilong lukim ol i kisim yunifom.

OL boi skaut bilong Kiunga haiskul long Westen provins i gat nupela yunifom nau.

Kampani bilong painim gol, Ok Tedi Mining Limited i bin givim ol dispela yunifom long ol yangpela bilong Kiunga haiskul.

Long wanpela kibung long Kiunga haiskul, eria supavaisa bilong Ok Tedi, Burt Uglinga i givim ol dispela yunifom i go long siaman bilong Kiunga Skaut komiti, Ben Konafo.

Westen provinsal Skaut Komisina Joshua Muan na Kiunga haiskul skaut masta, Nolen Murray i bin stap tu long dispela taim. Planti studen bilong Kiunga haiskul, papamama wantaim ol tisa bilong skul i bin stap tu long lukim ol studen i kisim ol yunifom bilong ol.

Dispela yunifom bai helpim ol yangpela long wok bilong skaut long skul na ausait long ol komyuniti i stap klostu.

## Hagen gat nupela grup bilong pait wantaim hevi bilong lo-oda

YUT na Hom Afes opis long Hagen i statim nau wok bilong yusim ol yut grup bilong i pait wantaim hevi bilong lo na oda.

Nesanel gavman i go pas long stretim dispela grup wantaim helpim bilong opis bilong em long Lae, Mosbi na Hagen.

Wok bai kamap long sekap long hamas yangpela i stap long wan wan taun insait long kantri. Bihain long

namba bilong ol yangpela i kamap klia, bai ol i ken kamapim plen bilong wok yut.

Hagen taun bai bruk i go long 4-pela grup na ol bai i gat lida bilong ol.

Wanpela grup bilong makim yut i kamap. Dispela grup bai kisim ol toktok na hevi bilong yut i go long provinsal opis, yut opis na nesanel gavman.

Ol sios na yut grup long taun bai rejistaim

grup bilong ol na ol bai stap insait tu long dispela grup. Dispela grup bai kamapim bikpela senis long pasin bilong wantok sistem. Grup bai mekim wok bilong olgeta manmeri wantaim. Ol bai helpim ol pipel long lukautim ol samting bilong ol long pasin raskel.

Ol bai skulim ol manmeri long wanem samting t bilong mekim taim ol i bungim birua.

Planti grup i bin stap

insait long dispela yut grup olsem mausman na wasman bilong grup. Ol dispela grup em plis dipatmen, kriminel task fos, sios grup, skaut, taun atoriti, samba ov komes, wimens kaunsil na jastis dipatmen.

Taim ol i kamapim plen bilong dispela wok bai tingting bilong mekim ol wok bai kamap long ol i bihainim.

### Pe em liklik tru...Teis gut tru!



# 10t 10t 10t 10t

## NO KEN PEIM MOA LONG OL STOA!

# Las presen bilong ol Enga

Ol pipel bilong Porgera na Paiyala long Maunten Kare i save sindaun amamas tasol i stap. Ol i no save olsem graun bilong ol i pulap stret long gol. Na bai kamap ris tru long bihain taim.

Ol i gat gutpela bus, ol vell na maunten. Na kain kain enimal i pulap. Graun i gat gutpela gris na no gat wampela samting i sot.

Long wampela moning, wampela man wantaim pikinini bilong em i laik go painim abus long Maunten Kare. Tupela i kisim 4-pela dok bilong ol na sampela kaukau na mambu wara.

Ol i no save olsem graun bilong ol i gat gol. Ol i ting olsem wanem samting ol i gat nau i kam long ol tumbuna bilong ol.



Ol i go kamap na wokim wampela liklik haus long dispela hap. No gat man i stap, na ol i harim tasol kral bilong ol pisin, ol kain kain binatang bilong bus na wara.

Tupela i kukim sampela kaukau na abusim wantaim wara em ol i kisim i kam.

Ol i wokabaut i go na ol dok i smelim pispis bilong kapul. Kwiktaim ol i siksti i go kamap long as bilong diwai Tuki.



Taim man ya i lukluk i go antap, em i lukim kapul. Tasol em i kalap nogut long lukim olsem dispela kapul i narakain. Olgeta gras bilong em i lait olsem glas. Em i wait olgeta na i mekim ples i lait.

Boi nogut i supim spia long bunara na hamaim stret kapul ya. Kapul i pundaun na em i tingting long gutpela kaikai nau.

Tasol taim em i go kamap, kapul i tanim na kamap ston pinis. Liklik lait bilong mun tasol i kamap na mekim ston i go lait olgeta.


Bihain em i luksave olsem em gol ya. Boi bikmaus nogut tru na ol dok bilong em tu i meknais nabaut.

Em i pulimapim olgeta gol long bilum na ron i go long haus em pikinini i stap long en.



Tupela i amamas nogut tru na karim gol i go long ples. Tupela i bin go painim abus, tasol wanem samting tupela i bungim i winim kapul.

I no longtaim dispela stori i bruk long hap bilong Porgera na Paiyala. Na ol pipel i kapsait i kam long Maunten Kare bilong painim gol. Long olgeta samting em ol pipel bilong Enga i gat, ol i bilip olsem gol em i las samting ol bai kisim pastaim long wol i pinis.



9th SOUTH PACIFIC GAMES  
PAPUA NEW GUINEA 1991

PNG  
1991

**CAMBRIDGE**  
A MAJOR SPONSOR

KOOL

*Filter Kings*

KOOL


Government Warning. Smoking  
is Dangerous to Health.

# Yangpela man driman long kamap spot sta

Miles na Tikie i pren gut tru long skul tasol long pinis bilong yia, Tikie i go long haiskul na Miles nogat. Em stap long ples na pilai spot wantaim ol yanpela long ples bilong em. Em i save pilai volibal na i tugut.

Tikie i pinis long haiskul na wok long taun. Wanpela taim em i askim Miles long kam lukim em.

Tupela bung gen na amamas wantaim.



Miles i stori long Tiki long pilai bilong em long volibal




Yu kamap longpela man pinis. Mi wari tru long lusim yu.

Mi lusim yu tu na mi amamas olsem yumi bung gen.



Yu no laik joinim PTC klap long taun. Ol bai amamas long kisim yu

Miles i pilai wantaim PTC. Ol pipel i toksave long em na nem bilong em i kamap bikpela.



Em i tren hat tru long soim ol bikman olsem em inap pilai. Ol i makim em long stap long skwat.



Tasol ol lain bilong em i laikim em long go long ples.



Tikie, ol lain long ples laikim mi go bek.

Olsem na em go bek long ples.


Tasol olsem memba bilong skwat, em i mas tren long olgeta wik.



Tikie i amamas long baim rot bilong Miles long go kam na tren.

Miles i tren i go na bihain long wanpela mun, ol i makim fainel skwat. Na em i stap long skwat.

Skwat bai kem long taun bilong go pilai.



Miles, mani bilong yu long kam long trening. Sapos yu laikim sampela mou, askim mi.

Terikyu tru, Tikie



Tikie orait long Miles i stap wantaim em na tren. Tikie helpim Miles long planti samting tru. Olgeta samting i orait pinis, tasol ol i no save long wanem samting bai kamap neks de.

Bihain tasol long skwat i go pilai, Miles i harim olsem mama bilong em i dai.



ikie, mi no inap go pilia nau. Mama i dai long moning.

Yu tok tru?

Yes, em i dai pinis.

Oh! Tikie, mama bilong mi go pinis.....na olgeta samting yu mekim long mi i lus nating.

No ken wari Miles, i gat planti taim i stap.

Miles i bilip yet olsem em bai win gen narapela taim. Em i bilip olsem i no gat wanpela samting i let, bikos olgeta samting i gat as long kamap.

## Kibung bilong kirapim nan fomal edukesen i kamap long Goroka

WANPELA bikpela kibung i bin kamap long Nesenel Rises Institut long Goroka.

Kibung ya i stap inap long tripela de na i toktok long gavman i kamapim nesanel Nan Fomal Edukesen Kaunsil. Dispela oganaisesen i no inap stap aninit long gavman. Em bai stap bilong em yet na i gat nan fomal edukesen seketeri bilong em yet.

Em bai givim trening, helpim ol yut long mani, na helpim tu ol komyuniti insait long wan wan provins.

Woksop i kamap pinis wantaim 13 projek bilong helpim ol, bikpela man-meri long lainim long rit na rait na trening bilong ol meri na ol yut. Dispela i sut tu long ol vokesenel senta.

Narapela sapot tu bai kamap long wok bilong komyuniti sekenderi edukesen bilong ol yut. Dispela program i no inap kosim gavman bikpela moni. Na dispela program bai sut long helpim moa long 120,000 yut husat em krismas bilong

ol i stap namel long 13 na 16 yia.

Gavman bai givim K7.2 milien bilong helpim dispela program. Planti lain bilong Nan Fomal Edukesen i bin kamap long toktok na painim ol arapela rot bilong dispela program. Tripela mausman bilong ol provins i bin kamap tu bilong stap insait long dispela kibung.

Seketeri bilong Nu Ailan provins, Aphraim Apelis i bin opim kibung. Ol man husat i bin givim toktok long kibung em presiden bilong Is Sepik Kaunsil Ov Wimen, Mary Soondrawu. Soondrawu i toktok long yut, developmen na trening bilong ol meri.

Fes asisten seketeri bilong Polisi na Plening divisen long Saten Hailans provins, Kove Waiko i bin toktok tu long kain samting em provins bilong em i painim bihainim dispela wok. Na Naihwa Ahai bilong Nesenel Rises Institut i bin toktok long edukesen bilong ol man-meri na developmen bilong ol laiberi insait long Papua Niugini.

## Komyuniti sekendri edukesen i no wok moa

KOMYUNITI Sekenderi Edukesen (CSE) i wanpela program bilong ol gret 6 skul liva. Dispela program i save kamap long tripela yia olgeta.

Dispela program i wok tupela kain long ol ples na long ol taun. Long ol ples i gat wanpela man i lukautim program. Dispela man i wok nating na i no kism pe long en. Long taun dispela ol program i kamap long ol yut Senta.

I gat planti samting ol yangpela i lainim aninit long dispela program. Ol i lainim tok Inglis, wok long ol namba (Maths). I gat tu skul bilong ol komik. Ol sumatin i ken baim ol komik buk long K10 tasol. Ol sumatin i lainim ol samting ol i save lainim long ol vokesenel skul na tu ol i lainim ol komyuniti sevis wok.

Dispela program nau i no wok moa

long ol sampela provins. Tasol bipon namel long 1970, em i bin wanpela gutpela prorem tru. I gat wanpela ripot i kamap long stretim program, tasol ol man i go long en i no mekim smating.

Long dispela ripot bai ol i stretim gen ol samting em ol sumatin i yusim long skul na baim ol lain husat pas-taim i wok nating long ranim ol dispela program. Long wankain taim tu, ol i traim long statim program long gret 7 na 8 long ol haikul tasol dispela tu i no wok.

Dispela program, bipo taim i save wok gut tru i save kism sapot bilong komyuniti na tu helpim i kam long ol edukesen opisa.

Olsem na wanem samting em gavman i ken mekim nau em long baim ol samting bilong ol sumatin.

## Biknem netbal pilaia stap long basketbal skwat

FRANCIS ULIAU i raitim

MIRIAM Hahis bilong Bipi ailan long Manus i stap insait nau long basketbal trening skwat bilong 1991 SP Gems.

Ol pilai bai kamap long mun Septemba long Lae na Mosbi. Na sapos olgeta stori i go stret, dispela meri Manus husat i gat 24 krismas bai pilai long basketbal tim bilong ol meri Papua Niugini. Na bikpela tingting bilong em long dispela taim em long winim gol medal wantaim tim.

Stori bilong Miriam long rot em i bin bihainim i go na stap insait long trening skwat bilong basketbal i narakain liklik. Em i bin gat nem bipo long narapela nambawan gem bilong ol meri, netbal.

Miriam i bin stat pilai netbal taim em i stap wokim gret 10 bilong em long Bumayong haikul long 1982. Long dispela taim, pilai bilong Miriam i bin winim ai bilong ol selekta na ol i makim yangpela meri ya long stap insait long Lae netbal skwat. Na ol i go resis long nesanel sempionsip long Goroka.

Long 1983, Miriam i winim wanpela nesanel netbal yunifom bilong Papua Niugini na go pilai long Taunsvil long Kwinslan. Bihain tasol long wanpela yia long 1984, meri Manus i winim gen nesanel yunifom na go pilai long Hawaii.

Tasol bikpela tenis gen i kamap long spot laip bilong Miriam. Em i lusim netbal na kalap i go long basketbal. Bilong wanem na em i mekim olsem taim em i gat gutpela sans pinis long netbal? Long kalap i go long narapela spot i olsem lainim gen long nupela laip na sindaun. Na dispela bai hat tru.

Tasol Miriam i no inap mekim wanem. Bikos long dispela taim, em i muv nau i go long Wau. Na long hap, ol i no save pilai netbal. Basketbal em bun bilong ol pipel long Wau.

Long taim em i stat pilai basketbal long 1986, Miriam i painim olsem em i mas senisim na lainim planti nupela samting. Dispela em long kain stail bilong pilai basketbal na netbal.

"Mi bin painim bikpela tenis tru long kain stail bilong holim bal na sanap antap long pilai graun. Long basketbal, yu mas ron na paitim bal long graun. Tasol long netbal, bikpela wok i stap long holim bal, salim long poro na banisim mak.

"Bikpela samting em long basketbal, i gat planti wok bilong mekim long difens na pulim bal i go insait long mak bilong birua wantaim," Miriam i tok.

Dispela meri Manus i strongim laik bilong em long pilai i go inap long 1990 taim Morobe Country



• Miriam... laik winim gol medal

i salim wanpela basketbal tim bilong resis long nesanel taitel long Lae. Bihain long dispela bikpela basketbal sempionsip, Miriam i bin kalap nogut long lukim nem bilong em i stap long lista bilong ol meri long basketbal trening skwat bilong redi long SP Gems long mun Septemba.

Long taim ol selekta i bin makim namba wan basketbal trening skwat long 1988, nem bilong Miriam i no kamap long lista. Tasol long taim ol i holim namba tu seleksen long 1990, nem bilong em i kamap. Nau dispela meri i gat bikpela wok bilong strongim trening na pilai bilong em. Na tu em i mas stap fit olsem bai em i ken pilai tru insait long basketbal tim bilong ol meri Papua Niugini na helpim ol long winim gol medal.

Olsem Miriam yet i tok, "Mi laik stap insait long skwat na kamapim nambawan bilong mi long taim bilong trening.

"Sapos olgeta samting i go stret, mipela bai winim gol medal."

Mi bin toktok wantaim Miriam long taim em i kamap stap long trening kem bilong basketbal long Mosbi. Trening kem i bin stap inap long tupela wik olgeta.

## Hevi bilong yut long Papua Niugini i stap long edukesen sistem

EDUKESAN sistem insait long Papua Niugini i ken stap olsem as bilong olgeta bikpela hevi nau i kamap.

Bikos namba wan samting em ol pikinini i lainim taim ol i go skul em *Tok Inglis*. Na dispela tok ples i sut long pasin na kalsa bilong ol

waitman. Long kantri olsem Papua Niugini, dispela i no inap wok.

Wanpela grup i sanap olsem maus bilong olgeta arapela grup na oganaisesen long Papua Niugini, PNG Trust i bin tokaut long dispela taim ol i holim wanpela trening kos

bilong ol pri skul tisa long las mun. PNG Trust i save wok wantaim ol arapela grup na oganaisesen long Papua Niugini long sait bilong lainim ol arapela long rit na rait na tok save tu long wanem samting i wok long kamap long ol graun,

bus na wara wantaim skai long ol taun na setelmen bilong mipela.

Seketeri bilong PNG Trust, Vincent Manukayasi i tok dispela em i wanpela bikpela as bilong ol hevi nau i kamap long lo na oda. "Long taim

ol pikinini i lusim gret 6, ol i lainim pinis ol samting we i kirapim tingting bilong ol long wok na kism pe.

"Orait, ol i lusim ples na go long taun. Tasol taim i no gat wok, ol i belhat na kirapim ol bikhet pasin nabaut."

Vincent i tok dispela em i hap liklik piksa tasol bilong wanem samting i save kamap.

Narapela mausman bilong Trust, Joseph Kau i sutim strongpela toktok tu long gavman olsem em i mas lukluk long dispela hevi. "Gavman i mas lukluk na skelim dispela kain hevi bilong edukesen sistem Papua Niugini i gat na save bihainim long en."

Joseph i tok i gutpela long gavman i mas putim strongpela tingting bilong em long wok bilong *Tok Pisin* na tok ples skul. Bikos long dispela pasin, ol pikinini inap lainim samting long tok ples bilong ol yet na i no inap kism ol krangki tingting nabaut.

PNG Trust i strongim dispela tingting bilong em long ol kain kain program bilong skulim

ol yut na yangpela man na meri long holim wok olsem ol tok ples na *Tok Pisin* na pri skul tisa. Ol dispela lain i as bilong olgeta samting em pikinini bai lainim na bihainim long bihainim taim.

Insait long namba 9 Litresi na Aweanes trening kos bilong em i bin kamap long las mun, PNG Trust na dipatmen i save lukautim wok bilong litresi na ol kain kain tok ples long Yunivesiti bilong Papua Niugini i bin holim wanpela kos inap long tupela wik. Dispela trening kos i sut long wok bilong ol tok ples na *Tok Pisin* skul na wanem samting ol inap kamapim long ol pikinini.

Ol i bin givim setifiket long 71 sumatin olgeta. Ol sumatin i bin kam long ol wimens divisen, arapela gavman grup, ol sios, ol viles yut grup na planti arapela lain.

Ol sumatin ya i bin skul long tupela bikpela samting. Namba wan i sut long rot bilong statim ol program na pasin bilong strongim dispela skul. Namba tu

hap bilong dispela kos i sut long pasin bilong wok insait long komyuniti na go het long strongim rot bilong stretim ol hevi.

Bihain long olgeta samting, ol sumatin yet i bin autim wanpela drama pilai ol i kolim long "Sik AIDS". Stori bilong dispela drama pilai olsem sik ya i no gat marasin. Na taim yu kism, yu bai stap i go na dai tasol. Dokta tu bai i no inap long helpim.

Narapela bikpela rot bilong bringim na skulim ol pipel long ol dispela kain samting em wok bilong tieta grup na ol drama. Bikos long ol pipel i gat tupela kain lain, wanpela em ol lain husat i ken harim na lainim samting na ol narapela bai lainim gut tru samting sapos ol i lukim long ai.


Wanpela wok painim maut i bin kamap long 1989 i soim olsem long Engana na Rabaul (Matupit), ol pikinini husat i bin statim skul bilong ol long tok ples i winim tru ol arapela pikinini.



• Long poto em 4-pela sumatin bilong kos wantaim wanpela trena bilong ol. Long lephan i go long raithan em trena Willie Council. Na ol 4-pela studen em Alem Jerry, Esther Meapo, Julius Manro na Karo Vul.

# Mep i soim hap ol refuji i sindaun long noten Irak

TEN tausen ami bilong Amerika long Yurop na Amerika yet bai bung wantaim Ingran, na Frans, Rom long sanapim ol refuji senta long noten Irak.  
Ol kaikai i bin kamap pinis long Teki long Mediterien solwara na tu long balus long Insilik na Diyabaki ples balus. Bihain ol bai bringim i go klostu long boda.



WANPELA man Bukawa long Morobe provins i go long Lae na bungim sampela olupela waitman pren bilong em long sip, M.V. Totol. Ol i paitim stori i stap na ol waitman i askim em long save bilong em long skul. Boi kirap sanapim tupela lek bilong em wantaim na bekim, "I am educated, my son is education and my wife is bush material."

Pascal Pandau, Angoram, E.S.P.

PORO givim mani long Kanage bilong baim Big Sister kek rol bilong em. Kanage paul na go kamap long stuakipa na tok, "Bikpela susa bilong mi laikim toilet rol bilong kaikai." Stua kipa harim olsem na tuhat nogut tru bikos em i save olsem i no gat toilet pepa bilong kaikai. Tupela i mekimsave i go na Kanage kirap na sutim stret pinga long Big Sister kek rol. Stua kipa bel hat wantaim na givim kek rol long Kanage na askim em, "Yu go skul tu o no gat?" Kanage i bekim, "Mi go skul long wan i go inap long 10. Tasol namba i sot na mi lusim." Stua kipa i lap nogut tru na kolim Kanage "stupid". Kanage ting gupela tok na lap wantaim na go long haus.

Jeffrey Joshua, Wewak, E.S.P.

WANPELA boi i rait long gel pren bilong em long Yarapos haiskul. Tasol insait long pas, em i miksim tok ples na Pisin na Inglis wantaim. Na las toktok aninit long pas em i putim "klik o laik". Meri i kisim pas na paul olgeta long dispela hap las toktok. Em bekim pas na tok olsem, "My daring, mi gat bikpela laik stret long maritim yu. Tasol mi pret long papamama bilong mi. Ol i tromoi bikpela mani long skul fi na nogut ol i kotim yu. Olsem na mi bai prenim yu long driman tasol."

Chuck T. Kikex, Kimbe, W.N.B.P.

## Lapun Katolik pater bilong Jemani painim birua long Wewak

i kam long pes 3

Bihain long Tunde, Bruder Mathew bilong Wirui Peris i kisim ka na go kisim Pater Sollner kam long Wirui. Em i save stap long hap na go long bikpela haus sik bilong Wewak long kisim marasin.

Tasol Pater Caspar i tok dispela i no pasim pater long go bek long Turubu na wokim lotu long Sande. Bikos long tingting bilong Pater Sollner, dispela kain samting bai

bringim tasol ol pipel i kam klostu long em.

"Mi bin askim pater long kisim ples bilong em na go wokim lotu long Turubu las Sande. Tasol em i pasim mi na tok em yet bai go wokim lotu," Pater Caspar i tok.

Vika Jenerel bilong Katolik Daosis long Wewak i no klia long wanem as bilong dispela birua. Em i tokaut tasol olsem dispela birua i ken

kamap bihainim kain kain tingting na jeles pasin em ol pipel i gat long ol pater.

Ol plisman bilong Wewak tu i wok long painimaut yet long dispela birua.

Stesin Komanda bilong Wewak plis stesin, James Posemofo i tok ol plisman i lusim pinis dispela samting long han bilong ol CID plisman. Na ol i wok nau long en.

"Mipela i no inap kisim klia piksa bilong ol man husat i bin mekim dispela samting long pater.

"Olsem na mipela i no gat gupela piksa na toktok bilong sapatim mipela long go na holim ol lain man ya nau. Tasol ol plisman i go het yet long painim moa samting bilong kalabusim ol dispela lain husat i bin sutim pater long nau," Stesin Komanda i tok.

## Bikpela Boeing 17E woa balus bilong Amerika slip nating long tais bilong Oro

WOL Woa 2 i bin kamap long yia, 1942. Na long Oro provins, ami bilong Japan i sutim wanpela bikpela balus bilong Amerika na em i pundaun long bikpela tais long hap.

Balus i bin pundaun long ples Agiambo taim em i laik kam long Mosbi. Ami bilong Japan i bin stap long Rabaul na sutim balus wantim ol soldia bilong Amerika. Wanpela soldia tasol i dai na ol arapela i wokabaut long tais, 4-pela de na 4-pela nait i go long Salamaua bes kem long Morobe provins.

Balus ya em 'Boeing-17E' (Swamp Ghost). Em i wanpela bilong ol 148 balus bilong pait na 184 balus bilong karim bom we i bin lus long woa.

Long neks yia, 1992, Amerika bai tingim 50 yia bilong pait long Wol Woa 2 long Papua

Niugini. Pailot bilong dispela balus wantaim ol pasindia bilong em bai amamas long lukim balus bilong ol long Amerika neks yia.

Bikpela toktok bilong autim balus long Oro i go long Amerika i stap yet namel long PNG gavman, Amerika gavman, Travis Air Fos Misium, Historical Sosaiti na Boeing balus kampani. Sapos toktok i orait bai sip bilong Amerika i kam na karim dispela balus i go long Amerika.

Maclaren Hiari i bin raitim ol stori bilong Wol Woa 2. Em i raitim stori long dispela balus na askim PNG gavman long luksave long dispela samting. Em i bin kisim sapat bilong Bruce Hoy bilong Amerika. Bruce i wanpela opisa bilong grup husat i save bungim ol samting i stap bihain long woa na holim

rekot bilong ol. Long 1986, Bruce i lusim PNG na i go bek long Amerika. Em i supim Maclaren long raitim dispela stori. Na Maclaren i statim long 1986.

Maclaren i laikim gavman i autim dispela woa balus long tais na putim long misium bilong kantri. Em i tok dispela balus i gat bikpela stori long wanem samting i bin kamap long taim bilong woa. Dispela bai helpim ol pikinini long bihain taim long save long wanem samting i bin kamap bipo long Papua Niugini.

Amerika grup bilong Travis Air Fos Misium na Historical Sosaiti bilong Amerika i luksave long gupela wok bilong Maclaren na givim em awod o namba.



Saiden i givim tok orait bilong sut nau long masin gan. Em wantaim ol soldia bilong em i save lukautim woa long graun.



Bihain tok orait bilong saiden, man bilong lukautim masin gan i srukim masin gan i kam klostu bilong sut nau long ol birua.





# Pacific Gold MUSIC

NAMBAWAN 24 TRACK REKODING STUDIO INSAIT LONG PACIFIC

## Lus Prutz na Junior Sourgrapes kirapim pawa long Kimbe

### FRANCIS ULIAU i raitim

LONG dispela wik, mipela bai lukluk long tupela lektrik ben bilong ol manki Tolai husat i stap long Kimbe.

Tupela ben ya, Lus Prutz na Junior Sourgrapes, i gat bikpela nem long hap. Tasol ol i gat planti arapela sapota tu long Rabaul na ol arapela hap bilong kantri.

Lus Prutz ben i no narapela. Em ben bilong ol olupela memba bilong Kopex. Patrick Babate wantaim tupela brata bilong em na ol arapela poro bilong ol. Insa it long dispela kaset bilong ol, boi Kerema Steve Kairi i helpim ol.

Long dispela namba wan kaset bilong Lus Prutz em ol i katim long Pacific Gold studio long Rabaul namel long mun Ogas na Septemba, dispela

lektrik ben i autim planti gutpela singsing. Tupela singsing long dispela kaset i stap long tok ples Sepik.

Namba wan singsing bilong Sepik em AIYA long Sait A. Kain pairap bilong lid gita Sebastian Babate i wokim wantaim gutpela bekap long kibot bilong Patrick i tokaut olgeta long musik bilong Sepik disko. Na taim brata bilong tupela, Oscar i laik kam insait wantaim bes gita, olgeta samting i meknais narakain.

Musik bilong AIYA bai grisim planti lain long ol 6 tu 6 ples na ol 24 aua stua nabaut. Long taim bilong ol man i singsing i malolo, Patrick i so op stret long kibot na dispela i soim tru save bilong dispela olupela Kopex memba long musik.

Namba tu singsing bilong ol Sepik gen i stap insait long dispela kaset bilong Lus Prutz em singsing O YES. Dispela singsing i stap long Sait B namba 4. Em tu i wanpela singsing em Gu Bros ben bilong Kaminimbit long Sepik wara i save singim. Tasol nau pairap bilong em i narakain liklik na i bihainim kain stail bilong ol lain kunai i save slip, kirap na painim banana raun.

Dispela tupela singsing bai helpim tru long salim kaset bilong Lus Prutz.

Insa it long kaset bilong ol, Lus Prutz i no lusim tingting long wanpela gutpela pren bilong ol long Kimbe, Francis Karun Francis i bin dai na lusim meri wantaim ol pikinini bilong em i stap. Tasol ol lain famili bilong em i no wanbel moa long stap long Kimbe na ol i go bek long Rabaul.

Patrick wantaim ol boi bilong em i lukim dispela na tanim i go long musik. Kain pairap bilong musik long namba tri singsing KARUN long Sait B i isi

tru na i bihainim stret kain nek bilong wari. Na em i soim tru wari bilong ol wantok na pren na famili em Francis i go na lusim i stap. Dispela singsing i stap long Tok Pisin na i isi long bihainim.

Narapela singsing gen bilong Lus Prutz i stap long Tok Pisin em LUS MANGI, las singsing long Sait B. Singsing ya i stori long wanpela man na gelpen bilong em. Meri i stap longwe na i raitim pas long boipren bilong em na tok save olsem em i marit pinis. Man i wari long dispela na tok, 'em i orait, mi lus mangi'.

Long Sait A, namba wan singsing AVAVIRVIR na namba 5 singsing KINI WARBAIAI i bihainim kain nek em i narakain liklik.

Singsing AVAVIRVIR i soim olsem maski ol boi Lus Prutz i stap long narapela ailan em i longwe liklik, ol i tingim yet ples bilong ol Rabaul. Dispela singsing i stap long tok ples Kuanua na bai stili lewa bilong planti lain. Bikos kibot na nek bilong ol lain ya i gutpela moa.

Namba 5 singsing KINI WARBAIAI i narakain liklik long ol arapela musik bilong dispela kaset. Bikos long stat bilong em, i no kibot i kra i. Nogat. Namba wan kra i em bilong trampet. Dispela kra i kam long maus na pinga bilong boi Kerema, Steve Kairi.

Steve i soim kain save bilong em long pilaim dispela musik samting. Na em i soim olgeta dispela long wanpela kaset bilong em i katim wantaim Pacific Gold. Mi bai stori long kaset bilong Steve long neks wik wantaim wanpela stringben bilong Kainantu long Isten Hailans provins. Nem bilong dispela kaset em 'K25'.

Namba wan singsing long Sait A, TAVINE MALANGAE i gutpela



• Ol ben memba bilong Junior Sourgrapes lektrik ben.

bilong danis na harim long taim bilong pati. Olsem na long taim bilong pati o danis, askim DJ long pilaim dispela singsing.

• JUNIOR Sourgrapes lektrik ben bilong Kimbe i gat narapela kain stail ken long dispela kaset bilong ol. Ol i bin katim long mun Ogas long Pacific Gold studio long Rabaul. Bihain tasol long ol i bin statim dispela ben long 1989, ol i kamap long Rabaul na katim namba wan kaset bilong ol long 1990.

Na dispela wanpela ya tasol i soim olsem ol memba i save tru long wanem samting em musik. Bikos insait long dispela namba wan kaset bilong ol, Donald Lessy bilong studio yet i bin helpim ol long wanpela singsing tasol. Donald i pilaim lid gita long namba 5 singsing long Sait B, PAINIM WOK.

Wantaim gutpela stail pairap bilong gita bilong Donald, musik bilong singsing i kamap tru. Dispela singsing tu i stap long Tok Pisin na i isi long bihainim. Stail bilong singsing tu i narakain long ol arapela singsing bilong kaset.

Ol toktok bilong dispela singsing i sut stret long yumi ol dispela lain husat i save les long

wok na sindaun long han bilong ol arapela. Mipela i save mekim olsem bikos mipela i lesman tasol. Sampela ol toktok bilong singsing PAINIM WOK i go olsem:

*\*Mi save laikim tru musik Tasol sapos mi stap nating Na amamas tasol long harim musik.*

*Na mi tok... \*Mi lesman nogat wok Painim wok, painim wok Tasol nogat wok ya!! (olgeta wantaim)*


Bihain go bek long \* na \*\* na olsem tasol i go pinis.

Dispela em wanpela singsing tasol em Donald i helpim ol boi bilong Junior Sourgrapes. Ol arapela singsing em ol memba yet olsem Nick Painai i pilaim lid na ritem gita na i singsing tu. Millan McRude i paitim kibot wantaim lid na bes gita long singsing AURA MISIS long Sait A. Paul Kunai i pilaim bes gita. Augustine Get i sindaun antap long kundu bilong ol waitman na mekimsave na Raphael Clement i kam insait wantaim olgeta nek bilong musik long mekim ol samting i swit.

Kain stail em ol i skrapim gita na meknais long kundu bilong ol waitman i bihainim reggae stail.

# LUS PRUTZ BAND

of KIMBE



• Skin bilong kaset bilong Lus Prutz.

THURSDAY 9TH MAY, 1991		FRIDAY 10TH MAY, 1991		MONDAY 13TH MAY, 1991		TUESDAY 14TH MAY, 1991		WEDNESDAY 15TH MAY, 1991	
6.00 TEST PATTERN AND MUSIC	6.00 TEST PATTERN AND MUSIC (G)	6.00 TEST PATTERN AND MUSIC (G)	6.00 TEST PATTERN AND MUSIC (G)	6.00 TEST PATTERN AND MUSIC (G)	6.00 TEST PATTERN AND MUSIC (G)	6.00 TEST PATTERN AND MUSIC (G)	6.00 TEST PATTERN AND MUSIC (G)	6.00 TEST PATTERN AND MUSIC (G)	6.00 TEST PATTERN AND MUSIC (G)
6.27 STATION OPEN	6.27 STATION OPEN	6.27 STATION OPEN	6.27 STATION OPEN	6.27 STATION OPEN	6.27 STATION OPEN	6.27 STATION OPEN	6.27 STATION OPEN	6.27 STATION OPEN	6.27 STATION OPEN
6.30 ITN WORLD NEWS	6.30 ITN WORLD NEWS (G)	6.30 ITN WORLD NEWS (G)	6.30 ITN WORLD NEWS (G)	6.30 ITN WORLD NEWS (G)	6.30 ITN WORLD NEWS (G)	6.30 ITN WORLD NEWS (G)	6.30 ITN WORLD NEWS (G)	6.30 ITN WORLD NEWS (G)	6.30 ITN WORLD NEWS (G)
7.00 TODAY SHOW	7.00 TODAY SHOW (G)	7.00 TODAY SHOW (G)	7.00 TODAY SHOW (G)	7.00 TODAY SHOW (G)	7.00 TODAY SHOW (G)	7.00 TODAY SHOW (G)	7.00 TODAY SHOW (G)	7.00 TODAY SHOW (G)	7.00 TODAY SHOW (G)
9.00 STATION CLOSE	9.00 STATION CLOSE (G)	9.00 STATION CLOSE (G)	9.00 STATION CLOSE (G)	9.00 STATION CLOSE (G)	9.00 STATION CLOSE (G)	9.00 STATION CLOSE (G)	9.00 STATION CLOSE (G)	9.00 STATION CLOSE (G)	9.00 STATION CLOSE (G)
1.57 STATION RE-OPEN	1.57 STATION RE-OPEN	1.57 STATION RE-OPEN	1.57 STATION RE-OPEN	1.57 STATION RE-OPEN	1.57 STATION RE-OPEN	1.57 STATION RE-OPEN	1.57 STATION RE-OPEN	1.57 STATION RE-OPEN	1.57 STATION RE-OPEN
2.00 MIDDAY WITH RAY MARTIN	2.00 MIDDAY WITH RAY MARTIN	2.00 MIDDAY WITH RAY MARTIN	2.00 MIDDAY WITH RAY MARTIN	2.00 MIDDAY WITH RAY MARTIN (PGR)	2.14 STATION RE-OPEN	2.14 STATION RE-OPEN	2.14 STATION RE-OPEN	2.14 STATION RE-OPEN	2.14 STATION RE-OPEN
3.30 KIDS KONA FAT CAT	3.30 FAT CAT (G)	3.30 FAT CAT (G)	3.30 FAT CAT (G)	3.30 KIDS KONA (G)	2.17 MIDDAY WITH RAY MARTIN (PGR)	2.17 MIDDAY WITH RAY MARTIN (PGR)	3.30 FAT CAT (G)	3.30 FAT CAT (G)	3.30 FAT CAT (G)
4.00 PLASTIC MAN	4.00 PLASTIC MAN (G)	4.00 PLASTIC MAN (G)	4.00 PLASTIC MAN (G)	4.00 PLASTIC MAN (G)	3.30 FAT CAT (G)	3.30 FAT CAT (G)	4.00 PLASTIC MAN (G)	4.00 PLASTIC MAN (G)	4.00 PLASTIC MAN (G)
4.30 TEENAGE MUTANT NINJA TURTLES "The Big Blowout"	4.30 TEENAGE MUTANT NINJA TURTLES (G)	4.30 TEENAGE MUTANT NINJA TURTLES (G)	4.30 TEENAGE MUTANT NINJA TURTLES (G)	4.30 TEENAGE MUTANT NINJA TURTLES (G)	4.30 TEENAGE MUTANT NINJA TURTLES (G)	4.30 TEENAGE MUTANT NINJA TURTLES (G)	4.30 TEENAGE MUTANT NINJA TURTLES (G)	4.30 TEENAGE MUTANT NINJA TURTLES (G)	4.30 TEENAGE MUTANT NINJA TURTLES (G)
5.00 THE FLINTSTONES	5.00 THE FLINTSTONES (G)	5.00 THE FLINTSTONES (G)	5.00 THE FLINTSTONES (G)	5.00 THE FLINTSTONES (G)	4.30 TEENAGE MUTANT NINJA TURTLES (G)	4.30 TEENAGE MUTANT NINJA TURTLES (G)	5.00 THE FLINTSTONES (G)	5.00 THE FLINTSTONES (G)	5.00 THE FLINTSTONES (G)
5.27 EMTV TOKSAVE	5.27 EMTV TOKSAVE (G)	5.27 EMTV TOKSAVE (G)	5.27 EMTV TOKSAVE (G)	5.27 EMTV TOKSAVE (G)	5.27 EMTV TOKSAVE (G)	5.27 EMTV TOKSAVE (G)	5.27 EMTV TOKSAVE (G)	5.27 EMTV TOKSAVE (G)	5.27 EMTV TOKSAVE (G)
5.29 NATIONAL EMTV NEWS BREAK	5.29 NATIONAL EMTV NEWS BREAK (G)	5.29 NATIONAL EMTV NEWS BREAK (G)	5.29 NATIONAL EMTV NEWS BREAK (G)	5.29 NATIONAL EMTV NEWS BREAK (G)	5.29 EMTV NEWS BREAK	5.29 EMTV NEWS BREAK	5.29 EMTV NEWS BREAK	5.29 EMTV NEWS BREAK	5.29 EMTV NEWS BREAK
5.30 HOME AND AWAY	5.30 HOME AND AWAY (G)	5.30 HOME AND AWAY (G)	5.30 HOME AND AWAY (G)	5.30 HOME AND AWAY (G)	5.30 HOME AND AWAY (G)	5.30 HOME AND AWAY (G)	5.30 HOME AND AWAY (G)	5.30 HOME AND AWAY (G)	5.30 HOME AND AWAY (G)
6.00 NATIONAL EMTV NEWS	6.00 NATIONAL EMTV NEWS (G)	6.00 NATIONAL EMTV NEWS (G)	6.00 NATIONAL EMTV NEWS (G)	6.00 NATIONAL EMTV NEWS (G)	5.53 THE ROAD TO THE 1991 SOUTH PACIFIC GAMES (G)	5.53 THE ROAD TO THE 1991 SOUTH PACIFIC GAMES (G)	6.00 NATIONAL EMTV NEWS	6.00 NATIONAL EMTV NEWS	6.00 NATIONAL EMTV NEWS
6.30 A CURRENT AFFAIR	6.30 A CURRENT AFFAIR (G)	6.30 A CURRENT AFFAIR (G)	6.30 A CURRENT AFFAIR (G)	6.30 A CURRENT AFFAIR (G)	5.42 EMTV TOKSAVE (G)	5.42 EMTV TOKSAVE (G)	6.30 A CURRENT AFFAIR (G)	6.30 A CURRENT AFFAIR (G)	6.30 A CURRENT AFFAIR (G)
7.00 NEIGHBOURS	7.00 NEIGHBOURS (G)	7.00 NEIGHBOURS (G)	7.00 NEIGHBOURS (G)	7.00 NEIGHBOURS (G)	5.44 NATIONAL EMTV NEWS BRGAK (G)	5.44 NATIONAL EMTV NEWS BRGAK (G)	7.00 NEIGHBOURS (G)	7.00 NEIGHBOURS (G)	7.00 NEIGHBOURS (G)
7.25 EMTV NEWS UPDATE (G)	7.25 EMTV NEWS UPDATE (G)	7.25 EMTV NEWS UPDATE (G)	7.25 EMTV NEWS UPDATE (G)	7.25 EMTV NEWS UPDATE (G)	5.45 SPECIAL: "Better Safe" (G)	5.45 SPECIAL: "Better Safe" (G)	7.25 EMTV NEWS UPDATE (G)	7.25 EMTV NEWS UPDATE (G)	7.25 EMTV NEWS UPDATE (G)
7.30 HEY DAD	7.30 HEY DAD (G)	7.30 HEY DAD (G)	7.30 HEY DAD (G)	7.30 HEY DAD (G)	6.00 NATIONAL EMTV NEWS	6.00 NATIONAL EMTV NEWS	7.30 THE YOUNG DOCTORS (G)	7.30 THE YOUNG DOCTORS (G)	7.30 THE YOUNG DOCTORS (G)
8.22 EMTV TOKSAVE	8.22 EMTV TOKSAVE (G)	8.22 EMTV TOKSAVE (G)	8.22 EMTV TOKSAVE (G)	8.22 EMTV TOKSAVE (G)	6.30 HEY HEY IT'S SATURDAY	6.30 HEY HEY IT'S SATURDAY	7.30 THE YOUNG DOCTORS (G)	7.30 THE YOUNG DOCTORS (G)	7.30 THE YOUNG DOCTORS (G)
8.25 NATIONAL EMTV NEWS UPDATE	8.25 NATIONAL EMTV NEWS UPDATE (G)	8.25 NATIONAL EMTV NEWS UPDATE (G)	8.25 NATIONAL EMTV NEWS UPDATE (G)	8.25 NATIONAL EMTV NEWS UPDATE (G)	8.22 EMTV TOKSAVE	8.22 EMTV TOKSAVE	8.25 PNI WINFIELD LEAGUE '91	8.25 PNI WINFIELD LEAGUE '91	8.25 PNI WINFIELD LEAGUE '91
8.30 21-JUMP STREET	8.30 21-JUMP STREET (G)	8.30 21-JUMP STREET (G)	8.30 21-JUMP STREET (G)	8.30 21-JUMP STREET (G)	8.25 EMTV NEWS UPDATE	8.25 EMTV NEWS UPDATE	8.35 THE EQUALIZER (PGR)	8.35 THE EQUALIZER (PGR)	8.35 THE EQUALIZER (PGR)
9.24 NATIONAL EMTV NEWS	9.24 NATIONAL EMTV NEWS (G)	9.24 NATIONAL EMTV NEWS (G)	9.24 NATIONAL EMTV NEWS (G)	9.24 NATIONAL EMTV NEWS (G)	8.30 HAWAII 5-0: "Blind Tiger" (PGR)	8.30 HAWAII 5-0: "Blind Tiger" (PGR)	8.35 THE EQUALIZER (PGR)	8.35 THE EQUALIZER (PGR)	8.35 THE EQUALIZER (PGR)
9.29 EMTV NEWS MAGAZINE	9.29 EMTV NEWS MAGAZINE (G)	9.29 EMTV NEWS MAGAZINE (G)	9.29 EMTV NEWS MAGAZINE (G)	9.29 EMTV NEWS MAGAZINE (G)	9.29 EMTV NEWS MAGAZINE	9.29 EMTV NEWS MAGAZINE	9.29 EMTV NEWS MAGAZINE	9.29 EMTV NEWS MAGAZINE	9.29 EMTV NEWS MAGAZINE
9.30 SPORTS ACTION	9.30 SPORTS ACTION (G)	9.30 SPORTS ACTION (G)	9.30 SPORTS ACTION (G)	9.30 SPORTS ACTION (G)	8.26 EMTV TOK SAVE (G)	8.26 EMTV TOK SAVE (G)	9.34 EMTV NEWS MAGAZINE	9.34 EMTV NEWS MAGAZINE	9.34 EMTV NEWS MAGAZINE
10.30 CHARLIE'S ANGELS: "Blue Angels"	10.30 CHARLIE'S ANGELS: "Blue Angels" (G)	10.30 CHARLIE'S ANGELS: "Blue Angels" (G)	10.30 CHARLIE'S ANGELS: "Blue Angels" (G)	10.30 CHARLIE'S ANGELS: "Blue Angels" (G)	8.29 EMTV NEWS MAGAZINE (G)	8.29 EMTV NEWS MAGAZINE (G)	9.35 BEYOND 2000 (PGR)	9.35 BEYOND 2000 (PGR)	9.35 BEYOND 2000 (PGR)
11.30 NATIONAL EMTV LATE NIGHT NEWS	11.30 NATIONAL EMTV LATE NIGHT NEWS (G)	11.30 NATIONAL EMTV LATE NIGHT NEWS (G)	11.30 NATIONAL EMTV LATE NIGHT NEWS (G)	11.30 NATIONAL EMTV LATE NIGHT NEWS (G)	8.30 SPORTS SPECIAL (G)	8.30 SPORTS SPECIAL (G)	10.34 EMTV NEWS MAGAZINE	10.34 EMTV NEWS MAGAZINE	10.34 EMTV NEWS MAGAZINE
11.57 MEDITATION With Pastor Walo Arni	11.57 MEDITATION With Pastor Walo Arni (G)	11.57 MEDITATION With Pastor Walo Arni (G)	11.57 MEDITATION With Pastor Walo Arni (G)	11.57 MEDITATION With Pastor Walo Arni (G)	8.30 SPORTS SPECIAL (G)	8.30 SPORTS SPECIAL (G)	10.35 CHARLIE'S ANGELS "Dancing in the Dark"	10.35 CHARLIE'S ANGELS "Dancing in the Dark"	10.35 CHARLIE'S ANGELS "Dancing in the Dark"
12.00 STATION CLOSE	12.00 STATION CLOSE (G)	12.00 STATION CLOSE (G)	12.00 STATION CLOSE (G)	12.00 STATION CLOSE (G)	9.30 SATURDAY NIGHT (AO)	9.30 SATURDAY NIGHT (AO)	11.35 EMTV NEWS (REPLAY)	11.35 EMTV NEWS (REPLAY)	11.35 EMTV NEWS (REPLAY)
							12.02 MEDITATION WITH PASTOR WALO ARNI	12.02 MEDITATION WITH PASTOR WALO ARNI	12.02 MEDITATION WITH PASTOR WALO ARNI
							12.05 STATION CLOSE	12.05 STATION CLOSE	12.05 STATION CLOSE

G General Exhibition PGR- Parent Required AO - Adults Only

# WANTOK

NIUSPEPA BILONG OL PAPUA NIUGINI STRET

# PABLIK NOTIS

Sapos yu laik advertais, telepon 25 2500 na askim long

MIRI AIDRI long Ext 203  
JOHNATHAN BOMEPE long Ext 215  
KOSINTO FOSAGU long Ext 216



## OL NUPELA MAK BILONG OL ILEKTORET

Mi laik toksave save long pablik olsem aninit long Seksen 36 bilong Ognanik Lo long Nesenel Eleksens, mipela i wokim pinis ol mep i soim ol dispela ol nupela mak bilong ol ilektoret. Sapos yu laik lukim, yu ken kisim fri long hetkwata bilong Elektorel Komisin long ol Provinsal o Kistrik Ilektorel Opis insait long olgeta hap bilong kantri. Sapos yu gat sampela toktok ol senis long mep, yu ken rait long:

The Chairman,  
Electoral Boundaries Commission,  
C/- Electoral Commission,  
P.O. Box 5348, BOROKO  
National Capital District.

Komisin bai lukluk tasol long ol pas em Komisin i kisim stret long Jun 25 o bipo long Jun 25, 1991.

REUBEN TUAKANA KAIULO  
Chairman Electoral Boundaries Commission

Dispela ol samting i stap winim 6-pela mun o moa nau long woksop bilong mipela. Na bihain long 30 de (tripela ten) sapos papa bilong ol i no kamap kisim, mipela bai salim na kisim mani. Yupela i mas gat hap pepa o ID kat bilong soim olsem dispela samting i bilong yu wan wan.

KASTOMA	SAMTING	NAMBA	KOS
Peter Nupi	Nat. Video recorder	2159	K242.50
Khal Umbuka	JVC Video recorder	2080	K273.85
Mrs Verokapi	Samsung Vid Recorder	2121	K144.20
Mrs. S. Yop	Samsung Vid Recorder	2073	K212.20
Graham Trenamack	Nat. Video Recorder	1826	K247.20
Michael Mene	Nat. Video Recorder	1897	K129.05
Joseph Temen	Samsung Vld. Recorder	2106	K142.20
Tim Minigari	JVC Video Recorder	2081	K288.40
Paul Kune	Fisher Vid. Recorder	2007	K147.75
Simon Dewe	Samsung Vid. Recorder	1959	K294.09
Cosmos Pingina	General Vid. Recorder	2089	K124.20
Joseph Kalimboa	Nat. Video recorder	1306	K257.50
James Pigip	Sharp Vid. Recorder	1721	K 98.00
Seth Abel	JVC Amplifier	399	K134.50
Michael Daguma	Sanyo Rad/Cassette	1014	K 63.43
J. Kua	Radio Cassette	2046	K 40.77
Gori Palm	Integrity Rad/cassette	1014	K 63.43
Sr. Julie	Radio Cassette	1960	K 52.40
Godfreg Waip	Tape Deck	1139	K149.35
Melen E/prise	Cash Register	1784	K 49.00
Melen E/prise	Cash Register	1785	K 49.00
Pioneer Club	Cash Register	1819	K159.65
Div. Prov. Affairs	Brother Typewriter	2071	K200.85
David Kole	Hitachi TV	1428	K154.00
Benson Miamai	Sharp TV	1337	K196.00
Joseph Kilings	Sanyo TV	2052	K188.40
Michael Wamp	Philips TV	1924	K145.10
Pake Lea	Philips TV	1892	K190.55
Raimburgher Inv	Samsung TV	1708	K190.55
Thomas Paraka	Integrity TV	2112	K220.00
Thomas Simbula	Royale TV	1949	K178.64
John Koware	Samsung TV	1378	K171.00
Solomon Wernin	National TV	1461	K255.50
Apostolic Church	ESC TV	2079	K133.90

The Workhouse PO Box 160, Mt. Hagen,  
Phone: 52 1515 Fax: 52 1771

## DO YOU REALLY MEAN BUSINESS?

Then don't keep it to yourself  
Tell Papua New Guinea through

PNG  
**BUSINESS**

## LAIKIM LAIP PUKPUK

Mainland Holdings i save baim ol laip pukpuk long OLGETA hap bilong Papua Niugini.


Mipela baim bihainim longpela bilong pukpuk.

Mipela save givim sampela moni long taim mipela kisim ol pukpuk.

Mainland Holdings yet bai lukautim wok bilong redim ol **SAMTING BILONG PASIM NA BRINGIM PUKPUK**. Mainland Holdings bai stretim sata balus long 300 namba pukpuk na igo antap.

Sapos pukpuk i no planti, yu ken salim long Talair, tasol yu mas tok save long mipela pastaim.

Mainland Holdings Pukpuk Fam, **RALPH SIGAP** o **MARK STATON**  
Telipon Namba **42 4322** Fax: **42 1121**.



# WANTOK

NIUSPEPA BILONG OL PAPUA NIUGINI STRET

# PABLIK NOTIS

Sapos yu laik advertais, telepon 25 2500 na askim long

MERI AIORI long Ext 203  
JOHNATHAN BOMEPE long Ext 215  
KOSINTO FOSAGU long Ext 216

## Public Notices

### REWARD

For the return of/or information leading to the return of personal effects stolen from vehicle at Variata National Park lookout on Sunday 21/04/91.

Especially: RICOH MIRRAI CAMERA AND LENSES OR THE THE FILM FROM THE CAMERA.

No questions asked write to:

P.O. BOX 164 POM  
or RING 25-2042

## "OPERATION DESERT STORM"

Catch all the action on a newly released video by CNN'S Award Winning Documentary Team.

60 minutes of exhilarating viewing of the most modern warfare exercise in history.

Now available for K50.00 only.

Limited Stock available!

For orders ring George Maui on 25-4679

Fax: 258083 or send Cheque or Postal order to:

RUT (PNG) LTD  
P O BOX 885  
PORT MORESBY  
NCD

## Wanpela minit tasol

**Wanpela minit tasol i ken kamapim bikpela senis long kantri bilong mipela.**

Yu ken yusim wanpela minit tasol long taim bilong yu long ripot long ol plisman, long wokabaut na raun bilong ol raskol, long ol pipel yu bilip i gat nem nogot long mekim raskol pasin, na ol pipel plisman i painim bikos ol i mekim sam-pela raskol pasin.

Yu ken yusim wanpela minit tasol na toksave long ol plisman long wanem hap ol raskol i save mekim na haitim sot gan.

Long wanpela minit tasol, yu ken raitim leta i go long komanda bilong plis stesin i stap klostu long yu, na ripot long ol raskol husat i save yusim strongpela birua samting long stil, bagarapim meri na kilim man.

Yu ken sevim laip bilong wanpela man long dispela wanpela minit yu yusim telepon long toksave long plis.

Sapos yu i no bin mekim wanpela samting long kantri bilong yu Papua Niugini, orait dispela em taim bilong yu long mekim wanpela samting nau.

Yu ken ring long ol dispela telepon namba:

- **Mosbi**  
Koman Senta 22-4215  
CID Intelesens 25-7349
- **Hagen**  
Komanda 52-2983  
CID Intelesens 52-2956
- **Lae**  
Koman Senta 42-2222  
CID Intelisens 42-2946/42-1992

O ripot i go long plis stesin i stap klostu long yu.



"HELPIM MIPELA LONG HELPIM YU"



# SAPOTIM PLIS BILONG YU

*National Crime Offensive*

## PNG BUSINESS

Subscription rates



12 ISSUES

PNG	K20
AUSTRALIA, NEW ZEALAND	K30
SINGAPORE JAPAN	
HONG KONG	K35
USA, EUROPE	K42

PNG BUSINESS SUBSCRIPTION NOTICE

NEW!  
NEW!  
NEW!

BOXING

BASKETBALL

RUGBY LEAGUE

SOFTBALL

SWIMMING

SPORTS NEWSPAPER

On sale every Friday, Saturday

301

Small text at the bottom right of the page, likely a notice or advertisement.



# SOFBAL

# Nesenel klap taitel fiva!

## LEO WAFIWA i raitim

PLANTI sofbal klap insait long Papua Niugini i redi nau long bikpela 1991 Benson & Hedges Nesenel Sofbal Klab sempionsip.

Dispela sempionsip em Mosbi Sofbal Asosiesen bai i lukautim. Na bai i kamap long Fraide 7 i go inap long Mande 10 Jun, 1991.

Seketeri bilong Papua Niugini Sofbal Federesen, Michael Vagalia i bin putim aut pinis wanpela toksave long pepa long dispela.

Dispela toksave i askim na ol klap husat i save pilai long

asosiesen husat i memba long nesenel bodi long givim nem. Dispela em sapos ol i laik pilai insait long dispela sempionsip.

Las de em wanem klap i laik pilai insait long sempionsip long givim nem em Trinde 10 Me, 1991.

Wantok Niuspepa i no inap painimaut long hamas klab i givim nem pinis. Tasol i gat bilip olsem moa long 10-pela klab i mas givim nem pinis.

Seketeri Vagalia i putim aut strongpela toksave olsem olgeta klab husat i laik stap insait long sempionsip i mas bihainim 9-pela

bikpela lo.

Hia em sampela bilong ol dispela lo:

- Olgeta klab husat i laik pilai i mas memba bilong Papua Niugini Sofbal Federesen.

- Nominesen fi bilong wanpela tim em K150. Tim i mas baim tu K50 dua fi bilong ol tim memba na opisal long go insait na lukim pilai. Wan wan tim mas i gat 20 pilaia wantaim opisal, na i no moa.

Dispela K50 fi bai i karamapim ol pilai em bai i kamap long dispela 4-pela de sempionsip.

- Wanpela tim husat i no baim dis-

pela fi bipo long Fraide 17 Me, 1991 bai i no inap pilai. Sapos nem bilong ol i stap pinis long pilai, ol opisal bilong PNG Sofbal Federesen bai i rausim tasol.

- Tim resistresen fom o pepa em olgeta klab i mas makim hariap na salim long PNG Sofbal Federesen bipo long Fraide 17 Me, 1991.

- Na bikpela samting em ol tim husat i laik pilai insait long dispela sempionsip i mas primia o rana ap bilong 1990 na 1991 sofbal sisen. Ol arapela tim nambaut bai i no inap pilai insait long dispela sempionsip.

- Wan wan tim mas i gat 14 na i go antap long 17 pilaia. Dispela namba i no karamapim ol opisal husat i no pilai. Dispela i bilong ol pilaia tasol.

Tasol wan wan tim mas i gat 20 memba tasol. Dispela namba i karamapim ol pilaia na opisal wantaim.

- Ol pilaia husat i stap insait long 1991 Saut Pasifik Gams skwat i ken pilai tu long dispela sempionsip.

I gat bilip olsem nau yet em Mosbi Sofbal Asosiesen wantaim wok bung bilong PNG Sofbal Federesen i redi nau long lukautim dispela bikpela sempionsip.

## Dok Yunit na McGregor i go pas long Bomana sofbal resis

### LEO WAFIWA i raitim

DOK Yunit na McGregor 1 i go pas nau long poin lata bilong Bomana Wimens sofball resis ausait long Mosbi Siti.

Bihain long pilai bilong las wiken, ol meri bilong Dok Yunit i sruk i go bosim namba

wan ples long lata wantaim 6-pela poin.

McGregor 1 i gat 6-pela poin tu. Tasol em i sindaun long namba tu ples wantaim 6-pela poin. Bikos em i nogat gutpela gol averes olsem ol meri bilong Dok Yut.

Ol meri Dok Yunit na McGregor 1 i skruim win bilong tupela bihain long gutpela win las wiken.

Ripot i kam long wanpela mausman bilong asosiesen, Andrew Moi i soim olsem McGregor 1 i bagarapim stret sindaun bilong Bomana 4 36-3 long las wiken. Dispela gem i bin kamapim bikpela wari stret.

Ol meri bilong Bomana 4 em ating planti i no save pilai sofball bipo. Olsem na ol i mekim tripela ran long hom tasol.

McGregor 1 i gat planti pilaia husat i save pilai long Mosbi Siti sofball resis. Olsem na dispela i strongim ol long winim tripela namba wan gem.

Wantok Niuspepa i painimaut olsem McGregor 1 bai i kamap bikpela birua long dispela op sisen resis bilong ol meri na pikinini meri bilong plisman insait long Mosbi.

Narapela bikpela birua husat i stat soim mak nau em ol kas meri bilong Dok Yunit.

Ol tu i winim olgeta tripela gem pinis. Na i redi tasol long winim moa gem long strongim namba wan posisen long lata.

Las wiken ol i putim kamap gutpela gem egensim ol meri bilong CIS. Dispela i bin wanpela strongpela gem long ol namba wan ining.

Tasol klostu long namba 7 ining, Dok Yunit i no laik marimari na nilim stret 10-pela poin. CIS i salim tripela meri tasol i kamap hom.

Namba 4 raun bilong resis bai i kamap long dispela wiken. Na ol tim husat i ran bihain wantaim 4-pela poin em CIS, McGregor 2 na McGregor 3.

Ol dispela tim husat i winim wanpela gem tasol em Bomana 1, Kila 1, Gordons 1, Bomana 3 na Bomana 4. Olgeta i gat tupela poin long lata. Tasol ol meri Bomana 1 i go pas long ol. Bikos long gutpela gol averes.

Moi i tok em i amamas long sampela hampaia bilong Mosbi Siti sofball resis long

givim helpim. Dispela em long lukautim ol pilai.

Las wiken tasol em ol siti hampaia i no bin kamap. As bilong dispela em planti i ting olsem ren i mekim hawara i kamap long Bomana eria. Olsem na ol pilai i no inap long kamap.

Ol pilai i save kamap long tupela daimon, daimon wan na 2.

Dispela wiken bikpela das bai i kirap taim ol meri i bung gen long namba 4 raun. Bikpela askim em ren i noken pundaun long bagarapim ol pilai.

Dro bilong dispela wiken i sanap olsem long Daimon Wan, Bomana 3 bai i pilaim Kila 1, McGregor 3 bai i pilaim Gordons 2, CIS bai i bungim Kila 2, na Gordons bai i salensim McGregor 4.

Long Daimon 2 em McGregor 2 bai i pilai kaskas wantaim Dok Yunit, Bomana 1 bai i salensim Bomana 4, na McGregor 1 bai i kaikai bun wantaim Bomana 2.

Planti gutpela strongpela gem bai i kamap

long dispela wiken. Bikos i luk olsem olgeta tim i smelim pinis win.

Gutpela strongpela gem tru bai i kamap long tupela top tim, McGregor 2 na Dok Yunit.

Dok Yunit husat i go pas long lata wantaim 6-pela poin i gat bikpela laik long skruim win bilong em. Tasol McGregor 2 husat i ran bihain long namba 4

ples wantaim 4-pela poin i gat bikpela laik tu long abrusim Dok Yunit.

Olsem na dispela bai i wanpela gutpela strongpela gem stret long lukim.

Sapos Dok Yunit i winim dispela gem, em bai i sruk moa i go antap long lata. Bikos McGregor 1, husat i ran bihain long em bai i bungim strongpela salens stret.

### BOMANA WIMENS SOFBAL ASOSIESEN

RAUN 3 DRO, 1991.  
SANDE 12 ME, 1991.

#### DAIMON 1:

12.00pm Bomana 3 vs Kila 1  
1.30pm McGregor 3 vs Gordons 2  
3.00pm CIS vs Kila 2  
4.30pm Gordons 1 vs McGregor 4

#### DAIMON 2:

1.00pm McGregor 2 vs Dok Yunit  
2.30pm Bomana 1 vs Bomana 4  
4.00pm McGregor 1 vs Bomana 2

#### OL SKOA BILONG LAS WIKEN:

McGregor 4 def Kila 1 ... 9-0  
Dok Yunit def CIS ... 10-3  
Bomana 3 def Bomana 2 ... 12-9  
McGregor 2 def Bomana 1 ... 19-6  
McGregor 3 def Gordons 1 ... 12-5  
McGregor 1 def Bomana 4 ... 36-3

### BOMANA WIMENS SOFBAL LATA

#### 1991 SISEN PROPRA RESIS

Tim:	
Dok Yunit	6
McGregor 1	6
CIS	4
McGregor 2	4
McGregor 3	4
Bomana 1	2
Kila 1	2
Gordons 1	2
Bomana 4	2
Bomana 3	2
McGregor 4	2
Bomana 2	0
Gordons 2	0
Kila 2	0

• Poin lata bihain long pilai bilong raun 3 long las wiken.



# BENSON and HEDGES

# Tim bai kam aut long Oktoba

## MADANG RIPOT

### YAKAM KELO i raitim

MADANG bai i redim tim bilong em long kik insait long Momase rijonel tonamen long mun Oktoba 1991.

Presiden bilong Madang Soka Asosiesen (MSA), Peter Angasa i tok em i kisim toksave pinis long John Peka long dispela tonamen. Angasa i tok bai ol i makim tim bilong MSA long mun Julai.

Nau yet Madang soka i statim gem bilong em bihain long taim. Olsem na em i no inap long glasim gut ol pilaia bilong makim tim.

Madang soka i pilaim nau namba 4 raun bilong sisen propa resis. Planti pilaia i no soim gem bilong ol yet. Bikos sisen i stat nau tasol.

Bai i gat komiti i go pas long makim ol pilaia olsem na ol bai i bung na pasim tok pastaim.

Provinsal Spot Kodineta, John Bivi i tok Madang Kantri soka bai putim

tim bilong em i go insait long dispela tonamen tu.

John Bivi i tok Madang Kantri soka i no memba yet long PNGFA long stap insait long kain tonamen olsem.


Kantri tonamen i wok long go strong na gutpela insait long Madang provins. Sapos gem bilong ol i strong, na ol i soim olsem ol i ken givim hat taim long ol arapela tim, bai ol i afiliet long PNGFA.

John Bivi i tok Madang Spot Opis i wok long stretim ol rot bilong helpim long kamapim Madang Kantri Soka Asosiesen i go strong.

Komiti grup bai stretim toktok sapos i orait nau long ol i ken memba long PNGFA.

Madang Kantri soka tonamen bai i kamap tu long mun Oktoba. Dispela taim bai i gat Momase rijonel tonamen.

Sapos Madang Kantri soka i afiliet bipo long tonamen, bai em i makim tim na pilai tu long Momase rijonel tonamen.



• Kas bilong Rapatona i laik mekim save stret long umben bilong Westpac tasol gol kipa i stap na stapim Rapatona long skoa.

# Hevi skruim Bendum Kap resis

## BULOLO RIPOT

### YAKAM KELO i raitim

SOKA resis bilong winim Mathew Bendum Kap long Bulolo Morobe provins i no inap kamap bihainim taim long dispela yia.

Seketeri bilong Forestri Soka Asosiesen, Atis Vinas i tok Bulolo na Forestri Soka Asosiesen i bung na kamapim wanpela asosiesen long dispela yia.

Bihain long gren final bilong pri sisen, bikpela tok kros i kamap. Olsem na Forestri Asosiesen i bruk i go bek na sanap bilong em yet.

Dispela i kamapim hevi long stretim program na ol dro bilong Mathew Bendum Kap resis.

Dispela resis i save kamap olgeta yia. Tasol i gat hevi long dispela yia. Olsem na i no gat tok klaia yet long resis bilong dispela yia.

Vinas i tok sapos ol i lukim olsem program bilong sisen, propa long ol i Forestri Soka Asosiesen i no inap long givim spes long dispela resis bai larim i stap i go long neks yia, 1992.

Forestri Asosiesen i askim ol arapela tim husat i laik kam insait long asosiesen olsem i no gat samting i stapim ol.

Vinas i tok em i save olsem sampela klap bilong Bulolo Taun Asosiesen i laik joinim Forestri Soka Asosiesen. Forestri i laikim moa klap. Bikos moa klap bai i strongim asosiesen long sanap strong.

Atis Vinas i tok Forestri i kisim luksave bilong LFA na Morobe Kantri Asosiesen. Bikos stended bilong ol pilai i save stap antap.

Taim bilong kantri tonamen, Forestri i save givim hat taim stret long planti tim bilong Morobe provins na Lae.

LFA na Morobe Kantri Soka Asosiesen bai i rausim asosiesen sapos em i no gat inap klap long holim em i sanap strong.

# Wewak redi long Somare Sil

## LEO WAFIWA i raitim

W E W A K S o k a Asosiesen i redi nau long lukautim bikpela kik bilong Somare Sil tonamen.

Dispela kik bai i kamap long Kwins Betde wiken long Jun 15, 16 na 17.

Wanpela mausman bilong Wewak Soka Asosiesen, David Pandi i askim nau ol klab husat i laik kik long dispela resis long givim nem.

Nau yet i gat 5-pela moa wik i stap bipo dispela resis i kamap. Olsem na Pandi i askim ol klab long givim nem hariap.

Ol klab husat i laik kik i mas ringim Pandi long telepon namba 86-2352 o provinsal spot opis long telepon namba 86-2481, na givim nem bilong yupela.

Pandi i no tokaut olsem ol klab bai i baim fi long pilai o nogat. Tasol i gat bilip olsem ol klab i mas baim sampela afiliesen fi bipo ol i pilai.

Dispela resis i bilong ol klab na tim bilong ol asosiesen insait long provins long traime bun. As bilong dispela em long developim soka insait long provins.

Tasol ol Sepik soka klab long arapela provins i ken salim wanpela tim i kam kik long dispela resis. Bikos as bilong dispela resis em long strongim soka, na tu long bungim ol Is Sepik pipel insait log kantri.

Tasol Pandi i tok klaia

moa olsem ol dispela ausait klab i mas afiliet o memba long wanem asosiesen ol i pilai anit long em.

Dispela resis em Rijinel Memba bilong Is Sepik, na Foren Afeas Minista, Sir Michael Somare i save sponsorim wantaim prais mani na sil.

Resis bilong dispela

yia bai i gat K1,900 prais mani olgeta. Tim husat i winim gren fainal bai i kisim K1,000 prais mani wantaim Somare Sil.

Na tim husat i lus bai i kisim rana ap prais bilong K500 mani.

Namba tri tim bai i kisim K250, na namba 4 tim bai i kisim K150 prais mani. Bai i gat ol arapela kain prais tu.



□ Em kas bilong Rapatona yet wantaim kain stail bilong em long Mosbi primia rlsev resis

**B&H**

**BENSON**  
*and*  
**HEDGES**

**B&H**

# PMSA ken kisim moa helpim long klaphaus

PLANTI soka asosiesen insait long kantri i no save olsem ol inap kisim K5,000 o K6,000 kwiktai tru. Dispela em i gutpela long ol asosiesen we i gat banis na ol gem i stap insait.

Mi tingim Lae na Mosbi em bai i isi tru. Tupela i save ranim samting olsem 32 wiken ol pilai. Insait long wan wan wiken, ol i sasim K1 o kain mani olsem. Em i bikpela mani tumas. Tasol, sapos yumi lukluk gut, K62 long olgeta yia long kam lukim ol pilai, em i bikpela mani.

## Kamap asosiesen memba

Ol soka asosiesen i mas traim strong long kisim membasip mani. Wan wan asosiesen i ken



**KIKBEK**  
wantaim  
RAINSAU

salim 100 membasip kat long K50 - wan wan kat.

Wanem ol kain samting yu inap kisim long kamap memba?

Lae Football (soka) Asosiesen i gat klap haus pinis. Na Mosbi Soka Asosiesen i toktok yet long putim wanpela. Dispela em i wanpela ples we ol memba tasol i ken kam sindaun isi na lukim ol gem, na dringim bia or sof dring. Em i namba wan samting.

Namba tu samting em K50 i bilong memba, na meri bilong em

wantaim ol pikinini. Sapos meri o pikinini i no kam lukim ol gem, memba i ken kisim wanpela pren. Dispela em i bilong wan yia olgeta. Na em i min, dispela memba na famili bilong em bai i baim K50 tasol, na i no ful K64.

## Gutpela samting

I gat planti gutpela as watpo ol asosiesen mas i gat ol memba. Namba wan samting i min olsem. Sapos em i gat 100 memba, na ol i mas baim bipo long Februeri olgeta yia, orait, asosiesen bai i gat K5,000 o samting i kam insait long poket bilong em kwiktai tru.

Na sapos dispela samting i kamap oltaim, em inap yusim dispela samting long kisim dinau long kamapim wok go het long soka.

Long taim mani i kam insait. Em i kisim tasol na stretim dinau.

Beng yet bai i luksave long rekot bilong ol diposit mani, na em bai i save olsem dispela mani bai i kam insait o nogat.

Narapela samting tu, em bai ol memba i kam soim kat tasol na i go insait kwik. Dispela i no inap mekim isi wok long bikpela dua na kamapim longpela lain.

Wanpela liklik samting tu, em bai i katim daun taim ol boi bai i yusim long wok edministresen long sait bilong mani. Bikos ol memba ya i baim wanpela taim tasol, na i no gat wok moa.

## PNGFA

I no long ol asosiesen tasol. Nogat.

PNGFA tu inap kamapim dispela kain aida. Tasol long nau yet em i hat liklik. Em bai salim tasol, ol gem we em bai i kamapim insait long wanpela yia, na ol dispela

gem bai i no inap planti tumas.

Tasol, long ol bikman we i no wari tumas long mani, ol bai i baim na bihainim soka, o em i ken traim bungim tingting wantaim ol asosiesen na hap long ol mani bilong asosiesen bai i go long em.

I gat planti kain tingting olsem i stap. Em i wet tasol ol manmeri husat i gat ol strongpela tingting long kamapim mani. Na dispela mani i bilong go bek, na helpim wanem spot o samting we i helpim kamapim dispela mani.

## Klabhaus bilong Mosbi

Bikpela singaut bilong mi nau em i go long Mosbi Soka Asosiesen long sanapim klaphaus bilong em kwiktai. Bihain orait, em i traim grisim ol manmeri i kamap memba.

## Enga Soka Asosiesen Points Teble 6th. May 1991.

### Sinia Man

Tim	Plaia	Win	Draw	Lus	For	Ag	Goals	Goal Diff	Points
Moku	6	5	1	0	19	2	17	11	11
Tarakum	6	4	0	2	11	7	4	10	10
Teachcom	6	4	0	2	11	7	4	8	8
Buresong	6	3	0	3	11	8	3	6	6
United	6	1	3	2	4	5	1	5	5
Amagani	6	2	1	3	10	15	5	5	5
Enga Blues	6	2	1	3	9	14	5	5	5
Elcom	6	2	0	4	4	8	-4	4	4
Tn Club	6	1	1	4	7	17	10	3	3
Enga Royals	6	0	1	5	7	12	5	1	1

Note\* Points deducted for player not cleared

### Junia Man.

Buresong	6	5	1	0	14	4	10	11
Teachcom	5	4	0	1	4	2	2	8
Moku	5	1	3	1	4	2	2	5
Amagani	5	1	3	1	4	4	0	5
Tarakum	5	1	2	2	5	7	-2	4
Kumuls	5	2	0	3	5	8	-3	4
Tn Club	5	0	1	4	1	10	-9	1

### Wimen

Yab East	6	4	2	0	11	3	8	11
United	6	3	2	1	11	4	7	8
Teachcom	6	3	2	1	10	4	6	8
Moku	6	3	1	2	6	7	-1	7
Amagani	6	2	2	2	9	6	3	6
Tapi	6	2	2	2	7	5	2	6
Kumuls	6	1	3	2	3	6	-3	5
Buresong	6	12	3	2	3	9	-6	5
Tn Club	6	1	2	3	3	13	-10	4
Tarakem	6	0	1	5	2	8	-6	1

Resalt bilong las wik gem, 4th na 5th May 1991.

### Junior Men


Amagani	2	Kumuls	1	Tarakum	0	Teachcom	2
Moku	0	Buresong	0				

### Senior men

Elcom	0	Tarakum	2	Amagani	1	Teachcom	3
Enga Blues	2	Enga Royals	1	United	0	Moku	0
Tn Club	1	Buresongs	4				

### Women

Teachcom	3	Amagani	1	Yab East	3	United	1
Tarakum	0	Tn Club	1	United	0	Moku	2
Tapi	5	Buresong	0				



## Kapindi autim 1991 pri sisen taitel

KAPINDI em pri sisen sempion nau bilong Ramu Suga soka resis.

Em i winim dispela taitel bihain long em i

autim Buresong 2-0 long gren fainal las wiken.

I gat bikpela bilip olsem Kapindi bai i

winim dispela taitel. Bikos em i lukautim pilai long stat bilong pilai i go inap pinis.

Midfilda Joe Kui i

skoarim namba wan gol long 20 minit bilong namba wan hap. Gol ya i kamap bihain long gutpela sapot pilai bilong Morris Koriong.

Samting olsem 5-pela minit bihain, Thomas Aling i skoarim namba tu na las gol bilong gem. Dispela gol i kamap bihain long Niga Goliath i salim gutpela bal i kam long em.

Ol straika bilong Buresong i painim hat stret long skoa. Bikos ol pilaia olsem Jimmy Elison, Gema Zerang, Kayak Tum na Gai Nerik i sanapim strongpela banis tru long beklain bilong Kapindi.

Ol midfil pilaia bilong Kapindi olsem Suga Ganga, Saking Wayu na Joe Kui i save givim gutpela bal i go long straika bilong ol, Morris Koriong na Thomas Aling.

Wanpela gutpela pilaia bilong Kapindi, Charles Aron i kisim bagarap long semi fainal kik. Olsem na em i no bin pilai. Charles Aron i bin pilai strong, na helpim Kapindi long kik i go insait long gren fainal.

Ol pilaia bilong Buresong i putim kamap strongpela salens. Tasol ol i lusim

dispela gem, bikos i nogat gutpela wok bung namel long ol pilaia.

Ol pilaia olsem Greg Lenongao na Freddy i pilai strong long beklain. Ol pilaia long midfil tu olsem John Alex, Benny Jerry na Hoebu Urua i pilai strong tru.

Paul Kayanba wantaim Ding Tomeng i pait strong tru long franlain. Tasol tupela i no kisim ol gutpela bal long skoa.

Kik bilong namba 3 na 4 ples i kamap namel long Luteran Yut na Bismark. Bismark i winim dispela kik 2-1.

Pablisiti opisa, Zireng Malong i makim maus bilong Ramu Suga Soka Asosiesen na tenkim Kapindi long winim 1991 pri sisen taitel.

Na sisen propa resis bai i stat long Sande 19 Me, 1991. Ol klab husat bai i kik long sisen propa resis em Kapindi, Luteran Yut, Bismark, Buresong, Dampier, Aigob, Puga, Surinam, Guria, Bantik na Momase.

Asosiesen bai i yusim aidi kat sistem long dispela sisen. Dispela i min olsem ol resista pilaia husat i gat aidi kat tasol bai i pilai.

• Primia risev pilai bilong Rapatona i stail liklik long las wiken long Mosbi. kas bilong em yet



• Lukluk isi na pilai isi. Em stail bilong kas ya stret long Mosbi soka resis las wiken.

# Medics-Bikpela mekimsave

## WEWAK RIPOOT

### LEO WAFIWA i raitim

INTERIM eksekutiv bilong Wewak Soka Asosiesen bai i givim bikpela mekimsave long ol tim na klab husat i pait long fil.

Wanpela mausman bilong asosiesen, David Pandi i tok olsem bihain long trabel bilong las wiken namel long KTC na Medic.

Tupela tim wantaim i save pilai long namba wan divisen resis. KTC em tim bilong ol studens long Kaindi Tisa Koles. Na Medics em tim bilong ol wokman

na manki i stap klostu long Boram haus sik.

Pandi i tok las wik tupela tim i pilai i go na tupela pilai i pait. Ol sapota bilong Medics i ran i go insait long fil, na raunim ol pilai bilong KTC wantaim stik na ston.

Pandi i no tokaut long wanem kain birua o bagarap i kamap long dispela trabel.

Em i tok tasol olsem interim eksekutiv aninit long lukaut bilong presiden Clement Paime, bai i givim strongpela

### "Dispela sisen mipela i no inap larim pait i bagarapim pilai"

mekimsave stret long tim husat i go pas long mekim dispela trabel.

I gat bikpela bilip olsem Medics soka klab bai i baim bikpela fain. Fain mani i kam aninit long lo i lukautim ol pilai bilong asosiesen i stap namel long K500 na K150.

"Dispela sisen mipela i no inap larim pait i bagarapim ol pilai. Ol klab, klab opisal, pilai na sapota i mas lukaut long dispela. Bikos mipela bai i givim bikpela mekimsave stret long ol," Pandi i tok.

Asosiesen i kisim pinis komplek pas bilong KTC wantaim

riport bilong referi husat i lukautim dispela pilai. Dispela wik ol eksekuty-

tiv bai i sindaun na glasim dispela hevi.

Na bikpela primia divisen kik bilong dispela wiken bai i kamap namel long Wullet na ol

marasin boi bilong Medics. Tupela tim wantaim i bin lus long las wiken. Wullet i lus long Wewak United 4-1. Na Medics i lus long ol studen bilong Passam Nesenel haikul 2-1.

Wullet em wanpela strongpela tim bilong las yia. Olsem na

sapos em i kamap strong gen, em bai i autim Medics. Tasol ol marasin boi i gat bikpela bilip long winim dispela gem.

Ol arapela primia gem bilong bai i kamap wantaim Tarakum, na Sunam wantaim Wewak United.



□ Kas ya i soim pasin bilong soka stret long pes bilong em long Mosbi resis

## WEWAK SOCCER ASSOCIATION DRAW

SATURDAY 11TH MAY, 1991.

### U19 DIVISION:

1.00pm Passam vs Medics  
2.20pm Guria v Wewak Utd  
4.00pm KTC vs Wullet  
4.00pm Tarakum vs Sunam

SUNDAY 12TH MAY, 1991.

### PREMIER DIVISION:

1.00pm Passam vs Tarakum  
2.20pm Sunam vs Wewak Utd  
4.00pm Wullet vs Medics  
BYE: Guria

### FIRST DIVISION:

1.00pm Tarakum vs KTC  
2.20pm Medics vs Wewak Utd  
4.00pm Wullet vs Guria  
BYE: Sunam

### LAST WEEKEND'S RESULTS

#### PREMIER DIVISION:

Tarakum def Guria 5-1  
Medics def Passam 2-1  
Wewak Utd def Wullet 4-1

#### FIRST DIVISION:

Wewak Utd def wullet 7-1  
KTC dro Medics 2-2  
Sunam def Guria 6-3

• U19 & Women's division scores were not available.

## 5-pela birua kamap klia nau

### MOSBI RIPOOT

KLOSTU bai kik bilong namba wan raun i pinis, na 5-pela birua i kamap klia nau long strongpela resis bilong ol meri Mosbi.

Ol tim husat i pilaim 8-pela gem pinis em Sobou, Morobe Yunaitet, Guria, Kurti Andra, Kula na Milen Be. Na 6-pela arapela tim i pilaim 9-pela gem pinis. Nem bilong ol em Wanzesi, Yunivesiti, GFC, Difens, Blu Kumuls na Koupa.

Kik bilong las wiken i no bin kamap bikos long ren. Tasol bihain long kik bilong Wik 8 na 9, 5-pela tim husat i go pas nau long poin lata em Sobou, Wanzesi, Morobe Yunaitet, Guria na Yunivesiti.

Sobou i go pas wantaim 21 poin, Wanzesi tu i bihainim wantaim

21 poin, Morobe Yunaitet wantaim 20 poin, na Guria na Yunivesiti wantaim 17 poin.

Ol tim husat i ran bihain na i gat sans long winim wanpela ples long top 5 posisen em GFC, Kurti Andra na Kula.

Sobou wantaim Wanzesi, Yunivesiti na Guria i bin go insait long fainal bilong las yia.

Ol meri Wanzesi i no bin pilai long fainal bikos ol i go kik long Stratford 2,000 resis long Kens, Australia. Olsem na Guria wantaim Sobou i bung long gren fainal. Sobou i winim dispela gren fainal.

Dispela yia Sobou i gat bikpela bilip long winim gen dispela taitel.

Dispela wiken ol meri Sobou bai bungim ol kas meri bilong GFC. Dispela bai i wanpela strongpela kik tru. Bikos GFC i gat bikpela laik long winim dispela kik.

Tasol sapos ol meri Sobou i pilaim kain stail bilong pilai olsem ol arapela gem ol bai i winim dispela gem.



• Bal i pas long lek na han i op na i redi long flai i go long gol mak.

## Ol wosaut gem bai kamap bihain



KIK bilong las wik Sarere na Sande em i no bin kamap bai i kamap bihain long namba wan raun resis.

Bikpela ren i bin pundaun long las wiken. Olsem na pilai graun i gat planti wara, na i no gutpela long ol pilai i kamap.

PMSA i salim bikpela tok sore i go long ol pilai wantaim opisal na sapota husat i kamap nating long fil.

PMSA Seketeri William Vui i tok moa olsem olgeta gem bilong namba wan raun em i no bin kamap bai i kamap long narapela wiken. Dispela em bihain long ol kik bilong namba wan raun i pinis.

Las kik bilong namba wan raun bai i kamap long wiken bilong Me 18 na 19, 1991.



### INSAIT

• Madang bai makim tim long Oktoba ..... p21

• Wewak redi long Somare Sil kik ..... p21

• Hevi skruim Bendum Kap kik ..... p21



• Kapindi autim taitel ..... p22

• Wewak soka dro ..... p23

• Ol meri Sobou go pas ..... p23



# GFC bai autim Morobe Yunaitet o?

## Kas bilong ol Sobou yet



• Mosbi/Pilaia bilong Sobou primia risev tim long Iephan i hatim skin egensim kas bilong Kurti Andra long Difens soka graun las wiken.

### LEO WAFIWA i raitim

OL gutpela primia divisen kik bilong Mosbi soka resis bai i kamap long dispela wiken.

Long Sarere 11 Me, 1991 em Sobou bai i bungim Verave, na Golo bai i traim bun wantaim Westpac. Na long Sande bai yu lukim tupela top tim, Morobe Yunaitet wantaim GFC i skelim pawa bilong tupela. Na 1990 primia tim, Yunivesiti bai i traim strong bilong Rapatona.

GFC na Yunivesiti i go pas nau long poin lata. Tupela i mas strongim win bilong tupela. Sapos tebol i tanim long tupela, bai ol tim long aninit olsem Guria na Morobe Yunaitet i kamap bungim tupela (lukim poin lata long pes 22).

Raun wan bai i pinis long narapela wiken. Olsem na planti i tingting olsem poin lata bai i senis o nogat.

GFC husat i go pas nau long poin lata i gat bikpela tingting long strongim posisen bilong em inap pinis bilong sisen. Em i bin pait strong long kisim namba wan ples long lata. Sapos em i strong, dispela bai i hatwok bilong 10-pela yia samt-ing.

GFC i mas tingting gut taim em i bungim Morobe Yunaitet. Bikos tupela wantaim i gat wankain strong.

Olsem na bai i hat liklik long makim husat bai i winim dispela kik.

Morobe Yunaitet i lusim pinis Komok Jem husat i stap nau long Lae. Tasol ol arapela nem pilaia olsem Bobby Hemboring, Dennis Hagembo, Ronnie bai i strongim Morobe Yunaitet long winim dispela gem.

Morobe Yunaitet em i wanpela tim em ol pilaia i gat gutpela disiplin. Olsem na dispela bai i helpim ol long dispela sisen.

Kik namel long Yunivesiti na Rapatona bai i wanpela gutpela kik tu. Dispela kik tu i hat liklik long makim husat bai i win.

Tasol Rapatona i mas stat long skulim gut ol pilaia bilong em, sapos em i laik winim Yunivesiti. Nogat bai ol Yunivesiti studen wantaim go pas bilong lapun Joe Turia, na kepten Noel Vari i winim dispela strongpela kik.

Rapatona i gat planti gutpela pilaia olsem straika Paschalis na Wesley Waiwai. Tasol ol i mas senisim dispela pasin bilong trik trik tumas. Ol i mas salim bal i go i kam long tupela sait bilong fil long mekim ol Yunivesiti pilaia i ran planti.

Na Guria i mas redi nau long ol nupela salens taim em i bungim Kurti Andra.

**WEWAK MEDICS BAI BUNGIM BIKPELA MEKIMSAVE STRET - P23**

### PORT MORESBY SOCCER ASSOCIATION DRAW WEEK 11 Saturday 11th May, 1991.

Time	Division	Ground	Fixture
9.00	Res	B1	Golo v Westpac
10.30	2nd	B1	Mana v Sulem
12.30	1st	B1	Maset v Tarangau
2.00	1st	B1	BFC v STC
4.00	1st	B1	Kula v Wanzesi
9.00	2nd	B2	Oruka v Losegu
10.30	Wom	B2	Amalpak v Kula
12.30	1st	B2	Milne Bay v Air Niugini
2.00	Pre	B2	Sobou v Verave
4.00	Pre	B2	Golo v Westpac
10.30	U/19	G.F.C.	B/Kumuls v GFC
12.00	U/19	G.F.C.	Defence v Verave
1.30	Wom	G.F.C.	Koupa v B/Kumuls
3.00	2nd	G.F.C.	Maniota v Amazon Bay
4.30	2nd	G.F.C.	Koron v Wanzesi
12.00	U/19	Defence	Buresong v Golo
1.30	Wom	Defence	Milne Bay v Wanzesi
3.00	Res	Defence	Sobou v Verave
4.30	Res	Defence	Amalpak v GFC

### Sunday 12th May, 1991.

Time	Division	Ground	Fixture
9.00	Res	B1	Guria v Kurti-Andra
10.30	First	B1	Bao-Mitas v Gala United
12.30	1st	B1	Bao-Mitas v Buresong
2.00	Pre	B1	Amalpak v GFC
4.00	Pre	B1	T/Defence v B/Kumuls
9.00	2nd	B2	Cloudy Bay v Mt. Obree
10.30	Wom	B2	Sobou v GFC
12.30	1st	B2	Koupa v Nali
2.00	Pre	B2	Guria v Kurti-Andra
4.00	Pre	B2	University v Rapatona
10.30	U/19	G.F.C.	Bao-Mitas v Kurti-Andra
12.00	U/19	G.F.C.	Amalpak M. U v Rapatona
1.30	Wom	G.F.C.	Guria v T. Defence
3.00	Res	G.F.C.	University v Rapatona
4.30	Res	G.F.C.	T. Defence v B/Kumuls
10.30	U/19	Defence	Sobou v Guria
12.00	U/19	Defence	University v Westpac
1.30	Wom	Defence	University v Kurti-Andra
3.00	2nd	Defence	Buresong v Tarangau
4.30	2nd	Defence	Elcom v BFC

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.

## Moku go pas long Enga

### HELLEN TARAWA i raitim

MOKU soka klab bilong Enga Soka Asosiesen i go pas nau long poin lata bilong primia divisen soka resis.

Ol junia resis bilong ol man long namba wan raun i pinis. Olsem na ol i stap nau long 'bye'. Junia tim husat i go pas long lata em Buresong wantaim 11-pela poin. Kompetisen lida long resis bilong ol meri em Yap Is. Olgeta tim long wan wan divisen husat i go pas long poin lata i gat 11-pela poin (lukim pes 22).

Namba wan sinia gem long dispela wiken bai yu lukim Elcom i bungim Enga Royals long 30 minit i lusim 3 klok apinun (3.30pm). Dispela gem bai i kamap long Sarere 11 Me, 1991 long Graun Wan.

Elcom i gat 4-pela poin tasol long lata. Enga Royals husat i bosim as bilong lata bai i pait long winim dispela gem. Olsem na dispela bai i wanpela gutpela gem bilong lukim.

Enga Royals i no bin kamapim gutpela pilai tumas long dispela sisen. Olsem na ol i mas wok strong long bungim ol arapela tim long lata. Elcom i lusim poin long lata. Bikos em i pilaim wanpela pilaia husat i no kisim tokorait bilong asosiesen long pilai. Olsem na ol i mas stretim ol yet long dispela asua pastaim.

Bikpela gem bilong Graun Tu bai i kamap namel long Tarakum na Moku. Dispela bai i wanpela strongpela gem. Bikos tupela tim wantaim i gat wankain gutpela stail bilong pilai.

Tarakum i ran namba tu ples long poin lata. Olsem na em bai i mekim olgeta samt-ing em i ken long abrusim Moku.

Tupela tim wantaim i no pilai gut long las wiken. Olsem na tupela wantaim i gat bikpela laik long rausim sem bilong las wiken.

**BENSON**  
and  
**HEDGES**





# RUGBY

Namba 13

Fonde Me 9, 1991

## NIUS

### Souths i redi long autim Brothers

#### MOSBI RIPOT

##### DOMINIC KAKAS i raitim

SOUTHS na Brothers bai i bung long bikpela A gret gem bilong Mosbi Winfield Lig long dispela Sande.

Kosa bilong Souths, Badi Dou i tok ol bai i no inap senisim stail bilong gem egensim Brothers. Ol manki bilong em bai i putim kamap wankain strong na stail em ol i bin yusim long winim ol arapela gem.

Las wiken Souths i daunim strongpela DCA tim 27-10.

Dou i tok las wik ol i bin pilai olsem tim. Dispela wik ol bai i pilai olsem gen long stapim Brothers i noken skoarim moa trai.

Em i tok, Mipela i bin pilaim wankain stail bilong pilai long 4-pela gem egensim Paga, West, Waliya na DCA. Na stended bilong pilai i goap nau.

Souths nau i stap long namba 6 ples long lata wantaim DCA. Na

Brothers, wanpela bilong ol top tim husat i bin lus egensim Tarangau long las wik i stap long namba 4 ples.

Wanem tim i pilai gutpela gem insait long ful 80 minit bai i winim wanpela top 5 posisen bihain long namba wan raun. Klostu bai namba wan raun bilong pilai i pinis long 5-pela wik samting.

Brothers i bin lusim tripela gem. Nau ol i mas pilai strong long go insait gen long gren fainal. Las yia Brothers i pilai i go insait long gren fainal. Tasol em lus long Difens.

Dou i tok dispela sisen ol pilaia bilong em bai i pait strong long i winim wanpela bilong top 5 posisen. Na neks yia ol bai pait strong moa long kisim nem insait long Mosbi Winfield Lig resis.

Las wik Souths i bin pilai klinpela gem tru egensim DCA. DCA i bin putim kamap planti bikhet pilai insait long fil, tasol ol boi bilong Sauten Hailans i no wari long dispela.

Olsem na ol i winim DCA husat i gat nem long autim strongpela Tarangau tim.

Tarangau i go pas nau long po in lata bilong Mosbi Winfield Lig.

Fulbek John Harry i bin pilaim gutpela stail bilong pilai. Na rausim olgeta bal em ol DCA pilaia i kikim i go daun long eria bilong em.

Bikpela helpim i bin kam tu long Yuwi Peter.

Dispela wiken Harry bai i kamap gen long Lloyd Robson Oval


long stapim Brothers long skoarim moa trai. Ol pawa man bilong Souths olsem Wayne Moore long hap bek posisen, na Philip Kaya long faiv eit bai i go pas long ol Souths pilaia.

Simon Kupape long senta bai i mekim sampela strongpela ran long putim trai bilong Souths. Embai kisim gutpela helpim long Windom Awa, Johnson Hebe, Steven Palisa na Limpia Sayape.

Kepten bilong Brothers, Eri Emei bai i go pas long brukin beklain bilong Souths. Tasol em i mas tokim ol bagaros bilong em long lukaut gut.

Narapela tupela pilaia, Dominic Bre na

i go moa long pes 2



• Mosbi/Dispela Paga Panthers pilala i mas strong stret. Olsem na ol soldia bilong Difens i karakum long em. Tupela tim i dro 16-16.

1991 SP INTA SITI RESIS-PES 6  
Sekim fainal Mosbi Vipers tim  
wantaim bilong ol arapela senta

# Winfield League '91

## Royals i salim kaikai

INSAIT long bikpela gem bilong Lae Winfield Lig raun 5 resis, Royals i daunim stret Magani long ai bilong ol sapota bilong em.

Nau yet Royals i stap namba wan long lata.

Tripela minit insait long dispela gem, Magani i mekim wanpela rong na John Markham (seken rowa) i holim pasim bal na putim bal aninit stret long pos. Wesley Matawa (winga) i no mekim wanpela rong long kikim konvesen i go namel long tupela pos long bringim skoa i goap 6-0.

Long dispela taim ol boi insait long blupela yunifom i pilai strong na stapim Magani long ranawe wantaim

win. Royals i putim kamap gutpela gem long putim planti trai aninit long leg bilong Magani. Bipo long hap taim Royals i skoarim 29 poin.

Magani i bekim na putim tupela penelti gol, na Alex Gawa (faiv eit) yet i putim wanpela trai long bringim skoa i goap long 8-29 stret long hap taim.

Bihain long hap taim, skipa bilong Royals, Micheal Matmilo i soim gutpela gem na i go pas long ol yangpela pilaia bilong em.

Planti helpim i bin kamap tu long sampela olupela pilaia olsem John Markham, Andrew Kuno na Oniara Osanda husat i soim gutpela pilai long fowat lain.

## Das bai i kirap long wiken

### KIUNGA RIPOT

TRIPLEA gutpela gem bai i kamap long Kiunga Lig long dispela wiken.

Namba wan gutpela gem bai i kamap namel long Ambangs na kompetisen lida Tarakum.

Lok Wepson Narion na huka Tony Yan bai i go pas long ol Ambangs pilaia. Tupela i save kamapim gutpela pilai long banisim trailain, na tu long sapatim ol pilaia i go skoarim trai.

Beklain bilong Ambangs i save kamapim gutpela pilai. Ol pilaia husat bai i lukautim beklain em Blage Wino long hep bek posisen, Eugene Eugenes long senta.

Tarakum i gat ol hevi fowat pilaia. John Hawks long lok posisen bai i go pas long ol fowat pilaia. Em bai kisim outpela sapot bilong Alisa Gasu.

Gasu i save kikim gut tu kik bilong gol. Olsem na Tarakum bai i strong long em long kisim moa ekstra poin egensim Ambangs.

Narapela gutpela gem bai i kamap namel long Souths na Brothers. I gat bikpela bilip olsem tupela tim ya bai i pilaim "open stail futbol". Dispelaem long salim bai i go i kam long tupela sait bilong fil.

Lok Dewaiya Bidula na prop Dubiliya Jack bai i go pas long fowat lain bilong Souths. Tupela bai i strongim fowat long lukautim pilai, na salim bai i go long ol beklain pilaia long brukim banis wantaim spit na skoa.

Ol fowat na beklain pilaia bilong Brothers i no pilaim gutpela pilai tumas nau. Olsem na dispela bai i givim gutpela sans long Souths long winim dispela gem.

Na narapela gutpela gem bilong wiken bai i kamap namel long United na Magani.

Tupela tim wantaim i gat wankain strong na gutpela stail bilong pilai. Olsem na bai i hat liklik long makim husat bai i winim. Tasol bikpela samting em ol sapota bai i amamas tru long lukim dispela pilai tu.

### VANIMO RAGBI LIG

#### SISEN PROPA DRAW

SANDE 12 ME, 1991.

Taim	Div.	Pilai
11.00am	Res	Van. Forest vs Hawks
12.00pm	Res	Tigers vs Defence
1.00pm	Res	Sea Eagles vs Tarakum
2.00pm	A	Hawks vs Van. Forest
2.30pm	A	Defence vs Tigers
5.00pm	A	Tarakum vs Sea Eagles

#### A GRET SKOA BILONG LAS WIKEN:

Defence def Sea Eagles 48-6  
Haws def Tigers 18-10.

• Pait i stapim pilai namel long Vanimo Forest na Tarakum.



• Mosbi Winfield Lig eksen bilong las wiken namel long Paga Panthers na Difens. Tupela I dro 16-16.

#### Souths redi long autim Brothers

i kam long pes 1


Issac Hop bai i kamapim planti hul long beklain bilong Souths. Dispela em sapos Souths i no putim was gut long tupela.

Tasol olgeta samting bai i kamap gut long Brothers sapos Aquila Emil long faiv eit posisen, na Tom Jones long senta i lukautim pilai long eria bilong tupela.

Emil i stap insait nau

Gem long dispela Sande bai i bikpela moa long ol arapela gem. Tupela tim wantaim i strong. Tasol Souths bai i winim dispela gem, olsem em i bin mekim long las wiken.

# KOLIM HAMAS MANI



Glasim gut poto na kolim hamas mani i stap long poto.

WANTOK i kirapim wanpela nupela kain resis long winim mani. Resis i go olsem: Yu mas glasim gut piksa antap ya. Traim kaunim ol mani i stap long piksa. Taim yu kaunim pinis, orait, raitim namba bilong

mani long fom ya na salim i kam long Kaunim Mani Box 1982, Boroko

Sapos i no gat man i kolim namba stret orait husat i kam klostu tru i kisim K20.

Nem:..... P O Box:.....

Taun:.....

Namba bilong Mani K.....

**WAGAMBIE'S**

WHIP



**Mipela mas yusim TV long katim pilai**

LAST wik mi stap long Brisben, Australia na lukim wanpela spot progrem bilong Jenel 9 Televisen. Insait long dispela progrem ol i tok tok long pasin bilong pait insait long spot.

Jenel 9 i mekim wanpela wok painimaut na askim sampela pipel. Ripot i tok 69 pesen bilong ol pipel ol i askim i tok ol pilaia i mas kisim asua long birua i kamap long fil. Na 31 pesen engensim dispela tingting.

Tupela wik i go pinis wanpela yangpela Brisben pilaia i bin dai, bikos long wanpela strongpela takol long fil. Pilaia husat i takol i sanap nau long kot.

Steve Rogers em olupela Cronula na Kangaroo pilaia senta pilaia. Em i mekim tokorait long pinis pilai bikos em i brukim wisket bilong em. Mark Budgen, fowat pilaia bilong Paramatta i givim dispela bagarap long em. Faivpela yia bihain Steve i kisim 70,000 Australian dola kompensesen mani.

Long Melben em wanpela ausi rul pilaia, Lee Mathews i baim 1,000 Australian dola fan. Bikos em i bagarapim het bilong wanpela pilaia. Kot i makim tu olsem long 12-pela mun em i mas pilai gut. Na noken mekim wanpela paul pilaia.

Planti ragbi pilaia i autim tingting bilong ol long dispela. Sampela i tok wanem samting i kamap long fil i noken go ausait. Steve Roach na Benny Elias i tok wanem samting i kamap long fil i no ken go ausait.

Andrew Ettinghausen i tok planti pilaia em ol profesinel pilaia. Ol i save pilai long mani long stap laip. ET nau yet i mekim planti milien dola long wanpela televisen edvetismen. Olsem na sapos em i kisim bagarap long fil, em bai i kisim kompensesen mani.

Alan Jones, kosa bilong Balmain i tok sapos wanpela pilaia i mining long bagarapim narapela pilaia long fil, dispela pilaia i mas bungim kriminal sas.

Em i tok moa olsem sapos ol edministreta bilong lig i mekim gutpela wok long stretim ol dispela kain hevi, ol pilaia husat i kisim bagaraop bai i no inap bringim dispela hevi i go long han bilong kot.

Judiseri sistem i mas toktok strong long ol pilaia husat i bringim dispela hevi i go long kot long bagarapim ol arapela pilaia. Ol tim na pilaia husat i no save pilai gut i save mekim olsem long winim gem bilong ol.

Planti taim ol pilaia husat i kisim sas na sanap long kot i save go fri. Bikos i nogat gutpela ai witnes. Olsem na ol lig long hia i mas yusim nau televisen long katim ol pilaia. Dispela bai i wanpela gutpela witnes long sekim bagarap i kamap olsem wanem long fil.

Long Ameriken futbol, wokus kompensesen i karamapim olgeta pilaia. Olsem na wanpela pilaia husat i kisim bagarap long fil bai i kisim kompensesen stret.



**Bulldogs i kamap birua nau Roosters bai skelim Brothers**

**MENDI RIPOT**

BULLDOGS Anda 17 tim bilong Mendi Winfield Lig i bin winim olgeta gem bilong taun wan long sisen propa resis.

Tim aninit long lukaut bilong kosa Barry Ropa, na kepten Wando Kiyoo bai i kamap wanpela bikipela birua nau long anda 17 resis.

Kiyoo em wanpela gutpela yangpela pilaia. Em i nogat moa save long pilai. Tasol em i gat gutpela save bilong lukautim tim olsem kepten.

Taim Kiyoo i lukautim tim i go insait long fil, yu ken makim tasol olsem olgeta samting bai i stret. Kiyoo i save pilai long luk posisen. Olgeta taim em i go insait long skram, em i mas save olsem bal i mas kam aninit long lek bilong em.

Nau yet tim i winim olgeta gem bilong raun. Tim i redi nau long winim olgeta gem bilong raun tu na tri, na winim primiasip.

Tarangau em narapela tim husat i kamapim strongpela salens long anda 17 resis. Em bai i wanpela bikipela birua bilong Bulldogs.

Tarangau i gat bikipela bilip long go insait long fainal wantaim go pas bilong fulbek Posu Manua.

Yangpela Manua i save putim was long ol longpela kik em birua i kikim i kam long em. Na tu long joinim pawa wantaim ol beklain pilaia. Na long kikim ol longpela kik i go daun long fil, na rausim strongpela salens bilong birua.

Hawks em wanpela yangpela tim stret. Bikos em i gat planti yangpela pilaia tru. Tasol ol yangpela pilaia ya i gat moa stail bilong pilai.

Hawks i gat ol pilaia olsem ausait senta, Issac Joseph, hap bek Titus lame na namba tu rowa, Aiyo Tobeso. Ol bai i strongim tim

long winim planti moa gem long raun tu na tri wantaim.

Royals anda 17 em wanpela tim husat i nogat oi nem pilaia long anda 17 resis. Tasol ol i gat bikipela laik long go insait long fainal. Dispela i kamap klia long pilai bilong ol.

Toktok long gren fainal, dispela i no nupela samting long ol. las yia ol i go insait long gren fainal, na i lus long Tarangau. Dispela yia em nupela yia. Olsem na ol bai redi long paia long raun namba tu.

Brothers na Magani anda 17 tim i mas stretim nau asua.



• Mosbi/Senta bilong Paga, Daroa Ben Moide i laik abrusim taskol bilong Difens pilaia long beklain las wiken. Tupela tim i dro 16-16.

**Morobe Lig bai i yusim Omili oval inap . . .**

**MOROBE KANTRI RIPOT**

MOROBE Kantri Lig bai i pilai namba 6 gem bilong namba wan raun long dispela wiken.

Nau yet Lae Siti Intarim Atoriti i qivim yesa

pinis long Morobe Lig i yusim Omili Oval.

Aninit long dispela yesa, Morobe Lig bai i yusim dispela pilai graun inap em i painim

nupela.

Lig presiden, Kuma Manova i tok Morobe Kantri Lig i kamap nau tasol. Tasol planti praivet kampani i sapotim em long mani.

Las wik BHP Lysagth kampani i sponsarim ARC Titan

West klab bilong Morobe Kantri Lig wantaim ful yunifom bilong pilai.

"Dispela i soim olsem ol bisnis na pipel long komyuniti i ken helpim ol yut long wanem samting ol laik mekim olsem pilai. Mi laik


kisim maus bilong Morobe Kantri Lig na tekim olgeta kampani husat i sapotim Morobe Kantri Lig, na wan wan klab long sponsa." Manova i tok.

Tasol ol dispela gutpela senis i no inap stapim ol hevi long kamap. Hevi bilong mani ripot i stap yet wantaim ol olupela eksekutiv. Manova i askim pinis ol olupela eksekutiv long bringim aut ol dispela ripot.

Manova i makim olsem dispela wik long Fonde 7 Me, 1991 ol olupela eksekutiv aninit long lukaut bilong presiden Roy Mirenkge i mas bringim olgeta mani ripot, na tokaut long kibung.

Narapela bikipela hevi i bin kamap long las wiken. Wanpela junia pilai i bin dai. Ripot i tok dispela pilaia i no kisim yesa bilong wanpela dokta long pilai.

Olsem na Manova bai putim strongpela lo long olgeta klap long bihainim. Em i askim nau olgeta klab long sekim gut ol pilaia.



• Mosbi/Winga bilong Paga Panthers, Arua Ben i sambai sapos ol Difens pilaia i lusim dispela bal bai em i ken kisim, na spit i go skoa. Tasol tupela i dro 16-16. Poto Ivan Bayagau.

# Winfield League Results

## WINFIELD LEAGUE RESULTS

### PORT MORESBY - ROUND 10

DEFENCE 16, 3 tries, 2 goals drew PAGA 16, 4 tries. Man of the match: JOHANES KOLA (Defence)

TARANGAU 34, 7 tries, 3 goals defeated BROTHERS 16, 3 tries, 2 goals. Man of the match: JAMES NAIPAU (Tarangau)

SOUTHS 27, 4 tries, 2 goals, 2 penalty goals, 1 field goal defeated DCA 10, 2 tries, 1 goal. Man of the match: JOHN HARRY (Souths)

WALIYA 16, 3 tries, 1 goal, 1 penalty goal defeated HAWKS 14, 3 tries, 1 penalty goal. Man of the match: VICENT KARI (Waliya)

WESTS 26, 5 tries, 2 goals, 1 penalty goal defeated ANG 24, 4 tries, 3 goals, 1 penalty goal. Man of the match: TUKSY KARO (West)

### WINFIELD LEAGUE LADDER Round 10

CLUB	GP	W	D	L	PF	PA	Total points
Tarangau	10	8	-	2	324	189	16
West	10	8	-	2	344	248	15
Kone	8	6	-	2	207	160	12
Brothers	9	6	-	3	200	183	12
Souths	10	5	1	4	191	210	11
ANG	8	5	-	3	227	160	10
DCA	8	4	1	3	188	168	9
Paga	10	4	1	5	245	284	9
Defence	8	2	2	4	208	188	6
Waliya	10	3	-	7	202	278	6
Hawks	9	2	-	7	178	256	4
Royals	8	2	-	6	162	246	4
Magani	8	0	1	7	164	270	1

### WINFIELD LEAGUE DRAW PORT MORESBY - ROUND 11

DATE	TIME	CLUB	CLUB
11.5.91	3:30 pm	Royals	vs DCA
12.5.91	9:30 am	Magani	vs Hawks
12.5.91	11:00 am	Waliya	vs ANG
12.5.91	12:30 pm	West	vs Defence
12.5.91	2:00 pm	Tarangau	vs Kone

BYE: Paga

Match of the round:

12.5.91	3:30 pm	Souths	vs	Brothers
---------	---------	--------	----	----------

## WINFIELD LEAGUE RESULTS

### KUNDIAWA - ROUND 5

BROTHERS 10 defeated TARANGAU 2, 1 penalty goal. Man of the match: JOHN UNAGI (Brothers)

PANTHERS 10, 2 tries, 1 goal defeated HAWKS 4, 1 try. Man of the match: SIKAI KAUA (Panthers)

UNITED 10, 2 tries, 1 goal defeated TIGERS 2, 1 penalty goal. Man of the match: BRUS MONDO (United)

### WINFIELD LEAGUE LADDER Round 5

CLUB	GP	W	D	L	PF	PA	Total points
Panthers	5	3	1	1	36	40	7
United	5	3	-	2	42	34	6
Souths	4	2	1	1	50	50	5
Brothers	4	2	1	1	40	32	5
Hawks	4	2	1	1	38	32	5
Tigers	4	1	1	2	38	48	3
Tarangau	5	1	1	3	24	32	3

## WINFIELD LEAGUE DRAW KUNDIAWA - ROUND 6

DATE	TIME	CLUB	CLUB
12.5.91	12:30 pm	Brother	vs Hawks
12.5.91	2:15 pm	Tarangau	vs Tigers
12.5.91	4:00pm	Panthers	vs Souths

Match of the round: Panthers vs Souths

## WINFIELD LEAGUE RESULTS

### GOROKA - ROUND 5

BENA VISTA TIGERS 20, 4 tries, 2 goals defeated GCP DARNO nil. Man of the match: KEN KEMUTEFA (B. V. Tigers)

LAE BISCUIT HAWKS 32, 6 tries, 3 goals, 1 penalty goal defeated SIMKOR UNITED 22, 5 tries, 1 goal. Man of the match: ROBERT KUSO (L.B. Hawks)

CIL TARANGAU 20, 4 tries, 1 goal, 1 penalty goal defeated URITOKA COUNTRY 20, 4 tries, 2 goals. Man of the match: COMAE LOVAWE (CIL Tarangau)

ANGCO BROTHERS 24, 5 tries, 2 goals defeated TWISTIES SIANE 12, 2 tries, 2 goals. Man of the match: ISODORE TOLU (Angco Brothers)

### WINFIELD LEAGUE LADDER Round 5

CLUB	GP	W	D	L	PF	PA	Ttl points
B. V. Tigers	4	4	-	-	118	63	8
Royals	4	3	-	1	112	92	6
CIL Tarangau	5	3	-	2	112	83	6
Urutoka Country	5	2	-	3	132	103	4
L. B. Hawks	4	2	-	2	113	106	4
Simkor United	5	2	-	3	99	122	4
Angco Brothers	4	2	-	2	85	92	4
Twisties Siane	5	-	1	4	54	122	1
GCP Darro	4	-	1	3	48	88	1

## WINFIELD LEAGUE DRAW GOROKA - ROUND 6

DATE	TIME	CLUB	CLUB
12.05.91	11:45 am	Royals	vs L. B. Hawks
12.05.91	12:55 pm	Angco Brothers	vs A/S United
12.05.91	14:10 pm	Twisties Siane	vs B.V. Tigers
12.05.91	15:25 pm	GCP Darro	vs U/Country

Match of the round: Royals versus L. B. Hawks

## WINFIELD LEAGUE RESULTS

### MT. HAGEN - ROUND 5

NEWTOWN 6, 1 try, 1 penalty goal drew BROTHERS 6, 1 try, 1 penalty goal. Man of the match: MARKUS PANGA (Newtown)

HAWKS 8, 1 try, 1 goal, 1 penalty goal defeated TARANGAU 6, 1 try, 1 goal. Man of the match: JOHN YANING (Hawks)

ROYALS 18, 3 tries, 2 goals, 1 penalty goal defeated COUNTRY 16, 3 tries, 1 goal, 1 penalty goal. Man of the match: STEVEN TAU (Royals)

### WINFIELD LEAGUE LADDER Round 5

CLUB	GP	W	D	L	PF	PA	Total pts
Tarangau	5	4	-	1	88	66	8
Tigers	4	3	-	1	132	56	6
Hawks	4	3	-	1	70	62	6
Newtown	4	2	1	1	44	42	5
Brothers	4	1	1	2	50	92	3
Royals	4	1	-	3	70	94	2
Country	4	-	-	4	86	128	nil

## WINFIELD LEAGUE DRAW MT. HAGEN - ROUND 5

DATE	TIME	CLUB	CLUB
12.5.91	12:30 pm	Newtown	vs Hawks
12.5.91	2:15 pm	Brothers	vs Royals
12.5.91	4:00 pm	Tarangau	vs Tigers

BYE: Country

Match of the round:

12.5.91	4:00 pm	Tarangau	vs	Tigers
---------	---------	----------	----	--------

## WINFIELD LEAGUE RESULTS

### KAINANTU - ROUND 5

BROTHERS 9, 2 tries defeated MAGANI 6, 1 try, 1 penalty goal. Man of the match: RICKY ARAO (Brothers)

TARANGAU 14, 2 tries, 2 goals, 1 penalty goal defeated UNITED 8, 1 try, 1 penalty goal. Man of the match: BERRY MAIP (Tarangau)

ROYALS 14, 3 tries, 1 goal defeated TIGERS 12, 3 tries. Man of the match: LOFY AMAU (Royals)

PANTHERS 18, 3 tries, 2 goals, 1 penalty goal defeated HAWKS 10, 2 tries, 2 goals. Man of the match: MOGIA WEMIN (Panthers)

### WINFIELD LEAGUE LADDER Round 4

CLUB	GP	W	D	L	PF	PA	Total points
Panthers	5	4	-	1	73	42	9
Tarangau	5	3	-	2	90	64	6
Royals	5	3	-	2	58	55	6
Brothers	5	3	-	2	29	14	6
Magani	5	2	-	3	50	62	4
Hawks	5	2	-	3	30	48	4
United	5	1	1	3	46	52	3
Tigers	5	1	-	4	34	84	2

## WINFIELD LEAGUE DRAW KAINANTU - ROUND 6

DATE	TIME	CLUB	CLUB
12.05.91	12:30	Tigers	vs Hawks
12.05.91		Magani	vs United
12.05.91		Brothers	vs Tarangau
12.05.91		Panthers	vs Royals

Match of the round:

12.05.91		Panthers	vs	Royals
----------	--	----------	----	--------

## WINFIELD LEAGUE RESULTS

### MADANG - ROUND 5

TIGERS 26, 5 tries, 3 goals defeated HAWKS 10, 2 tries, 1 penalty goal. Man of the match: TIMOTHY KEROWA (Tigers)

AIR NIUGINI 23, 4 tries, 3 goals defeated PANTHERS 12, 2 tries, 1 goal, 1 penalty goal. Man of the match: FABIAN KOARE (Air Niugini)

TARAKUM 28, 5 tries, 3 goals, 1 penalty goal defeated BROTHERS 24, 5 tries, 2 goals. Man of the match: EDWARD BAI (Tarakum)

### WINFIELD LEAGUE LADDER ROUND 5

CLUB	GP	W	D	L	PF	PA	Total points
Panthers	5	4	-	1	125	56	8
Tigers	5	4	-	1	115	62	8
Air Niugini	5	3	1	1	109	74	7
Tarakum	5	2	-	3	75	122	4
Hawks	5	1	-	4	85	126	2
Brothers	5	-	1	4	82	157	1

## WINFIELD LEAGUE DRAW MADANG - ROUND 6

DATE	TIME	CLUB	CLUB
11.5.91	4:00 pm	Air Niugini	vs Tarakum
12.5.91	2:30 pm	Tigers	vs Panthers
12.5.91	4:00 pm	Brothers	vs Hawks

Match of the round:

12.5.91	4:00 pm	Brothers	vs	Hawks
---------	---------	----------	----	-------

## WINFIELD LEAGUE RESULTS

### RABAU - ROUND 5

NGIP MURUKS 34, 7 tries, 3 goals defeated CRUSADERS 22, 4 tries, 3 goals. Man of the match: MARTIN TINGIRIN

AIR NIUGINI 22, 4 tries, 3 goals defeated BROTHERS 17, 4 tries. Man of the match: BENJAMIN MINIEL

BALANATAMAN 21, 4 tries, 1 goal, 1 penalty goal, 1 field goal defeated TARANGAU 12, 2 tries, 2 goals. Man of the match: GRAHAM LAPANKI

NORTH RAIDERS 27, 5 tries, 2 goals, 1 penalty goal, 1 field goal defeated SEA EAGLES 8, 1 try, 2 penalty goals. Man of the match: LANGA WILLY

### WINFIELD LEAGUE LADDER ROUND 4

CLUB	GP	W	D	L	PF	PA	Total points
Norths	5	5	-	-	169	38	10
Air Niugini	5	4	1	-	231	77	9

Muruks	4	2	1	1	128	92	5
Sea Eagles	5	2	-	3	120	118	4
Balanataman	5	2	-	3	92	140	4
Brothers	4	2	-	2	81	76	4
Tarangau	5	2	-	3	76	151	4
Crusaders	5	-	-	5	76	181	nil

## WINFIELD LEAGUE DRAW RABAU - ROUND 6

DATE	TIME	CLUB	CLUB
11.5.91	2:15 pm	North Raiders	vs Tarangau
11.5.91	3:45 pm	Balanataman	vs Air Niugini
12.5.91	2:15 pm	Brothers	vs Crusaders
12.5.91	3:45 pm	NGIP Bro.	vs Sea Eagles

Match of the round:

12.5.91	3:45 pm	NGIP Muruks	vs	Sea Eagles
---------	---------	-------------	----	------------

## WINFIELD LEAGUE RESULTS

### LAE - ROUND 5

BROTHERS 16, 3 tries, 2 goals defeated DEFENCE 6, 1 try, 1 goal. Man of the match: YELE PAT (Brothers)

PANTHERS forfeited.

TARANGAU 26, 4 tries, 4 goals, 2 field goals defeated SPIDERS 20, 4 tries, 2 goals. Man of the match: PATRICK KIAP (Tarangau)

ROYALS 63, 12 tries, 7 goals, 1 field goal drew MAGANI 12, 11 tries, 1 goal, 1 penalty goal. Man of the match: JOHN MARKHAM (Royals)

### WINFIELD LEAGUE LADDER ROUND 5

CLUB	GP	W	D	L	PF	PA	Total points
Royals	5	5	-	-	150	82	10
Tarangau	5	3	-	2	123	79	6
Brothers	5	3	-	2	112	118	6
Defence	5	3	-	2	74	61	6
Tigers	4	2	-	3	77	91	5
Spiders	5	2	-	3	127	118	4
Magani	5	1	-	4	72	167	2
Panthers	4	1	-	3	52	71	2

### WINFIELD LEAGUE LADDER ROUND 5

DATE	TIME	CLUB	CLUB
11.5.91	11:20 am	Panthers	vs Brothers
11.5.91	2:20 pm	Defence	vs Tigers
12.5.91	11:20 am	Spiders	vs Magani

## WINFIELD LEAGUE DRAW LAE - ROUND 6

Match of the round:

12.5.91	2:20 pm	Royals	vs	Tarangau
---------	---------	--------	----	----------

## WINFIELD LEAGUE RESULTS

### MENDI - ROUND 5

TARANGAU 20, 4 tries, 2 goals defeated BROTHERS 18, 4 tries, 1 goal. Man of the match: WARE SANGISO (Tarangau)

ROYALS 36, 9 tries, 2 goals, 1 penalty goal defeated MAGANI 10, 2 tries, 1 goal. Man of the match: JOHNSON MAPI (Royals)

BULLDOGS 18, 3 tries, 2 goals, 1 penalty goal defeated HAWKS 14, 3 tries, 1 goal. Man of the match: BRUCE PAKI (Bulldogs)

### WINFIELD LEAGUE LADDER Round 5

CLUB	GP	W	D	L	PF	PA	Total points
Tarangau	5	4	-	1	64	58	8
Bulldogs	5	4					

# Tarangau i laik winim Royals

## MOXIE YORE i raitim

TARANGAU bai i bungim Royals long wanpela gutpela A gret gem bilong Mendi Winfield Lig long dispela wiken.

Tarangau i gat bikpela laik long winim dispela gem. Bikos em i laik stap antap yet long poin lata wantaim Glen Eldon Bulldogs.

Tupela tim wantaim i win long las wiken. Tarangau i winim Brothers 20-8. Na Royals i bagarapim stret sindaun bilong Maganai 40-10.

Brothers na Magani i no givim strongpela salens. Olsem na Tarangau wantaim Magani i winim gem bilong tupela isi tru.

Kosa bilong Tarangau, Wesley Pape bai i laik mekim ol dispela tok-tok i no inap karim kaikai. Olsem na em bai i yusim ol fowat pilaia bilong em.

Pape i tokim RLN olsem em i gat ol fowat pilaia husat i no bikpela tumas, na i gat moa hevi. Tasol em i gat bikpela bilip long ol fowat pilaia long winim Royals.

Pape i tok dispela stail bilong pilai i karim kaikai pinis egensim Brothers long las wiken. Dispela em long strongim pilai long fowat. Na bihain skruim i go long ol beklain pilaia

husat i gat moa spit long ran brukim banis na skoa.

Tasol Pape i noken daunim tumas pawa bilong Royals. Royals bai i yusim gut tru wanpela namba wan pilaia bilong em, Johnson Mapi. Las wik Mapi i kamapim gutpela pilai, na kisim "Man-of-the-match" prais.

Mapi bai go pas long fowat lain. Em bai i kisim sapot long ol arapela fowat pilaia olsem Kevin Kapipi, Steven Sosi, Jacob Temo na Alex Apaso.

Ol bai i egensim ol fowwat pilaia bilong Tarangau olsem Wesley Pape, Joshua Bosko, Paul Tomba na Allan.

Long beklain em ol Tarangau pilaia olsem Wari Segeso, Francis Undipia, Francis Urum na Jimmy Peter bai i gat moa stail egensim Royals.

Beklain bilong Royals bai i gat ol pilaia olsem James Embia, Gabriel Pima, Ben McKay na Baffy.

Narapela gutpela A gret gem bilong Sarere bai i kamap namel long Magani na Hawks. Dispela bai i wanpela strongpela gem. Tasol i gat bikpela bilip olsem Hawks bai i win.

Hawks em wanpela nem tim bilong bipo. Em i gat ol gutpela pilaia. Planti ol gutpela pilaia i stap yet wantaim klub. Tasol ol i no bungim wantaim stail bilong winim gem yet.



• Goroka/Tupela Brothers pilaia i holim pasim strong trangu pilaia bilong Tarangau las wiken. Long kain takol olsem na Brothers i winim dispela strongpela gem 29-22. Poto Sape Metta.

# Vipers tim kam aut wantaim senis

MOSBI Winfield Lig i makim pinis fainal tim bilong 1991 SP Inta Siti resis.

Tasol bagarap tasol i mekim na sampela gutpela pilaia i no stap insait long tim. Wanpela bilong ol dispela pilaia em Aquila Emil.

Emil em i wanpela namba wan faiv eit pilaia insait long Mosbi, na ating long kantri tu wantaim. Nau yet em i save pilai wantaim Twisties Brothers A gret tim.

Emil i no bin pilai long tripela wik samting nau, bikos long wanpela bagarap em i kisim bodi bilong em. Ol selekta i ting olsem dispela bagarap bai i pinis hariap olsem na ol i makim em long Mosbi Vipers tim.

Tasol long fainal tim lis em i bin kam aut long dispela wik, nem bilong dispela boi Nu Ailan i no stap. Planti sapota wantaim opisal bai i kalap nogut long dispela.

Kisim ples bilong Emil em yangpela Tuksy Karu bilong ples Karama, Galp provins. Yangpela Karu husat i gat 22 krismas i save pilai long faiv eit posisen bilong West.

Tuksy i pilaim ragbi long tripela sisen nau. Tasol gutpela stail pilai na kik bilong em i holim pasim ai bilong ol selekta. Olsem na ol i kisim em long senisim Aquila.

Em bai i poromanim nau Kumul hap bek na faiv eit pilaia, Stanley Haru bilong Kone Tigers tim. Na tu em bai i poromanim yangpela Sauna Babago, narapela risev hap bek.

Ol pilaia husat i gat nem long Kumul insait long dispela fainal 17 pilaia tim em Philip Boge (senta), Joe Gispe (fowat), Stanley Haru (hep bak na faiv eit), Mafu Kerekere (senta na wing), Kes Paglipari, Isacc Rop.

# Brothers i redi long bekim dinau

## MENDI RIPOT

BROTHERS i redi pinis long autim Glen Eldon Bulldogs long A gret gem bilong Mendi Winfield Lig long dispela wiken. Tupela bai i bung long namba wan gem bilong namba tu raun long dispela Sande.

Tupela i bin bung long namba wan sisen propa gem, na i pilaim gupelastail bilong pilai. Tupela i pilaim gutpela stail bilong pilai tru em planti ragbi sapota long Mendi i no save lukim long bipo.

Dispela taim Bulldogs i autim Brothers 12-6 long Tente oval. Brothers bai i lukluk long bekim dispela dinau long wiken.

I gat bikpela bilip olsem planti sapota bai i amamas long lukim dispela gem. Bikos tupela wantaim bai i kamapim kain stail bilong salim bai i go aut hariap long wanpela sait i go long narapela sait.

Bulldogs i gat laik long winim tu dispela gem. Bikos em i laik strongim namba wan posisen bilong em long poin lata. Tasol Brothers i no laikim dispela. Bikos em tu i laik goap moa

i go antap long lata.

Kepten bilong Bulldogs, Bruch Paki i bin pilaim gutpela gem egensim Hawks las wiken, na ol i win. Em bai i pilaim wankain pilai gen.

Philippus Kimala na Terry Pima bai i sapotim Paki long fowat lain. Na faiv eit pilaia, Moxie Yoye na senta Joe Rema bai i lukautim beklain.

Long narapela sait em Brothers i gat planti pilaia husat i gat bikpela sans long makim Hailans son tim, na Mendi Muruks tim long 1991 SP Inta Siti resis.

Ol dispela pilaia em John Togala, Robin Tageria, na Moses Kiru. Ol bai i lukautim fowat lain. Na Peter Nane bai i lukautim beklain.

Nane bai kisim gutpela helpim long Paul Ako, JB Kapipi na Nick Sambu.

Bulldogs bai i mekim sampela senis liklik long tim bilong em. Dispela i stap tasol long trening bilong ol pilaia long dispela wik. Na Brothers bai i makim tim we i no wankain olsem las wiken.

## KUNDIAWA WARRIORS

1. Joe
2. Peter
3. Noah
4. Bal
5. John
6. Bakarias
7. Willy
8. John
9. John
10. Mol
11. Maima
12. Robert
13. Charles
14. Lucas
15. Timb

- Noporo
- Dee
- Kool
- Numapo
- Kawage
- Topol
- Voluk
- Unage
- Wamil
- Appa
- Kawage
- Sikepal
- Buambo
- Kee
- Kundun

**Coach:** Kris Emery  
**Training:** Robert Kubak  
**Manager:** Kunze Kara Paul Mason

## MT HAGEN EAGLES

1. Joe
2. Chris
3. Gabriel
4. Elias
5. Willy
6. Billy
7. John
8. Joe
9. Mare
10. David
11. Joseph
12. Giant
13. Michael
14. Max
15. Gigmai
16. Robin
17. Petrus
18. Peter
19. Lucas
20. Ted

- Tulip
- Itam
- Pepna
- Kamiak
- Wadau
- Woi Jnr
- Passangan
- Tep
- Ipai
- Gomia
- Paraka
- Tore
- Angra
- Tiri
- Ongugo
- Otrie
- Kerua
- Mel
- Esina
- Vere

**Coach:** Joe Tokam  
**Trainer:** Simon Moi  
**Manager:** Orlin Tapa

## PORT MORESBY

### VIPERS TEAM

1. John
2. Kini
3. Mafu
4. Philip
5. Joshua
6. Richard
7. Tuksy
8. Stanley
9. Sauna
10. Joe
11. Eri
12. Kes
13. Isacc
14. Johannes
15. Danny
16. Kera
17. Weka

- Oeka
- Tani
- Kerekere
- Boge
- Kouro
- Wagambie
- Karu
- Haru
- Babago
- Gispe
- Emei
- Paglipari
- Rop
- Kola
- Moi
- Ngaffin
- Lae

**Coach:** Sam Kala  
**Trainer:** Jomuga Stane  
**Manager:** Peter Bavuago



• Goroka/Tupela United pilaia i givim sisti i go daun long teritori bilong Darno las wiken. United i winim dispela gem 24-10. Poto Sape Metta.



• Ol Paga Panthers pilaia i karakum stret long papa bilong Difens, Roy Loitive las wiken. Ol Panthers i strong long las minit na dro 16-16 wantaim trai bilong winga Arua Ben Moide. Poto Ivan Bayagau.

## Panthers i daunim Hawks

### KUNDIAWA RIPOT

JONH TANGILA i raitim

PANTHERS i daunim strongpela salens bilong Hawks na i win 14-10 long Kundiawa Winfield Lig las wiken. Dispela pilai i bin kamap long Dixon Oval.

Tupela wik i go pinis Hawks i bin lus long Souths long liklik skoa tasol. Las wiken ol pilai bilong em i pilai gut tru. Na i soim olsem ol i laik winim Panthers. Tasol hatwok bilong ol i lus nating.

Kepten Charles Guambo wantaim sapot bilong ol arapela pilaia olsem Nime Gundin, huka Mamae Ongugo, lok Elias Guambo, na tupela senta pilaia, Philip Bomai na Koe Kaima i pilai gut tru. Na pretim stret Panthers klostu long taim pilai i laik pinis.

Olpela hailans son faiv eit pilaia, Sakarius Topol i go pas long ol Panthers pilaia. Na strongim bilip bilong ol arapela junia Panthers pilaia long winim dispela gem.

Planti taim ol Panthers pilaia i bungim strongpela salens stret. Tasol ol gutpela pilaia olsem Willy Chan, John Kawage, Dominic Nime, Francis Gul, Tepol na Nigints i go pas long sanapim strongpela banis. Na helpim Panthers long winim dispela gem.

Long narapela gutpela gem em Brothers i autim tiket bilong 1990 primia, Mobil Tarangau 10-0.

Markis na Godfrey Anton wantaim John Wamil, Fagamo Sogam na John Unage i go pas long fowat lan bilong Brothers. Long beklain em Kumul kepten Bai Numapo wantaim Johnny UK i lukautim, na daunim strongpela banis bilong Tarangau long skoa.

Ausait senta Johnny UK i bin kamapim gutpela stail bilong pilai. Em i save ran olsem smok balus stret. Wanpela trai em i bin spit long 50 mita samting na putim.

Numapo i strongim yet stail bilong em bihain long em i skoarim namba wan trai bilong gem.

Long narapela gem em United i winim Tigers 19-4.

# Tarangau em tim bilong winim long 1991 sisen

### MOSBI RIPOT

LEO WAFIWA i raitim

LUKLUK long ol gem bilong Mosbi Winfield Lig, wanpela strongpela A gret tim long winim em fairstar Tarangau.

Tarangau aninit long lukaut bilong wanpela nem PNG kosa, John Wagambie i kamap strong nau long resis. Wantaim go pas bilong narapela Wagambie brata olsem kepten, Richard, Tarangau i kamapim gutpela pilai i kam inap nau.

Richard husat i save lukautim pilai long senta (namba 4) i strongim tim i kam, na i winim pinis sampela arapela nem tim olsem

primia bilong las yia, Difens wantaim West na Brothers long las wiken.

Nau yet Tarangau i go pas long poin lata wantaim 16 poin. West i ran bihain wantaim 16 poin tu.

West i laki long winim strongpela Air Niugini tim long las minit trai bilong Mosbi Vipers faiv eit pilaia, Tuksy Karu na Danny Moi. Olsem na em i strongim win na posisen bilong em.

Bikpela tingting bilong kosa Wagambie wantaim ol klab eksekutiv, pilaia na sapota em long winim 1991 Mosbi

Winfield Lig primiasip taitel.

Lukluk long nau yet, dispela driman i ken kamap tru sapos Tarangau i strong gutpela kain tim pilai bilong em.

Tupela i go pinis Tarangau i bin lus long strongpela DCA tim. Dispela gem em Tarangau inap long winim long liklik skoa. Tasol as bilong dispela em tim i no bin pilai aninit long kosa Wangambie long 4-pela wik samting.

Wagambie i bin stap long Australia long sampela bisnis wok. Olsem na ol asua bilong olgeta gem i go pinis i bung wantaim, na bagarapim tru dispela gem. Narapela samting tu planti pilaia i bin sik o bagarap long bodi.

Tasol dispela i bin wanpela gutpela win bilong DCA.

Nau yet Tarangau i gat ol gutpela pilaia long fowat na beklain wantaim. Long fowat

em Terry Longbut na Ben Bire i save lukautim. Long beklain em Richard i save lukautim wantaim wok bung bilong faiv eit pilaia Elias Paiyo.

West em wanpela tim husat i gat namba wan beklain insait long Mosbi Winfield Lig resis. Tasol Tarangau i banisim gut tru beklain bilong West na skoarim

tripela trai long beklain, we West i skoarim wanpela tasol long winga bilong em Michael Toivita.

Brothers em wanpela gutpela strongpela tim,



• Mosbi/Senta bilong Tarangau, Richard Wagambie (raithan) i brukim banis bilong Brothers na helpim Tarangau long skoarim namba wan trai bilong gem. Tarangau i winim dispela gem 34-16.

## BATTERY SPECIALS !!

### EVEREADY BATTERIES !!



Contact: WINA LEGI now !!

EVEREADY  
SILVER D 950  
K51.31  
2BB A CARTON



BLACK D  
ONLY K49.68  
CARTON 72 TWIN PACKS



RED D  
ONLY K43.20  
CARTON 72 TWIN PACKS



NIUGINI WHOLESALE DRUG COMPANY PTY LTD.  
PHONE: 42 4133/42 4474 FAX: 42 4230. PO BOX 349 LAE.

# Tigers na Tarangau bai kirapim Rabihamul das

## HAGEN RIPOT

WAMP NGA Tigers bai bungim Tarangau long bikpela A gret gem bilong Hagen Winfield

Lig long dispela wiken. Tupela bai i bung long Rabihamul Ragbi Lig oval.

Tarangau i bin lusim wanpela gem bilong em egensim Hevi Lift Hawks 8-6 long las wik

Sande.

Dispela win i kamap bikos Tarangau i pilaim gutpela gem. Referi i bin rausim planti gutpela pilai wantaim Kumul hapbek, Gigmai Ongugo.

Bikpela spes i bin kamap na Hawks i putim wanpela trai long winim dispela gem.

Las wik Tigers i bin stap malolo. Dispela wiken em bai i pilaim strongpela gem egen-

sim Tarangau. Tigers i bin lusim wanpela gem egensim Hawks long tupela wik i go pinis.

Dispela wiken Tigers i mas putim moa stail na strong, sapos em i laik winim wanpela bilong top 5 posisen. Dispela em long go insait long fainal bilong dispela sisen.

Joseph Paraka bai i go pas long fowat lain. Em bai kisim helpim bilong ol arapela pilaia olsem Micheal Angra, Petrus Kerua na Gabriel Kilsh.

Paraka na Kerua i gat nem long brukim beklain na resis strong olsem smok balus insaiy long resis bilong Hagen Winfield Lig. Tupela bai i kisim planti helpim long ol beklain pilaia olsem Gabriel Pepna na Repi Kewa. Pepna na Kewa i stap insait nau long Hagen skwat long pilai insait long 1991 SP Inta Siti Kap resis.

Tarangau i gat gutpela nem. Bikos ol pilaia bilong em i save pilaim gutpela stail bilong pilai. Olsem na

ol i winim planti gem pinis.

Las wik planti deti pilai i kamap egensim Hawks. Olsem na Tarangau i lusim dispela gem. Tasol em i go pas yet long poin lata.

Long gem bilong las wiken, planti opsait i bin kamap klostu long trai lain. Olsem na Hawks i kisim planti penelti gol na winim dispela gem.

Alex Erimas long faiv eit posisen i bin kisim bagarap tu. Tasol em i orait pinis long bungim Hawks long dispela wiken.

Erimas bai kisim sapot long Gigmai na Fifi Seneka. Gigmai na Seneka i bin pialim gutpela pilai long las wiken.

Tigers na Tarangau wantaim i save pilaim strongpela gem. Tasol husat i pilaim gutpela gem moa long nara-pela bai winim gem

bilong dispela wiken.


Long pri sisen resis, Tarangau i winim Tigers 14-6. Ating Tigers i gat bikpela laik long bekim dispela dinau. Olsem na fil bai i paia stret taim tupela i bung.

Long ol arapela A gret gem em Royals bai iwinim Brothers. Las wiken Royals i bin pilaim strongpela gem egensim Kantri, na i win 18-16.

Brothers bai i lukluk long sapot bilong olpela nem Kumul pilai, Joe Tep long winim dispela gem. Gutpela helpim bai i kam tu long ol arapela pilaia olsem Elias Kamiak na Goie Waine.

Long Sarere Hawks bai i stretim hevi bilong ol wantaim Lae Biscuit Jets. Jets bai i lukluk long Kumul pilaia, Max Tiri na Chris Itam long winim gem.

Dispela bai i wanpela gutpela gem bilong ol sapota long lukim.



• Mosbi/Difens hap bek, Lucas Agi i laik takolim Paga Panthers pilaia long las wiken. Tupela tim i pait strong na i dro 16-16. Ren tu i bin pundaun na mekim Lloyd Robson oval i wet liklik. Poto Ivan Bayagau.



• Mosbi/Tarangau pilaia long raithan i sambai gut long takolim Brothers pilaia las wiken. Tarangau i soim olsem em i gat moa pawa na winim dispela gem 34-16. Poto Ivan Bayagau.

## Wewak gat liklik sans long son resis

### SAM YAKAM i raltim

WEWAK Lig bai i statim namba wan gem bilong namba tu raun long dispela wiken.

Wewak Lig i nogat pilai long tupela yia olgeta. Bikpela as bilong dispela em long hevi bilong pilaia resistresen fi. Na fil bilong pilai i no gutpela tumas.

Planti pilaia i no save baim resistresen fi.

Nau yet dispela hevi i pinis. Tasol ol lig opisal i wok long painim wanpela kampani husat i ken sponsarim tim taim em i go pilai ausait.

Mande i bin askim pinis ARC Titan kampani long Lae long sponsasip. Tasol kampani ya i no givim wanpela bekim yet.

Mande i tok Wewak Lig bai amamas sapos wanpela kampani i sapotim ol pilaia bilong Wewak long yunifom na mani long Noten Son sempionsip.

Bikpela samting em Wewak bai i no

inap salim tim long Noten son sempionsip sapos wanpela kampani i no helpim.

Dispela em i wanpela hevi tasol na sapos ol i harim toktok orait long wanpela kampani bai i nogat wanpela hevi moa long bihain taim, Mande i tok.

Narapela hevi tu em ol opisal i no wok gut wantaim ol klap memba. Presiden Mande i bin askim pinis ol opisal long wok bung wantaim ol memba long stapim ol narapela hevi.

Nau yet Wewak Lig i askim sapot bilong ol yut grup na kampani insait bilong provins long mekim wok mentenens bilong gren sten, na fom bilong ol sapota long sindaun na lukim pilai. Na tu long mekim ol arapela wok bilong mekim fil i kamap gutpela.

Ol eksekyutiv bilong Wewak Lig bai i amamas sapos ol yut na praiwet kampani i putim han long sapotim em.

Mande i tokaut tu olsem ol memba bilong lig i mas go pas long mekim dispela wok long developim ragbi lig insait long Wewak.

# Winfield League '91

# SPAK MARK

EM SINGAUTIM HETKWATA NA LAP WANTAIM...

ALFA-BRANO... KOLIN HETKWATA... MI KISIM PASENDIA PINIS... TASOL TEWEL BILONG EM LUS PINIS...

WHEW!

HA! HA! HA!... KARIM EM I KAM!!

NAU OL I KAMAP LONG HETKWATA LONG MOSBI...

HEY, KAUNSO! BOS BILONG MIPELA WETIM YU... KAM KALAP LONG KA.

DRAIVA KARIM EM I GO LONG HET OPIS...

... KA WAN TU BEIS.. OVA!... MI KIGIM.. ER KAUNSO! I KAM NAU.. OVA!...

... BOS HI...! BUTPEL... KARIM EM I KAM... OVA!

OVOM... REDIO LONG OLGETA HAP!

MAIKI GO INSAIT LONG OPIS... EM KIRAP NOGUT OLSEM OLGETA WOKMAN I SAVE OLSEM EM I KAM...

HALO, KAUNSO! BOS I WETIM YU... GO INSAIT!

T..TENK YU...

MAN! OLGETA ISANG OLSEM MI KAM, YA! IBAKARAP I HAMAS INDAI

SWISSBOD OPERET

EM NOK LONG DUA NA GO INSAIT... AI BILONG EM I OP TRU TAIM EM I LUKIM BOS BILONG OL...

HALOUU, KAUNSO! GINDAUN!

T..TENK YU... SA!

YUPELA, MAN O SANDING?

NAU BOS I TOK TOK WANTAIM EM...

... ER... NEM BILONG MI EM ANDASON... MI BOSIM OL BIRUA O BAGARAP BILONG OL PLES INSAIT LONG KANTRI...

AEEE TRU, YA! ER... BIKMAN!

## PERSONAL LOANS

Husat i halivim yu long kisim ol samting yu laikim tru?

Sapos yu laikim nupela ka o ol samting bilong haus. PNGBC ken givim yu dinau long baim ol dispela samting.

Yu mas gat gutpela wok na sampela seving long haus moni Na i no hat tumas long bekim dispela dinau.

Askim long haus moni bilong PNGBC Bai mipela halivim yu long kisim ol samting yu laikim emu tru!




**PAPUA NEW GUINEA BANKING CORPORATION**



# REBO

TUPELA KIRAP NA APIM EM I GO ANTAP STRET NA BIHAIN OL I SUBIM HET BILONG EM I GO DAUN...



TASOL REBO MARIMARI LONG EM NA PUTIM EM I GO DAUN NA TOKIM EM LONG RAN...



NAU OL I GO BEK BAIM BIA BILONG OL NA TEKOV I GO BEK LONG PATI...



OL I DRING I GO TULAIT I BRUK... MUSIK TU I PAIRAP...



LONG BIK MONING TRU REBO WANTAIM EMILY GO BEK LONG HAUS NA SILIP... AUDA SILIP WANTAIM OL TUMBUNA, NA LONG BELO EM GO SEKIM HAUS...




REBO HARIM AUDA PAIRAP I STAP NA EM KIRAP... HET BILONG EM I PAIA STRET...




OL SAVEMAN BILONG BISNIS YUSIM OL!


**Lister**




LTI 5 KVA  
 • TOTALLY PORTABLE ENERGY SOURCE  
 • IDEAL UNIT FOR VILLAGE LOCATIONS



TS2 85 KVA  
 • 3 PHASE OR SINGLE PHASE POWER  
 • COMPACT AND EFFICIENT



HR3 26.25 KVA  
 • IDEAL COMMERCIAL BACKUP SYSTEM



CS6 58 KVA  
 • INDUSTRIAL CAPACITY  
 • WILL HANDLE MAXIMUM DEMAND FOR POWER ANYTIME

**Brian Bell Stores**

- BOROKO — 25 5411
- LAE — 42 3377
- GOROKA — 72 1098
- MT. HAGEN — 52 1999
- RABAU — 92 1966

# Phantom



# Flash Gordon



# MICKEY MOUSE



# LUTHERAN



# SHIPPING

LUSHIP LUSHIP LUSHIP LUSHIP LUSHIP

## MAY 1991 PASSENGER SCHEDULE

Lutheran Shipping P.O. Box 1459, Lae For passenger bookings/Information contact Clement or Ita  
Ph: 42 2066 Denotes passenger only vessel. Others vessels are cargo passenger vessels.

Vessel	Voy. No.	Sailing for	Day	Date	Time
Mamose Ex	204N	Buki/Finsch/Wasu/Madang/Wewak	Wed	01-05-91	9am
Nagada	230S	Oro Bay	Wed	01-05-91	12nn
Simbang	314N	Sialum/Kelanoa/Sio/Yara/Biliau/Madang	Thur	02-05-91	4pm
Malalo	251N	Finsch/Wasu	Fri	03-05-91	4pm
Rita	072B	Buki/Finsch/Buki/Lae (Curfew Change)	Sat	04-05-91	8am
Rita	072N	Kimbe/Bialla/Rabaul	Mon	06-05-91	10am
Mamose Ex	204S	Oro Bay	Mon	06-05-91	7pm
Malalo	251A	Finsch/Gizarum/Lablab/Aumo/Lae	Tue	07-05-91	4pm
Mamose Ex	205N	Buki/Finsch/Wasu/Madang/Wewak	Wed	08-05-91	9am
Malalo	252N	Finsch/Wasu	Fri	10-05-91	4pm
Rita	073B	Buki/Finsch/Buki/Lae (curfew change)	Sat	11-05-91	8am
Simbang	315N	Sialum/Kelanoa/Sio/Yara/Biliau/Madang	Sat	11-05-91	12nn
Rita	073N	Kimbe/Bialla/Rabaul	Mon	13-05-91	10am
Umboi	166N	Madang/Lorengau	Mon	13-05-91	5pm
Mamose Ex	205S	Oro Bay	Mon	13-05-91	7pm
Malalo	253N	Finsch/Wasu	Tue	14-05-91	4pm
Mamose Ex	206N	Buki/Finsch/Wasu/Madang/Wewak	Wed	15-05-91	9am
Simbang	316N	Sialum/Kelanoa/Sio/Yara/Biliau/Madang	Thur	16-05-91	4pm
Rita	074B	Buki/Finsch/Buki/Lae (curfew change)	Sat	18-05-91	8am
Rita	074N	Kimbe/Bialla/Rabaul	Mon	20-05-91	10am
Umboi	167N	Madang/Lorengau	Mon	20-05-91	5pm
Mamose Ex	206S	Oro Bay	Mon	20-05-91	7pm
Malalo	253A	Finsch/Gizarum/Lablab/Aumo/Lae	Tue	21-05-91	4pm
Mamose Ex	207N	Buki/Finsch/Wasu/Madang/Wewak	Wed	22-05-91	9am
Simbang	317N	Sialum/Kelanoa/Sio/Yara/Biliau/Madang	Thur	23-05-91	4pm
Nagada	233N	Aitape/Vanimo	Fri	24-05-91	4pm
Malalo	254N	Finsch/Wasu	Fri	24-05-91	4pm
Rita	075B	Buki/Finsch/Buki/Lae (curfew change)	Sat	25-05-91	8am
Rita	075N	Kimbe/Bialla/Rabaul	Mon	27-05-91	10am
Umboi	168N	Madang/Lorengau	Mon	27-05-91	5pm
Mamose Ex	207S	Oro Bay	Mon	27-05-91	7pm
Malalo	254A	Finsch/Arawe	Tue	28-05-91	4pm
Mamose Ex	208N	Buki/Finsch/Wasu/Madang/Wewak	Wed	29-05-91	9am
Simbang	318N	Sialum/Tuam/Gizarum/Maselle/Lokep			
		Long Island/Madang	Thur	30-5-91	4pm
Malalo	255N	Finsch/Wasu	Fri	31-05-91	4pm

LUSHIP LUSHIP LUSHIP LUSHIP LUSHIP

## MAY 1991 CARGO VESSEL SCHEDULES

Lutheran Shipping, P.O. Box 1459, Lae.  
For cargo bookings/information contact Jerry or Pongu  
Ph: 42 2066.

### SMALL PORTS

### MAIN PORTS

Vessel	Voy. No.	Loading for	Day	Sailing Date	Time
Nagada	230S	Oro Bay	Wed	01-05-91	12nn
Kuder	005N	Madang/Wewak/Vanimo	Fri	03-05-91	10am
Umboi	165N	Madang/Lorengau (dangerous)	Mon	06-05-91	5pm
Wewak	134S	Oro Bay	Tue	07-05-91	12nn
Wewak	135N	Madang/Wewak/Vanimo	Fri	10-05-91	10am
Umboi	166N	Madang/Lorengau	Mon	13-05-91	5pm
Kuder	005B	Oro Bay	Tue	14-05-91	12nn
Kuder	006N	Madang/Wewak/Vanimo	Fri	17-05-91	10am
Umboi	167N	Madang/Lorengau	Mon	20-05-91	5pm
Wewak	135S	Oro Bay	Tue	21-05-91	12nn
Wewak	136N	Madang/Wewak/Vanimo	Fri	24-05-91	10am
Umboi	158N	Madang/Lorengau	Mon	27-05-91	5pm
Kuder	006S	Oro Bay	Tue	28-05-91	12nn
Kuder	007N	Madang/Wewak/Vanimo	Fri	31-05-91	10am

Vessel	Voy. No.	Loading for	Day	Sailing Date	Time
Simbang	314N	Sialum/Kelanoa/Sio/Yara/Biliau/Madang	Thu	02-05-91	4pm
Malalo	251N	Wasu	Fri	03-05-91	4pm
Malalo	251A	Finsch/Gizarum/Lablab/Aumo/Lae	Tue	07-05-91	4pm
Malalo	252N	Wasu	Fri	10-05-91	4pm
Simbang	315N	Sialum/Kelanoa/Sio/Yara/Biliau/Madang	Sat	11-05-91	12nn
Malalo	253N	Finsch/Wasu	Tue	14-05-91	4pm
Malalo	316N	Sialum/Kelanoa/Sio/Yara/Biliau/Madang	Thur	16-05-91	4pm
Malalo	253A	Finsch/Gizarum/Lablab/Aumo/Lae	Tue	21-05-91	4pm
Simbang	317N	Sialum/Kelanoa/Sio/Yara/Biliau/Madang	Thur	23-05-91	4pm
Malalo	254N	Wasu	Fri	24-05-91	4pm
Nagada	233N	Aitape	Fri	24-05-91	4pm
Malalo	254A	Finsch/Arawe	Tue	28-05-91	4pm
Simbang	318N	Sialum/Tuam/Gizarum/Maselle/Lokep/Long Island/Madang	Thur	30-05-91	4pm
Malalo	258N	Wasu	Fri	31-05-91	4pm

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.